



Dr. Aid El-Karni

# Najsretnija žena na svijetu





Naslov originala /

د. عائشة القرني - أسعد امرأة في العالم

Prijevod /

Fahrudin Smailović

Izdavač /

El-Kelimeh, Novi Pazar

Bookline, Sarajevo

Za izdavača /

Malik Nurović

Edin Bećirović

Recenzija i redaktura /

Mr. Senad Halitović

Lektura /

Hasna Ziljkić

Korektura /

Salahudin Fetić

Štampa /

Grafičar, Užice

---

CIP - Каталогизacija у публикацији

Народна библиотека Србије, Београд

28-055.2

821.411.21-3

821.411.21-1

**AL-QARNI, Aid**

Najsretnija žena na svijetu / Aid El-Karni ; [prijevod Fahrudin Smailović]. - Novi Pazar: El-Kelimeh, 2007. - (Užice: Grafičar), - 193 str. ; 20 cm

Stv. nsl. izvornika na arap. jeziku. - Tiraž 300.

ISBN 978-86-83707-84-4

a) Ислам - Жена

COBISS.SR-ID 138245388

---

CIP - Katalogizacija u publikaciji

Nacionalna i univerzitetska biblioteka

Bosne i Hercegovine, Sarajevo

28-41-055.2

**el-KARANI, Aid**

Najsretnija žena na svijetu / Aid el-Karani ; [prijevod Fahrudin Smailović]. - Sarajevo : Bookline, 2007. - 191 str. ; 21 cm


Izv. stv. nasl. na arap. jeziku

ISBN 978-9958-694-05-9

COBISS.BH-ID 15647750

---





Dr. Aid El-Karni

---

# Najsretnija žena na svijetu

---

Novi Pazar, 2007.



## *Posveta*

*Svakoj muslimanki koja prihvata Allaha za Gospodara,  
islam za vjeru i Muhammeda ﷺ za poslanika.*

*Svakoj djevojci koja korača putem istine, nosi misiju istine;  
svakoj odgajateljici koja se bori riječju, štiti svoje vrijednosti  
i usavršava svoj duh.*

*Svakoj majci koja je odgojila svoju djecu na bogobožnosti;  
podigla ih na praksi Božijeg Poslanika i usadila im prave  
vrijednosti.*

*Svakoj zabrinutoj i tužnoj ženi:*

*Raduj se i veseli brzom rješenju, Allahovoj zaštiti, velikoj  
nagradi i opraštanju grijeha.*






## Predgovor

Hvala pripada Allahu, Gospodaru svjetova. Neka je salavat i selam, mir i blagoslov s Allahovim Poslanikom, njegovom porodicom, ashabima i sljedbenicima.

Ovo je knjiga koja se obraća ženi da bude zadovoljna svojom vjerom i radosna zbog blagodatī koje joj je Allah pružio. Neka se veseli onome što ima. Ovo je osmijeh nade, dašak želje i zrak sreće za svaku ženu čija su prsa tijesna, brige mnogobrojne, tegobe nagomilane... Kazuje joj da je rješenje blizu i da nakon teškoće dolazi last. Obraća se njenom bistrom umu, čistom srcu i vedrom duhu: "Budi strpljiva i očekuj nagradu. Nemoj gubiti nadu ni klonuti duhom! Budi optimistična, jer je Allah uz tebe. On ti je dovoljan. Ništa ti, pored Njega, nije potrebno. On te čuva i brani."

Sestro! Pročitaj ovu knjigu. Naći ćeš tu jasnih ajeta, istinitih hadisa, mudrih misli, nadahnutih priča, dirljivih stihova, ispravnih misli, korisnih iskustava... Pročitaj ove stranice da otjeraš vojnike tuge, sjenke briga, moré straha i neizvjesnosti... Prelistaj ovaj divan koji će ti pomoći da očistiš svoje misli od ruševina zabluda, pećina kolebanja... Ova knjiga će te uputiti u bašče druženja, vrtove sreće, kuće vjere, parkove radosti, perivoje veselja... Nadajmo se da će te Allah obradovati na oba svijeta – Svojom milošću i plemenitošću.

Sastavio sam ovu knjigu kao riznicu punu divnih ukrasa kojim ćeš se uljepšavati. U njoj ima svakakve šminke, sjena, bjelila sjajnijih od zlata ili srebra. Poglavlja



sam nazvao po nakitu – dragulji, medaljoni, ogrlice, smaragdi, biseri, perle, akvamarini, rubini, dijademe, prsteni, unikati, merdžani, dijamanti, briljanti.

Ako imaš ovu knjigu, ne treba ti sav ovosvjetski nakit, bezvrijedni ukrasi, lažna ljepota, trivijalna moda... Ukrasi se ovim nakitom, okiti se njime na životnom festivalu, najljepšoj svadbi, najsretnijem prazniku, najradosnijoj svečanosti, najsajnijoj noći – kako bi bila, ako Bog da, najsretnija žena na svijetu:

*O najsretnija po vjeri i odgoju,  
ne nakitom, ogrlicama i zlatom.*

*Već veličanjem Uzvišenog,  
poput kiše, zore, svitanja i oblaka.*

*Na sedždi, na dovi; u pobožnosti,  
razmišljanju; između table i knjige.*

*U bljesku pećine koju je Poslanik  
Gospodara tvoga poklonio Rimu i Arapima.*

*Ti si najsretnija na svijetu tim  
vrijednostima koje u srcu носиš.*

Tajna tvoje sreće krije se u čistoći tvogeg znanja i bistrini nauke. To se ne stiče čitanjem izmišljenih romana, koji čitaoca izvode iz realnog svijeta; to su ružičasti snovi; opijajuće maštarije, čiji su plodovi frustracije, podijeljene ličnosti, nesreća ili nešto još gore od toga (poput pripovijetki Agate Kristi) uče prevarama, kriminalu, otimačini i pljački. Pročitao sam serijal "Najbolji svjetski romani" – odabrane, privlačne priče za koje su dodijeljene Nobelove nagrade. Uvidio sam da je to mješavina





velikih zablude i gluposti. Neke od njih su svakako dobre sa umjetničke i autorske strane, poput romana Starac i more, Ernesta Hemingveja, i njemu sličnih, u kojima nema opscenosti i poroka i koje ne propagiraju moralnu posrnulost i besmislice.

Svaka razborita muslimanka treba čitati naše vrijedno književno naslijeđe, poput knjiga Tantavija, Kejlanija, Menfelutija, Rafija i njima sličnih pisaca. To su pisci čistih misli, zdravih osjećanja, nose svjesnu misiju. O ovome govorim zato što se zalažem za prečišćavanje književnosti od onoga što je prodrlo iz stranih djela. Koliko je ljudi stradalo od jednog članka ili romana. Neka nas Allah sačuva.

U svakom slučaju, nema ništa ljepše niti bolje od Allahovih priča u Njegovoj Knjizi, zatim od Poslanikovih ﷺ u njegovom Sunnetu, te od svijetle historije dobrih halifa, učenjaka i vjernika. Neka ti Allah podari beričet. Sretna si zbog vjere, upute i naslijeđa koje imaš.

Dr. Aid el-Karni









# Dragulji


Ovo su dragulji u obliku slova; fragmenti korisne nauke; vječnog trajanja; nepromjenljive vrijednosti... Svako slovo je vrednije od dragulja zato što nakit propada, a nauka ostaje. Neka ti *vječno* bude važnije od *prolaznog*.

Pročitaj ove poruke kako bi znala kako da otjeraš vojnike tuge, sjenke briga, moré straha i neizvjesnosti...

Prelistaj ovaj divan, koji će ti pomoći da očistiš svoje misli od ruševina zabluda, pećina kolebanja...







## *Majko...*

Starim, a za moju majku sam još uvijek mali. Sijedim, a kod nje sam još dijete. Jedino je ona zbog mene prolijevala suze, mlijeko i krv. Svi su me zaboravili, a ne i moja majka. Svi su me napustili, osim moje majke. Svijet se za mene promijenio, ali ne i majka. Allaha ti, majko, koliko puta si brisala suze sa obraza kada sam išao na put? Koliko si neprespavanih noći imala kada sam bio odsutan? Koliko si noći uz mene provela kada sam bio bolestan?

Majko...

Kada bih dolazio s puta, čekala si me na vratima suznih očiju od radosti; a kada bih odlazio, pratila si me s tugom u srcu.

Majko...

Nosila si me pod svojim rebrima, u bolu i patnji. Rodila si me s jaucima i uzdisajima. Zagrlila si me i dočekala poljupcima i osmjesima.

Majko...

Nikada nisi zaspala dok meni san nije pao na oči. Nisi pošla da se odmaraš dok ja ne bih postao sretan. Kada bih se osmjehnuo, i ti bi se nasmijala iako nisi znala razlog. A kada bih došao tmuran, ti bi zaplakala iako ne znaš zašto. Oprostila bi mi prije nego što pogriješim i zaboravila prije nego što se pokajem. Opravdala bi me prije nego što se ispričam.

Majko...

Ko bi me pohvalio, povjerovala bi mu i da me je



proglasio vladarom ljudi i Mjesecom punim. A ko bi me kudilo, ne bi mu vjerovala ni da dovede najpovjerljivije svjedoke. Samo si ti uvijek bila zauzeta brigom o meni.

Majko...

Ja sam najvažnija stvar za tebe; najljepša priča; slatka želja; činiš mi dobro i misliš da to nije dovoljno; topiš se od čežnje za mnom...

Majko...

Kada bih suzama zahvalnosti mogao oprati tvoja stopala i ponijeti, od stida, tvoju obuću.

Majko...

Volio bih da mogu preuzeti tvoju smrt i svaku nevolju koja te zadesi.

*Duša mi govori da me uništavaš  
Žrtvujem se za tebe, znala to ili ne.*

Gospodaru, oprosti mojim roditeljima; smiluj im se kao što su oni mene, kada sam bio dijete, njegovali...






## *Vjernica, a ne ateistkinja*

Nema ljepote, dobrote, vrijednosti ni značaja u ženi koja nije iskrena vjernica u Allaha, koja ne slijedi Njegovog Poslanika ﷺ. Ali ukoliko posjeduje vjeru u Allaha i slijedi Njegovog Poslanika, onda je na Pravom putu, prihvatljiva i jedinstvena. A ako ne vjeruje u svoga Gospodara i odrekne se vjere i svojih vrijednosti, onda je jeftina, bezvrijedna i trivijalna. Tada ne može biti lijepa i da nosi zvijezde oko vrata, krunu na glavi i da joj sa čela sunce blješti – zato što je odricanjem od islama poništila svaku vrijednost, vrlinu, čestitost i svaki vid dobra. Odmetnica od Prave vjere je ravna nuli na ovom svijetu. Ako napusti vjeru, lahko joj je da skine haljinu stida, krunu uljudnosti, pokrivač vrlina i odjeću čednosti.

Prvi stepen sreće kod žene jeste da vjeruje u Allaha Uzvišenog i da joj u životu glavni uzor bude Muhammed ﷺ. Da njega voli, njegovu biografiju da čita, njegove naredbe slijedi, njegove zabrane poštuje i njegovu tradiciju oponaša. Ako joj to ne bude polazište, neka ne traži sreću uzalud, niti drugi put ka uspjehu.

Ateistkinja svakog dana tone dublje u ponor i suicid, nezadrživo hrli u propast i vatru – zato što je zanijekala Jedinog Stvoritelja. Živi teškim, nesretnim, jadnim i mizernim životom pa makar stanovala u visokim kulama, ležala na svili, uživala u dibi i kitila se najboljim ukrasima na Zemlji – a sve zato što je njeno srce lišeno svjetlosti vjere. Ona nema mira, prijatelja, sreće, rahatlua, uspjeha, niti nade. Ona živi u tminama, krizama i tragedijama. Ako ponovo želi sreću, neka izgovori: "Nema Boga osim Allaha, Muhammed je Božiji Poslanik."

## *Zlatne grane*



**Prva grana:** Mnogo žena na svijetu je tražilo sreću na svakom mjestu i u svakom pravcu, ali nisu našle put ka vjeri u Allaha.

**Druga grana:** Samo Allah može podariti sreću. Nemoj je tražiti kod drugog, jer je nećeš naći.

**Treća grana:** Bogati misle da je sreća u imetku. Vladari misle da je u vlasti, ali je sreća u pokornosti Allahu.

**Četvrta grana:** Jedan poznati čovjek je, kada je prihvatio islam, rekao: "Već četrdeset godina tragam za srećom, ali sam je našao samo u vjerovanju u Allaha."

**Peta grana:** Kompletna i časna žena je ona koja donosi dobro i koja je bezazlena. Ona koristi drugima i pomaže im.

**Šesta grana:** Obrazovana, prosvijećena žena je ona koja čita otvorenu knjigu Univerzuma; koja vidi redove Jedinosti i slova Moći.

**Sedma grana:** Kada žena uspostavi lijepu vezu sa Allahom, a zatim sa svojim suprugom i djecom, njena porodica će živjeti u sreći i blagostanju.

**Osma grana:** Ne vjerujemo zapadnoj civilizaciji, koja kaže da je usrećila ženu, kada ionako vidimo da joj je tamo život u opasnosti.

**Deveta grana:** Najveći dokaz da je vjera ženi dala sva prava jesu primjeri čestite Merjeme i Asije – iskrene vjernice, Faraonove žene.

**Deseta grana:** Zašto se žena ne upita zašto je Faraonova žena odbila dvore i prestiž suprotstavljajući se odredbama jednog čovjeka koji je bio tiranin? Zato što je vjerovala u Allaha.





## *Dobrodošla...*

*Dobrodošla* – ti koja klanjaš, postiš, čestita, skrušena.

*Dobrodošla* – pokrivena, smjerna, skromna i odmjerena.

*Dobrodošla* – obrazovana, prosvijećena, samosvjесna, razborita.

*Dobrodošla* – pouzdana, vјerna, iskrena, čovjekolјubiva.

*Dobrodošla* – strplјiva, u nagradu uvјerena, pokajnica, sažalјiva.

*Dobrodošla* – ti koja spominješ, koja si zahvalna, samouvјerena.


*Dobrodošla* – sljedbenice Asije, Merjeme i Hatidže.

*Dobrodošla* – odgajateljice dјece, učiteljice lјudi.

*Dobrodošla* – ženo vrijednosti i ideala.

*Dobrodošla* – štovaoće svetog i zabranjenog.





## Da...

Da – tvojem lijepom osmijehu koji zrači ljubavlju i šalje poruku ljubavi drugima.

Da – tvojoj lijepoj riječi koja izgrađuje prijateljstva i otklanja mržnju.

Da – tvojoj primljenoj milostinji kojom raduješ siromahe i hraniš gladne.

Da – druženju s Kur'anom kroz učenje, razmišljanje, primjenjivanje, pokajanje i traženje oprosta.

Da – molitvama, spominjanju Allaha, traženju oprosta i pokajanju.

Da – odgajanju djece u vjeri, podučavanju sunneta i upućivanju na dobro.

Da – skromnosti, hidžabu koji je Allah propisao – to je put sigurnosti.

Da – druženju s onima koje se boje Allaha, vole vjeru i poštuju vrijednosti.

Da – poslušnosti roditeljima, rodbinskim i komšijskim vezama, brizi o siročadima.

Da – korisnom čitanju, druženju s zanimljivom, poučnom knjigom.



## *Ne...*

*Ne* – trošenju života na besposlice, ne osvetoljubivosti i beskorisnoj raspravi.

*Ne* – trošenju i gomilanju novca za uljepšavanje, zabavu, spavanje i luksuz.

*Ne* – istraživanju tuđih grešaka, ogovaranju i zaboravljanju vlastitih mahana.

*Ne* – prepuštanju prohtjevima i udovoljavanju svim željama.

*Ne* – gubljenju vremena s besposličarima i beskrajnim igrarijama.

*Ne* – zapostavljanju tijela, kuće i čistoće, lijepih mirisa i reda.

*Ne* – zabranjenim pićima, pušenju, drogama i svemu lošem.

*Ne* – podsjećanju na ranije nesreće, tragedije ili napravljene greške.

*Ne* – zaboravljanju Ahireta, nezalaganju i nemarnosti prema njemu.

*Ne* – trošenju imetka na zabranjene stvari i rasipništvu u dozvoljenim stvarima.



## Ruže

**Prva ruža:** Ne zaboravi da Allah oprašta onome ko traži oprost, prima pokajanja od pokajnika i prihvata onoga ko Mu se vrati.

**Druga ruža:** Smiluj se slabima – bit ćeš sretna. Pomogni siromašnima – bit ćeš izliječena. Suzbijaj mržnju – bit ćeš zdrava.

**Treća ruža:** Budi optimista – Allah je s tobom, meleki traže oprost za tebe i Džennet te čeka.

**Četvrta ruža:** Obriši suze i očekuj najbolje od svoga Gospodara. Odagnaj brige i sjeti se blagodati koje ti je Allah podario.

**Peta ruža:** Nemoj misliti da se neko zadovoljio ovim svijetom. Niko na ovoj Zemlji nije stekao sve što želi i niko se nije sačuvao od bilo koje vrste zla.

**Šesta ruža:** Budi poput palme, uzdignuta čela, daleko od svega lošeg. Kada te gađaju kamenom, ti baci hurme.

**Sedma ruža:** Može li tuga vratiti izgubljeno? Može li briga ispraviti grešku? Čemu onda briga i tugovanje?

**Osma ruža:** Nemoj očekivati nesreće i iskušenja, već sigurnost, mir i zadovoljstvo.

**Deveta ruža:** Ugasi vatru mržnje u svojim prsima potpunim opraštanjem onome ko te povrijedi.

**Deseta ruža:** Kupanje, uzimanje abdesta, mirisanje, čišćenje zuba i organiziran život – uspješan je lijek za svaku tjeskobu i žalost.





## *Cvijeće*

**Prvi cvijet:** Budi poput pčele koja obilazi mirisno cvijeće i grane.

**Drugi cvijet:** Nemaš vremena za otkrivanje tuđih mana i sakupljanje njihovih pogrešaka.

**Treći cvijet:** Ako je Allah uz tebe, koga se bojiš? A ako je protiv tebe, čijoj pomoći se nadaš?

**Četvrti cvijet:** Vatra zavidnosti izjeda tijelo, a velika ljubomora izgara.

**Peti cvijet:** Ako se danas ne pripremiš, ne znaš hoćeš li moći sutra.

**Šesti cvijet:** Povuci se neopaženo sa mjesta zabava i rasprava.

**Sedmi cvijet:** Budi svojim ponašanjem ljepša od cvjetnog vrta.

**Osmi cvijet:** Čini dobro, jer ćeš tako biti najsretnija.

**Deveti cvijet:** Prepusti stvorenja Stvoritelju, zavidnog smrti, a neprijatelja zaboravu.

**Deseti cvijet:** Slasti zabranjenog prate kajanje, patnja i gađenje.






# Medaljoni

Medaljoni su lijepi, ukrašavaju tijelo. Ali od njih su ljepši duhovni medaljoni. To su Božanske mudrosti koje je Uzvišeni objavio Svojim poslanicima. Sada ću ti pokloniti riječi od svjetla, pune mudrih i znalačkih savjeta i stihova.







*Bljesak: Nema moći niti snage osim kod Allaha*

### **Prvi medaljon: Žena koja se usprotivila tiraniji**

*Što je bilo – bilo je, a ono što želiš neizvjesno je.*

*Imaš samo trenutak u kome živiš.*

Evo kako je Allah pohvalio dobru ženu vjernicu:

*"A onima koji vjeruju – Allah kao pouku navodi ženu faraonovu, kad je rekla: 'Gospodaru moj, sagradi mi kod Sebe kuću u Džennetu i spasi me od faraona i mučenja njegova, i izbavi me od naroda nepravednog!'"*

Ta žena, Asija, neka je Allah njome zadovoljan, ostaje živ primjer vjernicima i vjericama i vidljiv simbol svakom ko želi živjeti u skladu s Allahovim životnim zakonom. Kako je pametna i razborita ta žena – tražila je blizinu Plemenitog Gospodara. Tražila je susjeda prije kuće. Uskratila je poslušnost Faraonu – nevjernom tiraninu. Odbila je živjeti u njegovom dvorcu, s njegovim slugama, dvorjanima i ukrasima.

Tražila je trajnije, bolje i ljepše mjesto, u blizini Gospodara svjetova, u vrtovima i rijekama, mjesto u kome će biti zadovoljni, kod Vladara. To je velika žena. Njena odlučnost i iskrenost su je naveli da svome mužu tiraninu otvoreno kaže riječi istine i vjere. Patila je zbog Allaha i zato je zaslužila blizinu Gospodara svjetova. Uzvišeni ju je učinio primjerom i uzorom svakom vjerniku i vjernici sve do Sudnjeg dana. Pohvalio ju je u Svojoj Knjizi. Zabilježio je njeno ime, preporučio njen postupak, a pokudio njenog supruga koji je prekršio Allahov zakon na Zemlji.

**Zrak: Ne gubi nadu, čak i da si u centru vrtloga**



*Školjka: Pogledaj u šta je Zapad pretvorio ženu – u igračku!*



*Bljesak: Doista je s mukom last*

## **Drugi medaljon: Posjeduješ veliko bogatstvo blagodati**

*Allahove blagodati, ma koliko trajale,  
samo su treptaj oka na smiraju.*

Sestro, doista je s mukom last; nakon suza dolaze osmijesi; nakon noći dan; oblaci tuge će se razići; noć brige će svanuti; teškoća će proći i patnja nestati. Znaj da ćeš imati nagradu. Ako si majka, tvoji sinovi će biti graditelji islama, pomagači vjere i pripadnici Ummeta. Ako ih budeš ispravno odgajala, molit će se za tebe na sedždi i u praskozorje. Velika je blagodat to što si milostiva i blaga majka. Dovoljna ti je čast i ponos to što je Muhammedova  majka podarila čovječanstvu velikog vođu i plemenitog Poslanika .

*Poklonila ja kćerka Vehbova čovječanstvu  
bijelu ruku da ih spasi ropstva.*

Omogućeno ti je da pozivaš pripadnice svoga pola Allahovom putu – lijepom riječju, savjetom, mudrošću, raspravom na najljepši način, dijalogom, uputom, ličnim primjerom i uzvišenim metodama. Žena svojim ponašanjem i dobrim djelima može postići više nego imam na hutbi, predavač tokom predavanja i učitelj koji predaje lekcije. Koliko je žena svojim stidom, smjernošću, pokrivenošću, lijepim ponašanjem, milošću prema komšijama i pokornošću mužu očitalo jaču lekciju od svih vazova i dalo primjer svojim drugaricama!

**Zrak: Sutra će procvjetati bašča, otići tuge i doći utjeha**

*Školjka: Odrekni se „Kada bi...“, „Bit će...“ i „Da će...“ – to vodi neuspjehu.*





*Bljesak: Allah će nakon teškoće olakšanje dati.*

### **Treći medaljon: Dovoljna ti je čast to što si muslimanka**

*Gubiš nadu ako ne vidiš izlaz.*

*Pa gdje je vjera u Allaha i sudbinu?!*

Sve što doživiš bez svoje krivice očistit će ti grijeh, uz dozvolu Jedinog Allaha. Raduj se onome što se navodi u hadisu: "Ženi koja redovno klanja pet vakata namaza, posti mjesec ramazan, čuva svoju čast – ući će u Džennet Gospodara svoga." To su lahke stvari za onoga kome Allah olakša. Radi ova djela kako bi se susrela sa milostivim Gospodarom i bila sretna na ovom i budućem svijetu. Neka tvoje granice budu tako gdje ih je šerijat zacrtao. Slijedi Allahovu knjigu i sunnet Njegovog Poslanika ﷺ.

Ti si muslimanka, a to je velika čast i ogroman ponos. Neke druge su se rodile u nevjerničkoj zemlji, kao kršćanke, jevrejke, ateistkinje ili kao pripadnice neke druge vjere suprotne islamu. A tebe je Allah odabrao da budeš muslimanka. Učinio te je sljedbenicom Muhammeda ﷺ. Ugledaš se na Aišu, Hatidžu i Fatimu, neka je Allah zadovoljan njima. Blago tebi zato što klanjaš pet dnevnih namaza, postiš mjesec ramazana, obavljaš hadž Ka'bi, pokrivaš se kako šerijat propisuje... Blago tebi što prihvaćaš Allaha za Gospodara, islam za vjeru i Muhammeda ﷺ za poslanika.

**Zrak: Tvoje zlato je vjera tvoja, ukras ti je moral, a imetak lijepo ophođenje.**

*Školjka: Prsti su lijepi kada veličaju Allaha.*

*Bljesak: Dovoljan je nama Allah i divan je On Gospodar!*



### **Četvrti medaljon: Nisu iste vjernica i nevjernica**

*Ono što te raduje neće vječno trajati  
a ni tugom izgubljeno nećeš vratiti.*


Možeš se osjećati sretnom kada vidiš samo jednu činjenicu: položaj muslimanke u islamskim zemljama i položaj nevjernice u nevjerničkim zemljama. Muslimanka u islamskim zemljama je vjernica, ona koja udjeljuje, posti, klanja noćni namaz, koja je pokrivena, poslušna svome mužu, bogobožna, uljudna prema komšijama i milostiva prema svojoj djeci... Blago njoj za veliku nagradu koja je čeka, mir i zadovoljstvo...

A žena u nevjerničkim zemljama je otkrivena, bezbožna, otrcana, izložbeni model, odbačena roba, jeftin inventar, bezvrijedna, bez časti, digniteta ili vjere. Uporedi ove dvije činjenice i slike, uvidjet ćeš da si sretnija, uzvišenija i vrednija. Neka je hvala Allahu: "I ne gubite hrabrost i ne žalostite se; vi ćete pobijediti ako budete pravi vjernici."

**Zrak: Svi ljudi će živjeti – I vlasnik dvorca i stanovnik pećine. Ali ko je sretan?**

*Školjka: Mladost stari, ljepota vehne, a samo bogobožnost uspijeva.*





*Bljesak: Allah... Allah je moj Gospodar  
i ništa Mu ravnim ne smatram*

### **Peti medaljon: Ljenost je drug neuspjeha**

*Najbolje mjesto na dunjaluku je sjedalo pobožnog,  
a najbolji drug kroz vrijeme knjiga.*

Preporučujem ti da se nečim baviš. Nemoj se prepuštati mlakoći, lijenosti i besposlici. Ustani i pospremaj kuću ili biblioteku, zaposli se, klanjaj, uči Allahovu Knjigu, čitaj nešto korisno, slušaj korisno predavanje, sjedi sa svojim komšinicama i drugaricama i razgovarajte o stvarima koje će vas približiti Allahu ﷻ. Tako ćeš osjetiti sreću, širinu i radost, uz Allahovu dozvolu. I **čuvaj se...** Čuvaj prepuštanja neradu i besposlici. To će ti stvoriti brige, tugu, sumnje, tjeskobu i uznemirenost koje može otkloniti samo rad. Vodi računa o svom izgledu i ugodnom mirisu kuće. Budi uredna i lijepo se ophodi sa svojim mužem, djecom, braćom, rodbinom, drugaricama. Neka ti lice krase zadovoljan osmijeh i puna pluća.

Pazi se grijeha. Oni su uzrok tuge – naročito oni koji su karakteristični za žene – zabranjen pogled, otkrivanje, osamljivanje s nepoznatima, proklinjanje, psovanje i ogovaranje, nezahvalnost prema mužu... Ti grijesi su veoma zastupljeni kod žena, osim kojoj se Allah smiluje. Čuvaj se srdžbe Uzvišenog ﷻ. Boj se Njega ﷻ. Bogobojaznost će te učiniti sretnom i zadovoljnom.

**Zrak: Kada te obuzme tuga i preuzme briga,  
reci: "Nema Boga osim Allaha."**

*Školjka: Sjeti se da si putnica i pripremi se za put.*





*Bljesak: I ja se neću jadati*

### **Šesti medaljon: Zbog toga što imaš, vrednija si od miliona žena**


*Dovoljan ti je – pored blaga neiskorištenog,  
od ljudi traženog – hljeb pocrnjeli.*

Razmisli koliko u bolnicama po svijetu ima bijelih kreveta u kojima leže hiljade ljudi koji boluju i oporavljaju se godinama. Zar u zatvorima nema hiljade ljudi iza rešetaka? Život im je zagorčan i svakog zadovoljstva lišen. Zar u centrima za rehabilitaciju i u bolnicama ne borave duševno oboljeli ljudi, koji su izgubili razum i postali ludi? Zar nema siromaha koji žive u poderanim šatorima i pećinama, bez kore hljeba? Zar nema žena koje su izgubile život u nesreći zajedno sa čitavom familijom? Zar nema žena koje su izgubile vid, sluh, ili neki od ekstremiteta? Zar nema duševno bolesnih, rakom ili nekom drugom teškom bolešću pogođenih? A ti si zdrava, čitava, zbrinuta, mirna, sigurna i zadovoljna!

Zahvali Allahu na tim blagodatima. Ne troši vrijeme na ono čime Allah nije zadovoljan – praćenjem satelitskih kanala koji propagiraju niske vrijednosti, lažni sjaj, bezvrijednu robu, ništavnu materiju... To u srcu stvara bolest i tugu i sputava funkcije tijela. Gledaj ono što je korisno – poput predavanja, seminara, medicinskih emisija ili vijesti koje se tiču muslimana i muslimanki... Izbjegavaj te besmislice koje se prikazuju i neuljudnost koja se izvozi. Tako se gubi stid, čednost i vjera.

**Zrak: Prepusti nepravednika ahiretskom  
sudu, kada će samo Allah suditi.**

*Školjka: Tvoje nastojanje se vidi iz tvoje dobrote i ljubavi.*



Bljesak: Iz sata u sat olakšanje je sve bliže

## Sedmi medaljon: Sagradi sebi dvorac u Džennetu

*Pokorio sam se prohtjevima i oni me zarobiše;  
da sam bio zadovoljan, bio bih slobodan.*

Pogledaj koliko je generacija prošlo – jesu li odnijeli svoj imetak? Jesu li odnijeli dvorce i položaje? Jesu li ih sahranili sa njihovim zlatom i srebrom? Jesu li se odvezli na Ahiret svojim kolima i avionima? Ne! Lišeni su svega, čak i odjeće i pokrivača. Obukli su ih u ćefine i spustili u mezar.

Zatim im je upućeno pitanje: "Ko ti je Gospodar? Ko ti je Poslanik? Koja ti je vjera?" Spremaj se za taj dan. Nemoj tugovati za bilo čime sa ovog svijeta. To je prolazno i jeftino. Vječna su samo dobra djela. Uzvišeni kaže:

﴿مَنْ عَمِلَ صَالِحًا مِّنْ ذَكَرٍ أَوْ أَنَّىٰ وَهُوَ مُؤْمِنٌ فَلَنُحْيِيَنَّهٗ حَيَاةً طَيِّبَةً  
وَلَنَجْزِيَنَّهُمْ أَجْرَهُمْ بِأَحْسَنِ مَا كَانُوا يَعْمَلُونَ﴾

*"Onome ko čini dobro, bio muškarac ili žena, a vjernik je, Mi ćemo dati da proživi lijep život i, doista, ćemo ih nagraditi boljom nagradom nego što su zaslužili."*

**Zrak: Bolest nosi pismo radosti, a zdravlje je vrijedan ukras**

Školjka: *Sjeti se da je Allah uz tebe. Čemu, onda, strah?*



*Bljesak: Nema drugog božanstva osim Tebe, slava  
Tebi – ja sam se doista o sebe ogriješio*

### **Osmi medaljon: Ne cijepaj srce svojim rukama**

*Ako imaš kod sebe, o vremenu, još onoga  
što je plemenitima bezvrijedno – daj mi ga.*

Izbjegavaj sve ono što ubija vrijeme – prelistavanje razuzdanih magazina, golišavih slika, bijednih misli, ateističkih knjiga, nemoralnih romana... Prati ono što je korisno, poput islamske štampe, korisnih knjiga, konstruktivne periodike, članaka koji koriste čovjeku na ovom i budućem svijetu... Jer, neke knjige ili članci bude sumnju u srcu i vode misli u krivom pravcu. I sami smo svjedoci negativnih pojava koje su nam došle iz svijeta nevjernika i ušle u islamski svijet.

Znaj da samo Allah ima ključeve nepoznatog. On otklanja brigu i tugu. Uporno Mu upućuj dove. Stalno ponavljaj ovu dovu: "Allahu moj, utječem Ti se od briga i tuge, nemoći i lijenosti, kukavičluka i škrtosti, od duga koji ne mogu vratiti i od toga da me ljudi ne omalovaže." Ako ovaj hadis budeš često ponavljala i o njegovim značenjima razmišljala, Allah će ti otkloniti brigu, nedaću i tugu.

**Zrak: Smjesti u sekundi tespih, u minuti  
misao, a u satu djelo.**

*Školjka: Suza pokajnika bolja je od stotinu rekjata uobraženog.*





**Bljesak:** Onaj koji se nevoljniku, kad mu se obrati, odaziva.

### **Deveti medaljon: Ti sarađuješ sa Plemenitim, Darežljivim Gospodarom**

*Vrijeme će nas, nakon daljine i odvojenosti,  
sastaviti u sjeni ljubavi.*

Raduj se, jer ti je Allah pripremio veliku nagradu. On kaže:

﴿فَاسْتَجَابَ لَهُمْ رَبُّهُمْ أَنِّي لَا أُضِيعُ عَمَلَ عَامِلٍ مِّنْكُمْ مِّنْ ذَكَرٍ أَوْ أَنسَى﴾

*"I Gospodar njihov im se odaziva: 'Nijednom trudbeniku između vas trud njegov neću poništiti, ni muškarcu ni ženi.'"*

Uzvišeni obećava ženama, kao što je obećao muškarcima; hvali žene kao što hvali i muškarce: "Muslimanima i muslimankama, i vjernicima i vjericama." To znači da si ti muškarcu sestra i sudrug. Tvoja nagrada je sačuvana kod Allaha – dobra djela koja uradiš u kući i društvenoj zajednici i bogougodni postupci. Zato budi najljepši primjer. Budi svjetiljka i najbolji uzor mladim pokoljenjima.

Neka ti u životu bude uzor Asija, Faraonova žena ﷺ Merjema, Hatidža, Aiša, Esmā i Fatima, neka je Allah zadovoljan njima. One i njima slične su odabrane, dobre, čestite, vjernice, one koje poste i klanjaju – neka je Allah njima zadovoljan i one neka su Njime zadovoljne. Neka to bude i tvoj put. Čitaj njihovu uzoritu biografiju, naći ćeš utjehu i smiraj.

**Zrak: Obriši suze siročetu, dobit ćeš Allahovo  
zadovoljstvo i mjesto u Džennetu**

*Školjka: Ummu Mihdžen je čistila džamiju, a nagradu je dobila u Džennetu.*



*Bljesak: A zar praskozorje nije blizu?*

### **Deseti medaljon: Ti si na dobiti u svakom slučaju**

*Pitaj onoga što nas preokretima sramoti  
je li se iko mogao oduprijeti vremenu?*

**Budi strpljiva.** Ako te zadesi tuga, briga ili žalost, znaj da ti se time brišu grijesi. Ako ostaneš bez jednog djeteta, znaj da će se ono za tebe zauzimati kod Allaha. Ako doživiš hendikep ili bolest, imat ćeš nagradu kod Allaha. To će biti sačuvano kod Njega.

Za glad ćeš imati nagradu, za bolest plaću, za siromaštvo odštetu od Uzvišenog Allaha. Pa zar se može kod Jednog i Jedinog nešto izgubiti? Allah ﷻ to čuva, kao što čuva ono što Mu je povjereno, da ga uruči na Ahiretu.

**Zrak: Namaz garantovano budi  
zadovoljstvo i otklanja tugu**


*Školjka: Ispraviti grešku je vrlina i čast, a upornost u griješenju je propast.*



# Ogrlice

Ogrlice su skupe i vrijedne, ali su  
jemstva vrednija. Svaka obaveza  
data Gospodaru je jemstvo časti, put  
islama, ustav života... Zato se tru-  
di da ispunjavaš obaveze kako bi u  
Džennetu nosila najvrednije i najlje-  
pše ogrlice.







*Bljesak: Ono što ti dajem uzmi i zahvalan budi!*

## **Prva ogrlica: Nabroj Allahove darove koje imaš**

*Toliko se molim Allahu da mogu  
vidjeti šta će mi nakon teškoće pružiti*

Kada se probudiš, sjeti se kako je zora svanula hiljadama nesretnih, a ti živiš u blagodatima; hiljadama gladnih, a ti si sita; hiljadama zarobljenih, a ti si slobodna; hiljadama bolesnih i ožalošćenih, a ti si sretna i zdrava... Koliko suza teče niz obraze žena; koliko je žara u srcima majki; koliko jauka u grudima djece, a ti si nasmijana i zadovoljna. Zato zahvaljaj Allahu na Njegovim blagodatima, zaštiti i plemenitosti.

Budi iskrena prema sebi. Pozabavi se brojevima i statistikom: koliko imaš stvari, blagodati, radosti i užitaka – imaš ljepotu, porodicu, hladove, kuću, domovinu, pothor... , svjetlo, vazduh, vodu, hranu, lijekove... Raduj se! Budi vesela i komunikativna.

**Zrak: Kupi za dinar dovu ubogih i ljubav siromaha.**

*Školjka: Najljepše stvari u tvojoj sobi su sedžada i Mushaf.*



*Bljesak:* **Budi zadovoljna onim što ti je Allah dao, bit ćeš najbogatija**

### **Druga ogrlica: Malo veselja, a ne puno tuge**

*Kada Allah želi raširiti zaboravljenu  
vrlinu, prepusti je jezicima zavidnika.*

Ono što vrijedi od tvog života je sreća, radost, zadovoljstvo, smiraj i satisfakcija. Lakomislenost i uzrujanost nisu nipošto dio tvog života. To je protiv tvoga zdravlja i ljepote. Budi uvijek zadovoljna Allahom, sretna onim što ti je suđeno, vjeruj u određenje, budi optimista u vezi budućnosti, neka ti sjenka bude poput leptira, budi vedra, ne vezuj se za stvari, leti sa cvijeta na cvijet, sa brežuljka na brežuljak, od vrta do vrta...

Budi kao pčela koja uzima i daje slatko – kada sleti na drvo, ne slomi ga; siše nektar, a ne ubada; daje med, a ne grize; leti s ljubavlju i slijeće s ljubavlju. Njeno zujanje je radosno, a žamorenje zadovoljno. Kao da je s nebesa sišla i sa budućeg svijeta sletjela.

**Zrak: Allah voli pokajnike zato što su se  
u Njegovo okrilje vratili.**

*Školjka: Duga, skrušena sedžda bolja je od bijelih dvora.*





**Bljesak:** Hvaljen neka je Allah koji je od mene tugu odstranio

### **Treća ogrlica: Gledaj u oblak, a ne u zemlju**

*Kada vatra ne bi sagorijevala,  
ne bismo znali da (alajino) drvo lijepo miriše*

Budi uzdignuta čela. I, molim te, stalno napreduj i budi uporna. Čuvaj se pada i neuspjeha. Znaj da se život sastoji od minuta i sekundi. Budi vrijedna i izdržljiva poput mrava. Ne odustaj! Pokaj se... Ako ponovo zgriješiš, obnovi pokajanje. Uči Kur'an napamet. Ako zaboraviš, nauči ga po drugi, treći, deseti put... Važno je da se ne osjećaš poraženom i neuspješnom.

Historija još nije rekla svoju posljednju riječ. Razum nikada ne priznaje kraj. Uvijek postoji drugi pokušaj i ispravka. Život je poput tijela, može se podvrgnuti estetskoj operaciji. Život je kao građevina, može se obnoviti i nanovo izgraditi. Može se uljepšati malterom i fasadom. Zaboravi na ideju o neuspjehu i porazu. Izbriši iz uma razmišljanje o bolesti, tragedijama, nesrećama i iskušenjima. Allah kaže: "A na Allaha se oslonite, ako ste vjernici."

**Zrak: Ostavljanje grijeha je džihad, a upornost u grijehu prkos.**

*Školjka: Ispeci pa reci, jer riječi mogu ubiti!*



Bljesak: I obraduj vjernike

**Četvrta ogrlica: Koliba u vjeri,  
a ne dvorac u nevjeri**

*Iako kudim svoje zavidnike, ne  
negiram da sam njihova kazna.*

Žena muslimanka koja živi u kolibi pokorna svome Gospodaru, koja klanja pet vakata namaza i posti ramazan sretnija je od žene koja živi u velebnom dvorcu, između robova i sluga, palmi i pehara... Vjernica u kući od slame, hrani se ječmenim hljebom i vodom u vrču, druži se sa mushafom i tespihom – živi sretnije od one koja živi u kuli od slonove kosti, u baršunastim sobama a ne poznaje svoga Gospodara, ne spominje Stvoritelja i ne slijedi Poslanika.

Dakako, shvati smisao sreće. To nije onaj uzak, neispravan smisao koji je uvriježen kod ljudi. Nije sreća u dolarima, dinarima, drahmama i rijalima; namještaju, odjeći, jelima, pićima i autima. Ne i ne i ne! Sreća je zadovoljstvo srca, mirnoća savjesti, smirenost duše, čilost duha, otvorenost uma, čvrsto držanje, uravnoteženo ponašanje, moralna čistoća, uz satisfakciju i blagost.

**Zrak: Kako može biti miran onaj ko je uvrijedio  
muslimana ili nanio nepravdu čovjeku?!**

Skoljka: *Možda ćemo sutra biti na drugom svijetu!*



*Bljesak: Osloni se na Živog, Besmrtnog.*

## **Peta ogrlica: Rasporedi vrijeme prema obavezama**

*Možda odmah iza brige,  
koja me muči, stoji rješenje.*

Oprobaj se sa korisnom knjigom, vrijednim predavanjem... Čitaj i slušaj. Upijaj zanosno učenje Allahove knjige. Možda će neki ajet uzdrmati tvoje biće, prodrijeti u dušu i dirnuti osjećanja. Na taj način ćeš ugledati uputu i svjetlo i odagnati očaj, sumnju, neizvjesnost i beznade. Prelistavaj stranice sunneta.

Čitaj riječi Miljenika u *Rijadus-salihinu* – naći ćeš djetvoran lijek, korisno znanje koje će te zaštititi od posrta. Sačuvati ćeš se od greške i izliječiti se od bolesti... Lijek ćeš naći u objavi – Knjizi i sunnetu. Odmor ćeš naći u vjeri; radost u namazu, spas u zadovoljstvu; blagostanje u satisfakciji; ljepotu u osmijehivanju; zaštitu časti u hidžabu i duševni spokoj u zikru.

**Zrak: Čuvaj se dove onoga kome je nepravda  
nanijeta i suza lišenog.**

*Školjka: Prije nego što pročitaš knjige, časopise i novine, pročitaj Kur'an.*





*Bljesak: ...da ne biste tugovali za onim što vam je promaklo,  
a i da se ne biste previše radovali onome što vam On daje.*

### **Šesta ogrlica: Nas ne usređuje ono što usređuje vas**


*Bolesnik će nakon bolesti ozdraviti  
i izgubljeni se nakon odsustva vratiti*

Ko ti je rekao da zabavna muzika, bezvrijedne pjesme, destruktivne serije, isprazne predstave, razvrtni časopisi i sumnjivi filmovi mogu donijeti sreću? Ko to tvrdi – laže! Ta sredstva su ključ za nesreću, put ka tuzi, vrata briga, depresije i sumornosti prema pouzdanim priznajima onih koji su tim putem prošli, pa se pokajali.

**Bježi** od tog nesretnog i jadnog života; života besposličara, ništarija, odmetnika od Pravog puta. Posveti se skrušenom učenju, korisnom čitanju, potresnom savjetu, blistavom govoru, plodonoj milostinji, iskrenom pokajanju... Pridruži se duhovnim sijelima, Božijim spomenima, kako bi ti Allah oprostio i ispunio ti srce mirom, sigurnošću i spokojem.

**Zrak: U zdravom srcu nema mnogoboštva,  
prevare, mržnje ni zavidnosti.**

*Školjka: Problem je što dragulji ne idu u kabur sa ženom!*



*Bljesak: Gospodaru moj, učini prostranim prsa moja.*

### **Sedma ogrlica: Ukrcaj se na lađu spasa**

*Bože svemira, predajem Ti se.*

*Gospodaru, smiluj se našoj slabosti, Ti si Milostivi!*

Pročitao sam na desetine biografija pjevača i pjevačica, igrača i igračica, besposličara i besposličarki i ništavnih, živih i mrtvih. Pomislio sam: O žalosti moja, gdje su muslimani i muslimanke, vjernici i vjernice, iskreni i iskrene, oni koji poste i one koje poste, Allahovi robovi i robinje, skrušeni i skrušene?! Zar u ovom kratkom životu ima mjesta za takvu apsurdnost i tričarije?! Može li se život trošiti na besmislice i grijehe? Imaš li, možda, još jedan život?

Imaš li neke druge dane? Imaš li Allahovu garanciju da nećeš umrijeti?

Ne, tako mi Allaha! To su priviđenja i lažne nade. Obračunaj se sa sobom. Preispitaj svoje stanje. Ubrzaj korake, sustigni karavan i ukrcaj se na lađu spasa.

**Zrak: Pametna žena pustinju pretvara u cvrkutavi vrt.**

*Školjka: Stavi u kasu sevap novca za dane siromaštva.*



Bljesak: Muka nosi olakšanje

### **Osmogrlica: Sedžda je ključ sreće**

*Nije sreća u gomilanju para,  
već je bogobojazan čovjek sretan.*


Prva strana sreće u današnjem dnevniku, prva čestitka u registru dana jeste sabah-namaz. Započni svoj dan sabah-namazom. Otvori sabah-namazom svoj dan. Tako ćeš biti u Allahovoj zaštiti, kod Njega na čuvanju i amanetu, pod Njegovom brigom i staranjem. On će te čuvati od svakog zla; upućivati na svako dobro, ukazivati ti na sve što je pozitivno i sprečavati te od svega što je negativno. Nema Allahovog berićeta u danu koji se ne započne sabah-namazom.

Allah ne pozdravlja dan u kojem nije obavljen sabah-namaz. To je prvi znak da je čovjek na dobrom putu. To je naslov knjige spasa i parola pobjede, moći i uspjeha. Blago onome ko klanja sabah. Blagoslovljen je svaki onaj ko klanja sabah namaz. Radostan je onaj ko redovito obavlja sabah-namaz. Teško onome ko ne vodi računa o sabah-namazu – taj je doista propao!

**Zrak: Isprazna rasprava i bespotrebna  
prepirka odnosi sreću i ljepotu.**

*Skoljka: Budi inicijator ispravnosti svoje porodice.*





*Bljesak: Zar grudi tvoje nismo prostranim učinili?*

### **Deveta ogrlica: Starica koja daje primjer**

*Iako si izgubila nadu, došao ti je spas,  
od Blagog – koji molitve prima.*

Budi poput starice koja stoji pred Hadžadžom, a uvjerena je u pomoć svoga Gospodara. Hadžadž joj je zatvorio sina i zakleo se Allahom da će ga ubiti. Ipak, ona samouvjereno, odlučno, hrabro i ponosno kaže: "Ako ga ne ubiješ, umrijet će!"

Budi poput starice Perzijanke koja se oslonila na Allaha kada je bila udaljena od kolibe svojih kokoši. Pogledala je u nebo i izgovorila: "Gospodaru moj, sačuvaj kolibu mojih kokoši. Ti si najbolji čuvar!"

Budi postojana kao Esmā, kćerka Ebu Bekra, kada je ugledala svoga sina Abdullaha ibn Zubejra ubijenog i razapetog. Tada je rekla: "Došlo je vrijeme da ovaj konjanik hoda pješice."

Budi poput Hanse koja je dala četvericu na Božijem putu. Kada je čula da su ubijeni, rekla je: "Hvala Allahu koji me je počastio da imam četvoricu šehida..."

Razmisli o tim uzoritim ženama i prouči njihovu veličanstvenu biografiju.

**Zrak: Budi čila kao povjetarac, mirisna kao mošus i postojana kao planina.**

**Školjka: Zbog svoje nemoći više se bojimo ljudi nego Allaha!**



*Bljesak: I ne gubite hrabrost i ne žalostite se; vi ćete pobijediti!*

### **Deseta ogrlica: Budi najdivnije stvorenje u kosmosu**

*Sve teškoće, ma koliko trajale,  
povezane su sa skorim rješenjem.*

Ti si svojom ljepotom divnija od sunca, svojim ponašanjem slađa od mošusa, svojom skromnošću uzvišenija od mjeseca i svojom suosjećajnošću blaža od kiše. Čuvaj ljepotu vjerom, zadovoljstvo zahvalnošću, poštenje hidžabom... Znaj da tvoji ukrasi nisu zlato, srebro ili dijamanti, već namaz u praskozorje, post u sušnim, vrelim danima, skrivena milostinja za koju samo Allah zna, topla suza koja spira grijehe, duga sedžda na sedžadi pokornosti, stid od Allaha zbog loših misli i šejtanskih sašaptavanja.

Obuci odjeću bogobožnosti – ti si najljepša žena na svijetu, pa makar ti odjeća bila poderana. Ogrni se stidom, jer si najdivnije stvorenje u kosmosu, pa makar bila bosonoga. Nipošto ne živi životom grješnica, nevjernica, sihribaza, nemoralnih i otkrivenih... One će biti džehennemsko gorivo, a "U Džehennem će ući samo nesretnik."

Zrak: **Na svakom mjestu u svome životu naići ćeš na tminu.**

**Tvoje je samo da upališ svjetiljku u sebi!**

Školjka: *Ko kupi ono što mu ne treba, prodao je ono što mu trebà.*



# *Smaragdi*


Mutenebbi kaže:

Ne priželjkujem smaragd radi posjedovanja,  
već ponos, kojeg ću se stalno sjećati.

Ovako razmišlja vjernica – za nju  
su važniji duhovni ukrasi od tjelesnih.  
Uzvišeni ciljevi su joj preči od svako-  
dnevni naslađivanja. Dva rekata u  
džamiji vrednija su od smaragda.







*Bljesak: Kada osvaneš, ne očekuj noć.*

### **Prvi smaragd: O postojana i uzvišena...**

*Možda ono čega se bojiš  
donese ono što priželjkuješ.*

Iskrena muslimanko, plemenita vjernice...

Budi poput palme, udaljena od zla i uzdignuta od svega ružnog. Kada te gađaju kamenom, ti uzvraćaš hurmama. Zelena si i ljeti i zimi... blagodatna... Ne osvrći se na beznačajne sitnice. Čuvaj se svega što vodi bestidnosti. Neka tvoj govor bude ispunjen zikrom, pogled suzom, šutnja razmišljanjem...

Kada budeš sretna i opuštena, bit ćeš prihvaćena od ljudi. Bit će ti zahvalni i činit će dovu za tebe. Allah će od tebe odagnati oblak bijede, sjenku straha i naslage tmurnosti. Spavaj uz mrmor dova i budi se uz pjesme zahvale koje ti vjernici upućuju. Kada postaneš svjesna da sreća nije u kapitalu, već u pokornosti Hvaljenome; niti u oblačenju novog i u služenju robovima, već u pokornosti Uzvišenome.

**Zrak: Ne gubi nadu u sebe, jer promjene su spore.**

**Spoticat ćeš se o prepreke, ali ne  
dozvoli da te nadvlada ju.**

*Skoljka: Tjeraj se be da obavljaš ibadete, zato što je duša sklona zlu.*

*Bljesak: Pozovite Me i zamolite, Ja ću vam se odazvati!*



## **Drugi smaragd: Prihvati blagodat i iskoristi ga**

*Koliko se blagodat, za koje ne zahvaljujemo  
Allahu, u nedaćama krije.*

Iskoristi Allahove blagodati tako što ćeš Mu biti zahvalna i pokorna. Uživaj u vodi tako što ćeš je piti, uzimati abdest i gusl. Koristi sjaj i toplinu sunca. Neka te svjetlost mjeseca kupa svojom ljepotom. Beri plodove, posmatraj rijeke, gledaj mora, putuj prostranstvima i zahvaljuj Moćnom, koji mnogo prašta – Vladaru, Nesavladivom. Upotrijebi vrijedni dār koji ti je Allah poklonio. Nipošto ne poriči Allahove blagodati:

﴿يَعْرِفُونَ نِعْمَتَ اللَّهِ ثُمَّ يُنْكِرُونَهَا﴾

*"Oni priznaju da je blagodat od Allaha, pa je poslije poriču."*

Nemoj biti blasfemična. Prije nego što pogledaš trn ruže, obrati pažnju na njenu ljepotu. Prije nego se požališ na toplotu sunca, uživaj u njegovom svjetlu. Prije nego što osjetiš nelagodnost zbog tamne noći, obrati pažnju na njenu mir i tišinu. Čemu taj pesimističan, negativan pogled na stvari? Zašto nastojati promijeniti blagodati iz njihovog toka? *"Zar ne vidiš one koji su, umjesto zahvalnosti Allahu, na blagodatima nezahvalnošću uzvratili."* Uzmi te blagodati i lijepo ih prihvati. Budi zahvalna Allahu na njima.

**Zrak: Povratak sa krivog na pravi put  
je duga, ali lijepa borba!**

*Školjka: Ljubi ruku svojim roditeljima, steći ćeš (Allahovo) zadovoljstvo!*





*Bljesak: Ne gubite nadu u Allahovu milost.*

### **Treći smaragd: Sa traženjem oprosta je obilna opskrba**



*Prijateljice moja, puste želje su lažne,  
a početak uspjeha leži u beznađu.*

Jedna žena je rekla: "Umro mi je suprug, a ja imam trideset godina i petero djece. Dunjaluk mi se pomračio. Plakala sam toliko da sam skoro vid izgubila. Oplakivala sam svoju sudbinu. Izgubila sam nadu. Briga me potpuno savladala i tuga prekrila. Djeca su mi mala. Nemamo dovoljno primanja. Štedljivo sam trošila ono malo novca koje nam je muž ostavio. Jednom, dok sam bila u svojoj sobi, upalila sam radio i na *Stanici Kur'ana Časnog* čula kako predavač citira hadis Božijeg Poslanika ﷺ: 'Ko bude učestalo tražio oprost, Allah će mu otkloniti svaku brigu i spasiti svake nedaće.'

Nakon toga sam često činila istigfar. Naredila sam i djeci da to čine. Tako mi Allaha, prošlo je par mjeseci i našim brigama je došao kraj. Izrađen je projekt na našem imanju i data nam je naknada od nekoliko miliona. Pored toga, moj sin je postao najbolji učenik u regiji. Naučio je Kur'an napamet i ljudi su se počeli o njemu brinuti i čuvati ga. Naša kuća se ispunila dobrom. Život nam je postao ugodan. Allah je svu moju djecu uputio pravim putem. Otklonio mi je brigu, tugu i anksioznost. Postala sam naj-sretnija žena."

**Zrak: Ako se prepustiš beznađu, nećeš ništa naučiti i nećeš dostići sreću.**

*Školjka: Neka ti je uvijek na umu: "U kućama svojim boravite."*



*Bljesak: Samo nevjernici gube nadu u Allahovu milost.*

### **Četvrti smaragd: Dova otklanja nedaću**

*Nekada je iskušenje blagodat, makar veliko bilo,  
a nekim ljudima Allah blagodati šalje da ih ispita.*

Jednom mom prijatelju, dobrom vjerniku, žena se razboljela od raka. Imali su troje djece. Zemlja mu je, koliko god da je bila prostrana, tijesna postala. Sve mu je bilo tamno. Jedan učenjak ga je savjetovao da klanja noćni namaz, čini dovu u praskozorje, traži oprost od Allaha i uči kur'anske ajete na vodu zemzem za svoju suprugu. On je prihvatio taj savjet i bio uporan u ibadetu Allahu. Onda mu je Uzvišeni ukazao kako da moli za izlječenje svoje žene. Njegova žena je prala tijelo vodom zemzem na kojoj je on učio. Sjedio je s njome od sabah-namaza do izlaska sunca i od akšama do jacije-namaza. Zajedno su tražili oprost od Allaha i upućivali Mu dovu. Allah je otklonio bolest od te žene. Izliječio je i dao joj lijepu kožu i kosu, a ona je ostala privržena istigfaru i noćnom namazu.


Neka je hvaljen Onaj koji liječi i ozdravlja. Nema boga osim Njega, niti Gospodara pored Njega.

**Zato, sestro,** kada se razboliš, požuri Allahu. Traži od njega oprost. Upućuj Mu dove i čini pokajanje. Raduj se ozdravljenju, jer Allah uslišava molitve, otklanja zlo i nevolje:

*"Onaj koji se nevoljniku, kad mu se obrati, odaziva."*

**Zrak: Prellistaj svoju prošlost i sadašnjost. Život je sastavljen od neprekidnih iskustava, iz kojih čovjek mora izaći kao pobjednik.**

*Školjka: Šest stvari su dovoljne: vjera, доброта, zadovoljstvo, čovječnost, poštenje i odanost.*



*Bljesak: On je prema vjernicima samilostan*

### **Peti smaragd: Izbjegavaj beznađe i frustracije**

*Nevolje su, bez sumnje, bolne,  
ali On ti i u njima blagodati pokazuje*

Mladić koji je bio jedinac u svoje majke, završio je u zatvoru. Majka više nije mogla spavati i brige su je potpuno obuzele. Plakala je do iznemoglosti. Tada ju je Allah uputio na dovu: "Nema moći, niti snage, osim kod Allaha." Ponavljala je te riječi, koje predstavljaju jednu od džennetskih riznica. I samo nakon nekoliko dana i nakon što je izgubila nadu da će njen sin biti pušten, čula je njegovo kucanje na vratima. Odjednom je osjetila neopisivu sreću, radost i veselje. To je nagrada onome ko se veže za Svoga Gospodara, bude uporan u dovi i prepusti stvari Njemu.

Izgovaraj riječi "Nema moći niti snage osim kod Allaha." To su doista velike riječi, koje čuvaju tajnu sreće i uspjeha. Često ih izgovaraj. Njima tjeraj oblake brige i tuge i sjenke potištenosti. Očekuj sretan ishod od Allaha i blizak spas. Ne dozvoli da ti se prekine uže nade ili da se predaš frustraciji. Jer, svaka poteškoća sa sobom nosi olakšanje i sa svakom mukom je i last. To je zakon i pravilo ovoga života. Zaklinjem te Allahom da imaš lijepa očekivanja od Allaha, da se oslanjaš na Njega, da tražiš Njegovu pomoć i očekuješ olakšanje od Njega.

**Zrak: Nemoj da tvoji teški poslovi i brige budu  
tema tvoga razgovora; na taj način  
stvaraš barijeru između sebe i sreće.**

*Školjka: Neprestano traži oprost – vrata se mogu iznenada otvoriti!*





**Bljesak:** Tvoj Gospodar doista mnogo prašta!

**Šesti smaragd: Tvoja kuća je  
kraljevstvo dragosti i ljubavi**

*Reci: "On je Milostivi, u Njega vjerujemo"  
i slijedimo Poslanika iz Medine.*

Dragocjena sestro, ne napuštaj svoju kuću bez valjanog razloga. Tvoja kuća je tajna tvoje sreće:

﴿وَقَرْنَ فِي بُيُوتِكُنَّ﴾

*"U kućama svojim boravite."*

U svojoj kući ćeš naći ukus sreće, očuvati svoju čast, razboritost i stid. Beznačajna žena je ona koja često odlazi u čaršiju bez potrebe. Jedina briga joj je praćenje mode, traženje nove odjeće, obilaženje butikā i raspitivanje o svemu što je novo i neobično. Njen motiv nije vjera, niti vjerska misija. Ona ne teži znanju, nauci, niti prosvjećenosti. Takva žena samo rasipa i razuzdano živi. Misli samo na jelo i oblačenje.

Nipošto, nipošto ne ostavljaj kuću. To je mjesto sreće, oaza mira i rahatluka, pećina srdačnosti i prostor zaštićenosti od ljudi. Neka tvoja kuća bude stjecište ljubavi i izvor lijepih, blagoslovljenih darova.

**Zrak: Svoje probleme izlaži samo onima koji će ti pomoći  
svojim savjetima i govorom koji donosi sreću.**

*Školjka: Tvoja stara odjeća je nova za siromašne.*



*Bljesak: Čudan je položaj vjernika - sve je za njega hajr (dobro)*

## **Sedmi smaragd: Ti nemaš vremena za brbljanje!**

*Pun mjesec se smije, zvijezde aplaudiraju,  
čemu, onda, brige da nas muče?*

Ne polemiziraj i ne ulazi u isprazne rasprave o stvarima koje se mogu desiti. To stvara tjeskobu u grudima i nemirnu savjest. Nemoj se truditi da uvjeriš ljude u stvari koje se mogu dvojako shvatiti. Iznesi svoj stav smireno, bez buke, insistiranja i obijesti. Izbjegavaj pretjerano uzvrćanje i kritiku, jer će ti to narušiti unutrašnji mir i o tebi dati neprimjerenu sliku.

Kaži svoje mišljenje na blag, miran i umiljat način. Tako ćeš pridobiti srca i povjerenje drugih. Budući da ogovaranje, izrugivanje i nalaženje mahana stvara nela-godu i brigu, ti se posveti ispravljanju svojih mahana i ne bavi se tuđim nedostacima. Allah nas nije stvorio savršenim, bezgrješnim. Štaviše, svi imamo grijeha i nedostataka. Blago onome koga vlastite mahane zabave od traženja tuđih.

**Zrak: Majka, čije dijete padne s visokog mjesta,  
ne treba gubiti vrijeme na vrisku, već  
se mora posvetiti zavijanju rana.**

*Školjka: Reći roditeljima "uh" je haram. A šta je sa onim što je više od toga?*



*Bljesak: Znaj da, ono što te je zadesilo, nije te moglo mimoći!*

**Osmi smaragd: Budi čile duše, pa će  
te sve postojeće pozdravljati**

*Misliš li da je bijeda od čovjeka neodvojiva?  
Neobično je ono što dugo traje.*

Gledaj na život pozitivno, optimistično. Život je Boži-  
ji dar čovjeku. Primi poklon Jednog, Jedinog. Prihvati ga  
radosno i sretno. Doživi divni sjaj i svježinu jutra. Uživaj u  
svjetlosti dana i spremno dočekaj tamnu noć. Zahvalno  
pij blagotvornu vodu. Veselo i čilo udiši zrak. Miriši cvije-  
će veličajući Allaha. Razmišljaj o svemiru i uzimaj pouku.  
Iskoristi obilne blagodati na zemlji – bukete cvijeća, poja-  
vu ruža, dodir povjetarca, opuštajući miris bašči, toplinu  
sunca, svjetlost mjeseca... Pretvori te darove i blagodati  
u bilans stvari koje će ti pomoći da budeš pokorna Allahu,  
zahvalna na blagodatima, milosti i udostojenju. Nipošto  
ne dozvoli da te mora briga i oblaci jada preplave i spri-  
ječe da vidiš te blagodati. Tako ćeš samo biti nezahvalna  
i kruta. Moraš znati da je Uzvišeni Stvoritelj i Skrbnik ﷻ te  
blagodati stvorio kako bi ljudima bilo lakše da Mu izraze  
pokornost. On kaže:

﴿يَا أَيُّهَا الرُّسُلُ كُلُوا مِنَ الطَّيِّبَاتِ وَاعْمَلُوا صَالِحًا﴾

*“O poslanici, dozvoljenim i lijepim jelima se hranite i dobra  
djela činite.”*

**Zrak: Najbolje i najiskrenije će te ugostiti oni koji  
nemaju ništa, zato što oni znaju vrijednost riječi  
i osmi jeha. Koliko ljudi daje uz grubosti!**

*Školjka: Nesrdi se, jer život je kraći nego što ti se čini.*





*Bljesak: A onome koji se Allaha boji On će izlaz naći.*

## **Deveti smaragd: Niko nije dostigao sve što želi i doživio potpunu sreću**

*Otjeraj brigu spominjanjem Samodostatnog i drži se daleko od strasnih noći.*



U velikoj si zabludi ako misliš da život treba da bude u potpunosti onakav kakav želiš. To se može ostvariti samo u Džennetu. Na ovom svijetu stvari su relativne. Neće ti se ostvariti sve što želiš. Naprotiv, doživjet ćeš mnogo iskušenja, bolesti, nesreća i patnji. Zato, budi zahvalna na blagodatima i strpljiva u nedaćama. **Nemoj živjeti u, svijetu ideala** tražeći zdravlje bez bolesti, bogatstvo bez oskudice, sreću bez gorčine, muža bez negativnih strana, drugaricu bez mahana... To je u osnovi nemoguće. Nauči sebe da prelaziš preko negativnosti, tuđih pogrešaka i nedostataka. Tragaj za pozitivnim stvarima i vrlinama. Vedro gledaj na svijet, pozitivno tumači tuđe postupke i samo se u Allaha uzdaj. Ljudi nikako nisu zaslužili da se na njih oslanjaš i važne stvari im prepuštaš:

﴿إِنَّهُمْ لَنُغْنُوا عَنْكَ مِنَ اللَّهِ شَيْئًا﴾

*"Jer te oni nikako ne mogu od Allahove kazne odbraniti."*

**Zrak: Ne prihvataj tmine u svom životu. Svjetlo postoji – potrebno je da pritisneš dugme da bi zasjalo!**

*Školjka: Ne uništavaj svoje živce zavidnošću... Budi nježna prema svom tijelu!*



**Bljesak:** A onome koji se Allaha boji, On će sve što mu treba učiniti dostupnim.

### **Deseti smaragd: Uđi u bašču spoznaje**

*O ti, koji psuješ i rugaš se vremenu,  
jesi li ti bezgrješan i potpuno uspješan?*

Jedan od puteva ka sreći jeste ispravno razumijevanje vjere. Izučavanje vjere otvara vidike i zadovoljava Gospodara. Božiji Poslanik ﷺ kaže: "Kome Allah želi dobro, podari mu razumijevanje vjere." Čitaj naučne knjige koje će ti koristiti i povećati poznavanje i razumijevanje vjere – poput *Rijadus-salihin*, *Fikhus-sunna*, *Fikhud-delil*, pojednostavljenih tefsira, korisnih poslanica... Znaj da je najvrednije djelo upoznavanje Allahovog ﷻ nauma kroz Njegovu Knjigu i Poslanikovog ﷺ nauma kroz njegov sunnet. Što više razmišljaj o Kur'anu i izučavaj ga sa svojim sestrama.

Uči napamet koliko je u tvojoj moći, slušaj ga i primjenjuj u svom životu. Nepoznavanje Allahovog zakona je tama u srcu i tjeskoba u prsima. Formiraj biblioteku, makar bila mala, u kojoj ćeš smještati korisne i vrijedne knjige i kasete. Nipošto ne gubi vrijeme na slušanje pjesama ili gledanje serija. Polagat ćeš račun za svaki moment svog života. Zato iskoristi vrijeme na ono čime će Allah biti zadovoljan.

**Zrak: Najteži problemi su lakši uz osmijeh bliske osobe.**

*Školjka: S tobom je najjači od svih, najmućniji od svih – Uzvišeni Allah.*



# *Biseri*

Svaka žena može otići kod juvelira i kupiti skupocjene dragulje. Ali je mnogima teško kupiti plemenite dragulje mudrosti i lijepih savjeta, zato što je njihova cijena duša koja čezne, srce koje voli, iskrena riješenost, lijepa namjera i ispravno ophođenje s drugima.







*Bljesak: Ti ne znaš, Allah može poslije toga priliku pružiti!*

### **Prvi biser: Sjeti se prolivenih suza i ranjenih srca**

*Zar nisi vidjela da je poslije noćnih  
tmina – nastupilo svjetlo zore!?*

**Jedan književnik kaže:**

Ako misliš da si od vremena dobila obećanje da će ono stalno ići na tvoju ruku, da će ti se pokoravati u svakom trenutku i razdoblju i da će ti pružati samo ono što želiš i voliš – onda se slobodno prepusti tuzi uvijek kada ti izmakne nešto što želiš i pobjegne ono za čim stremiš.

A ukoliko poznaješ manire vremena i njegov običaj da daje i uzima, pruža i otima i da sve što poklanja brzo natrag uzima; ako spoznaš da je to zakon koji važi za sve ljude ovog svijeta – živjeli oni u dvorcima ili kolibama, le-tjeli među zvijezdama ili spavali na prašnjavim hasurama – znat ćeš kako smanjiti tugu, umanjiti suze. Nisi ti prva koju je pogodila strijela vremena i nije tvoja nesreća fenomen o kome će se pisati u rubrici "crna hronika."

**Zrak: Prestani razmišljati o greškama. Razmišljaj o dobrim stvarima koje si propustila zbog njih.**

*Školjka: Pobožna žena više kazuje postupcima nego riječima.*



Bljesak: **Nesreće izmamljuju dove**

## **Drugi biser: Oni nisu sretni!**

*Jačaj, nesrećo, koliko hoćeš  
zora će te uskoro otjerati*

Nemoj se ugledati na ljude koji žive luksuzno i rasipno. Njihov život je jadan i očajan. Doista, ljudi koji brinu samo o trošenju na sebe, svoje prohtjeve i strasti, koji tragaju za uživanjima i naslađivanjima, bilo to dozvoljeno ili ne – takvi ljudi nisu sretni. Oni žive teškim životom, tužni i potišteni. Jer niko ko skrene sa Allahovog puta i čini grijehe neće nikada naći sreću.


Nemoj misliti da su ljudi koji žive u raskoši i rasipništvu sretni. Ne! Zaista su neke žene koje žive u zemljanim kolibama sretnije od onih koji spavaju na nojevom perju, na dibi i svili, u hladovitim dvorcima. To zato što je siromašna, pokorna, skromna vjernica sretnija od grješnice koja sopstvenim primjerom odvraća druge od pravog puta.

**Zrak: Sreća se krije u tebi. Zato se trebaš okrenuti ka sebi.**

Školjka: *"Koliko imaš novaca" – upitaše staricu. "Vjera u mog*

*Gospodara je moj novac" – odgovori ona*





**Bljesak: Znaj da nema boga osim Allaha**

### **Treći biser: Put ka Allahu najbolji je put**

*Duša može izgubiti nadu na  
samo pedalj od spasenja.*

Šta je sreća? Je li sreća u bogatstvu, u prestižu ili lozi? Mnogo je odgovora, ali pogledajmo kako je ova žena našla svoju sreću:



Nakon svađe sa suprugom, muž reče: "Unesrećit ću te." Ona smireno odgovori: "Nećeš moći." – "Kako neću?" – upita je. Ona reče: "Kada bi sreća bila u novcu, ti bi mi ga oduzeo. Kada bi bila u nakitu, ti bi me lišio njega. Međutim, sreću ne posjeduješ ni ti, niti ijedan drugi čovjek. Moja sreća je u vjerovanju, vjerovanje mi je u srcu, a nad mojim srcem jedino moj Gospodar ima vlast."

To je istinska sreća – sreća vjere. Tu sreću može osjetiti samo onaj čiji su srce, duša i misli puni ljubavi prema Allahu. Pravi vlasnik sreće je Jedan Jedini. Tragaj za srećom tako što ćeš Mu biti pokorna.

Put do sreće vodi preko spoznaje prave vjere koja je objavljena Božijem Poslaniku ﷺ. Onome ko spozna taj put nije važno da li spava u pećini, oslanja glavu na kamen i hrani se komadom hljeba. On je najsretniji čovjek na svijetu. A onome ko promaši ovaj put život je tužan, imetak propao, djela izgubljena i patnja pripremljena.

**Zrak: Potreban nam je imetak da bismo živjeli. To ne znači da moramo živjeti radi imetka.**

Školjka: *Ljepota bogobojznosti važnija je od fizičke ljepote.*



Bljesak: *Gospodaru, molim Te za zdravlje i oprost*

**Četvrti biser: Kada se putevi zatvore,  
obradi se Onome ko skriveno zna**

*Kada se nađeš u bezizlaznoj situaciji,  
sjeti se "Zar grudi tvoje nismo prostranim učinili"*

Ibn el-Dževzi kaže:

"Dogodila mi se jedna situacija zbog koje sam osjećao stalnu potištenost i zabrinutost. Intenzivno sam razmišljao o načinu i sredstvima kako da se oslobodim tih briga, ali nisam mogao nazrijeti izlaz. Tada mi se ukazao ajet: ...a onome koji se Allaha boji, On će izlaz naći. Shvatio sam da je bogobojažnost put izlaska iz svake teškoće. Odlučio sam se da ostvarim bogobojažnost i ubrzo sam se riješio briga."

Bogobojažnost je za pametne ljude uzrok svakog dobra. Kazna se upućuje samo zbog grijeha, a ukida samo pokajanjem. Nesreće, tuge i jada samo su rezultat postupaka koje si počinila – nemarno obavljenog namaza, ogovaranje muslimanki, nepažnje pri pokrivanju ili činjenja grijeha. Onaj ko skrene sa Allahovog puta sigurno će osjetiti posljedice svojih propusta i platiti račun prekršaja. Sreću je stvorio Milostivi i Samilosni, pa kako je možeš tražiti od drugoga? Kada bi ljudi posjedovali sreću, na zemlji ne bi bilo oskudice, tuge, niti jada.

**Zrak: Otjeraš od sebe razmišljanje o svojim  
poniženjima i zaboravi na njih. Koncentriši  
se na uspjeh i tako nećeš propasti.**

*Školjka: Započni dan jutarnjim zikrom kako bi doživjela spas i uspjeh.*



**Bljesak:** Ja postupam sa Mojim robom onako kako on misli o Meni

### **Peti biser: Neka ti svaki dan bude novi život**

*Ako težiš za dostojanstvom,  
ne prihvataj ništa manje od zvijezda.*

Udaljenost od Allaha donosi samo gorčinu. Inteligencija, snaga, ljepota i oštroumnost pretvaraju se u svoje suprotnosti kada nema Allahove pomoći i blagoslova. Zato Uzvišeni Allah upozorava ljude na pogubnost te otuđenosti i nepažnje prema Njemu.

Zamisli da šetaš ulicom i da prema tebi velikom brzinom ide automobil koji guta prostor i prijeti da ti uništi tijelo i oduzme život... Shvaćaš da se moraš spasiti i što prije pobjeći. Allah želi ukazati Svojim robovima da su izloženi nesreći i propasti ukoliko ne pribjegu Njemu. Savjetuje ih da što prije potraže spas kod Njega – Jedinog:

*"Zato požurite Allahu, ja sam vam od Njega da vas javno upozorim; ne prihvatajte drugog boga osim Allaha, ja sam vam od Njega da vas javno opomenem!"*

Taj povratak zahtijeva da čovjek sam sebe obnovi, da reorganizira svoj život i iznova izgradi bolji odnos sa Gospodarom. Njegova djela ubuduće trebaju biti potpunija, a zakletva potvrđena slijedećom dovom: "Allahu, Ti si moj Gospodar. Nema boga osim Tebe. Stvorio si me i ja sam Tvoj rob. Ja se pridržavam Tvog ugovora i obećanja koliko mogu i utječem Ti se od zla kojeg sam počinio. Priznajem Tvoju blagodat koju si mi dao i priznajem svoj grijeh, pa mi oprosti, jer samo Ti grijeha opraštaš."

**Zrak: Ako doživliš neuspjeh u nečemu, nemoj se predavati beznađu. Nemoj brinuti i ne sumnjaj da će rješenje doći.**

*Školjka: Našminkaj se suzama pokajanja, jer su one ljepše od surme.*





Bljesak: Tvoj osmijeh upućen tvojoj sestri je sadaka

### **Šesti biser: Žene su zvijezde na nebu i svjetlice u tmini**

*Kada te pogodi promjenljivost vremena,  
zatraži utočište kod Jedinog – Svemoćnog!*


Dobra muslimanka je ona koja se lijepo ophodi prema svome mužu i koja mu je pokorna nakon pokornosti Allahu. Božiji Poslanik ﷺ hvali takvu ženu. Za njega je to ideal kojem svaki čovjek treba težiti. Kada su ga pitali koja je žena najbolja, on je kazao: "Ona koja te obraduje kada je pogledaš i koja ti se ne suprotstavlja u onome što prezireš u pogledu nje i njenog imetka."

Kada je objavljen ajet: *Oni koji zlato i srebro gomilaju* Omer i Sevban (neka je Allah zadovoljan njima) krenuše Božijem Poslaniku ﷺ. Omer ga upita: "Božiji Poslaniče, ovaj ajet je teško pao tvojim ashabima!" Poslanik ﷺ reče: "Hoćeš li da ti kažem šta je bolje od gomilanja – dobra žena koja te obraduje kada je pogledaš, poslušna kada joj narediš i čuva tvoju čast kada si odsutan."

Poslanik ﷺ ženin ulazak u Džennet stavlja u istu ravan sa zadovoljstvom njenog muža. Ummu Seleme رضي الله عنها prenosi da je Božiji Poslanik ﷺ rekao: "Svaka žena koja umre a njen muž bude zadovoljan njome – ući će u Džennet." Budi takva žena – i bit ćeš sretna.

**Zrak: Dobit ćeš mjesto u prvom redu, pod uvjetom da svemu što radiš dodaš više revnosti i umijeća.**

Skoljka: *Često izlaženje iz kuće bez potrebe je svojeglavo i ružno.*



*Bljesak: Sreća je došla do tebe zato što se kosmos okreće*

### **Sedmi biser: Smrt, a ne haram**

*Ne gubi nadu zbog kratkotrajne teškoće –  
lagodno ti je bilo mnogo duže.*


Abdullah ibn Omer ibn el-Hattab رضي الله عنه prenosi hadis o trojici mladića koji su se sklonili u pećinu, nakon čega im je velika stijena zatvorila izlaz. Odlučili su zamoliti Allaha da ih izbavi iz pećine tako što će Ga moliti svojim dobrim djelima. Drugi od njih je kazao: "Allahu moj, ja sam imao amidžičnu i bila mi je najdraže biće" (u drugom predanju stoji: "zavolio sam je najviše, kao što muškarac može voljeti neku ženu"). "Tražio sam od nje da mi se preda, ali je ona odbila. Ja sam radio, sve dok nisam skupio stotinu dvadeset dinara, pa sam joj ih donio.

Kada mi je bilo omogućeno da joj priđem" (u drugom predanju: "Kada sam joj legao među noge"), "rekla mi je: 'Allahov robe, boj se Allaha i ne uzimaj mi nevinost osim na halal-način.'" Ta djevojka je bila bogobojazna i nije na početku pristajala da mu se preda. Međutim, kada ju je siromaštvo iznurilo, bila je prisiljena da ispuni želju tog muškarca. Kada su se osamili, podsjetila ga je na Allaha i bogobojaznost. Pokrenula je njegova vjerska osjećanja i ukazala mu na dužnost da je oženi ukoliko je želi, a ne da vrši blud sa njom. On se osvijestio i pokajao se Allahu. To je bio razlog da se stijena pomakne još malo.

**Zrak: Navikni se da živiš sa strahom i on će nestati.**

*Školjka: Prošla je slast grijeha, a ostala gorčina kajanja.*

Bljesak: Tvoj život rezultat je tvojih razmišljanja



### Osmi biser: Ajeti i iluminacije

Vidio sam – a vrijeme iskustvo donosi –  
da ustrajnost donosi povoljan ishod

Uzvišeni kaže:

*"Allah će, sigurno, poslije tegobe, olakšicu dati."*

*"O vjernici, budite strpljivi i izdržljivi, na granicama bdijte i Allaha se bojte, da biste postigli ono što želite."*

*"...ati obraduj izdržljive, one koji, kada ih kakva nevolja zadesi, samo kažu: 'Mi smo Allahovi i mi ćemo se Njemu vratiti!'"*

*"On šalje kišu kad oni izgube svaku nadu i rasprostire blagoslov Svoj..."*

*"...samo oni koji budu strpljivi bit će bez računa nagrađeni."*

Uzvišeni navodi Zun-nunovu dovu:

﴿لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ﴾

*"Nema boga, osim Tebe, hvaljen neka si! A ja sam se zaista ogriješio prema sebi!"*

Kur'an te poziva da budeš sretna i smirena, da se prepustiš svome Gospodaru i da Allahovo obećanje širokogrudno prihvatiš. Allah nije stvorio ljude da bi ih kažnjavao, već da bi ih očistio, odgojio i usavršio. On je prema čovjeku milostiviji od oca i majke. Traži, zato, milost, blizinu i zadovoljstvo Uzvišenog Allaha – zikrom, zahvalnošću, čitanjem Njegove Knjige i slijeđenjem Njegovog Poslanika ❀

**Zrak: Budi spremna na najgore, bit ćeš darovana osjećanjem poboljšanja.**

Školjka: Ne zatvaraj griješenjem vrata uslišenja.





**Bljesak:** *Ženama je najveća čast to što je Muhammedova majka bila žena*

## **Deveti biser: Spoznaja Milostivog otklanja brige**


*Ako na ispravan način voliš, sve je lahko  
i sve što je na zemlji – zemlja je.*

Allah je najdarežljiviji i najplemenitiji. Daje Svojim robovima prije nego što zatraže, više nego što su očekivali. Zahvalan je na malo učinjenih dobrih djela, a oprašta i briše velike greške. Njemu se mole oni koji su na nebesima i na Zemlji; svakog časa On se zanima nečim. Slušanje Ga ne sprečava da čuje i mnoštvo molitvi Ga ne zbunjuje. Ne zamara Ga uporno traženje. Naprotiv, On voli ljude koji su uporni u dovi. Voli da Mu se traži i mrsko Mu je kada Mu se dova ne upućuje. Stidi se od roba onda kada se rob ne stidi od Njega. Pokriva ga onda kada on sam sebe ne pokriva. Milostiv je prema čovjeku i kada on sam prema sebi nema milosti. Kako da srca ne vole Onoga koji jedini može donijeti dobro i otkloniti zlo? Niko drugi ne uslišava dove, ne ispravlja pogreške, ne oprašta grijehe, ne pokriva sramote, ne otklanja poteškoće, ne spašava nevolje i ne poklanja darove!

Allah najobilnije daje, a On najveću milost i plemenitost posjeduje. Najmoćniji je zaštitnik i najbolji Gospodar. Milostiviji je prema Svome robu nego majka prema djetetu. Više se raduje čovjekovom pokajanju nego što se raduje pustinjak koji je našao izgublenu devu, na kojoj mu je hrana i voda i svaka nada.

**Zrak:** *Neka tvoj pokušaj da dođeš do sreće  
bude samo po sebi lijepo iskustvo.*

*Školjka: Daj i drugima priliku da govore i iskažu svoje mišljenje.*



*Bljesak: A onima koji vjeruju – Allah kao  
pouku navodi ženu faraonovu*

### **Deseti biser: Beriĉetan dan**

*Strpljiv budi kada brige navru,  
Bog će donijeti spas*

Pokušaj, kada klanjaš sabah, provesti neko vrijeme sjedeći skrušeno. Okreni se prema Kibli deset – petnaest minuta. Izgovaraj zikr i dovu. Moli Allaha da ti podari lijep dan, blagodaran, blagoslovljen, sretan dan – dan ispunjen uspjehom, dobroćinstvom i prosperitetom; dan bez briga, kriza i problema; dan obilne opskrbe, mnogobrojnih dobara, opće sigurnosti; dan bez tuge, jada i žalosti. Od Allaha Uzvišenog se traži radost, nafaka i dobro. To sjedenje će ti, uz Allahovu pomoć, garantirati spremnost za taj lijep, beriĉetan i koristan dan.

Preporučeno je da, dok obavljaš kućne poslove ili sjediš, slušaš učenje Kur'ana lijepim glasom od skrušenog, pokornog uĉaĉa. Pažljivo i skrušeno slušaj ajete Allahove Knjige. Tako ćeš saprati mrlje, sumnje i nedoumice sa svoga srca i postati bolja, razboritija i širokogrudnija nego ranije.

**Zrak: Nemoj brinuti o stvarima koje ne možeš  
uraditi. Umjesto toga, potruđi se da na  
što bolji način obaviš ono što umiješ.**

*Školjka: Tvoja mahrama je ljepša od oblaka na suncu!*



# Perle

Postoje dragulji zvani perle – poznati i čuveni. Mogu se kupiti novcem i staviti oko vrata. Ne mislim na njih, niti želim o njima pričati. Mislim na perle koje se nižu po kruni ženi-  
ne časti, kako bi bila najsretnija na svijetu. To su perle velikih značenja, časnih ciljeva i lijepih osobina: vjera i odgoj, iskrenost i ispravnost, vjernost i pokajanje, odluka i rad...







*Bljesak: Doista je Allahova pomoć blizu.*

## **Prva perla: Razborita žena znači sretan život**

*Allah će donijeti olakšanje, jer*

*On svakog trenutka o stvorenjima brine.*

Žena treba lijepo sačekivati svoga muža. Ne treba mu otežavati probleme i pojačavati umor. Naprotiv, mora pohrliti ka njemu i ispuniti mu sve želje.

Ženo, ne trebaš ga odmah po dolasku kući pitati zašto je potišten i umoran. Kada se opusti i presvuče u kućnu odjeću, vjerovatno će on sam kazati zašto je potišten. Ukoliko to ne učini, ne smeta da ga nenametljivo i bojažljivo upitaš šta je razlog takvog (ne)raspoloženja.

Ako žena uvidi da može pomoći svome mužu pri rješavanju problema koji su ga učinili potištenim, neka odmah pristupi tome. Na taj način će mnogo olakšati svome suprugu. Čovjek će nakon toga znati da u kući ima vrijedan dragulj, vredniji od svih dragulja na svijetu zajedno.

**Zrak: Ne jadikuj zbog posla koji nisi dovršila. Moraš znati da posao odraslih nikada nema kraja!**

*Školjka: Sunce bježi, zvi jezde svijetle, a planete se okreću. Čemu tuga?!*



*Bljesak:* **Kada Allah zavoli neke ljude, iskuša ih**

## **Druga perla: Živi samo za ovaj dan**

*Ne misle da nakon dobra zlo ne dolazi,  
niti da to zlo neminovno ostaje*

**Jedan sretnik kaže:**

“Sretan dan je onaj u kome mi vladamo dunjalukom, a ne on nama; dan u kojem upravljamo svojim strastima i prohtjevima, a ne slijedimo ih poniženi i poslušni.

**Ne zaboravi kakav treba biti taj dan:**

Svaki dan u kojem spasim sebe, riješim sumnju o onome što mogu i što ne mogu – to je prelijep dan.

Ljepota toga dana ogleda se u dvojbi između zahvalnosti ljudi i djela za koje ti niko neće zahvaliti i koje ne vidi niko. Odričeš se zahvalnosti i prihvaćaš djelo kojeg ćeš se doživotno sjećati i za koje niko neće znati.


Ljepota toga dana, u kojem sam zamalo napunio džepove novcem i lišio se ikakve ljudskosti. Prihvatio sam prazne ruke u zamjenu za ispunjenost duše.

Ovi dani su lijepi. U njima nije najljepša obilna zarada, već osjećaj samokontrole, koja će donijeti veću korist na duge staze, uz Allahovu dozvolu.”

**Zrak: Budi sretna zbog onoga što imaš, zadovoljna onim što ti je Allah dao. Mani se maštanja o onome što je izvan tvojih mogućnosti i sposobnosti.**

*Školjka: Namaz ti je najbolja pomoć u naporima i teškoćama.*





**Bljesak:** Allah je već oprostio ono što je bilo.

### **Treća perla: Otjeraj osjećaj ugroženosti**

*Uživaj i naslađuj se, jer svemu dolazi kraj,  
kao što je imalo i početak.*

To je osobina koja pomaže pri suzbijanju brige, ostvarenju općeg uspjeha u životu, njegovanja prijateljstava i porodične sreće. Jer samo čovjek širokih obzorja može razumjeti prirodu ljudi, prihvaćati promjene, staviti se u položaj drugih i shvatiti vidljive i nevidljive okolnosti.

Što se tiče konkretno briga, čovjek širokih obzorja razumije stvari i shvaća, kada mu se desi neki problem ili ne ostvari ono što je želio, da je to priroda života i da na ovom svijetu "nema odmora". Svjestan je da čovjek može mrziti nešto što je dobro za njega, ili priželjkivati nešto što je loše za njega, a da je dobro u onome što mu je Allah ﷻ odredio.

Čovjek širokih obzorja osjeća da je dio ovog prostranog univerzuma i da snosi dio bolova i nesreća, ali i sreće, također. Ne smije ga ništa iznenaditi niti povrijediti. Treba biti iznad svega i ne osjećati kompleks ugroženosti koji postoji kod uskogrudnih ljudi, koji misle da se nezgode i problemi dešavaju samo njima, da ga ljudi ugrožavaju, da nikada nema sreće. Čovjek širokih obzorja se ne osjeća tako. On je svjestan prirode života i zna da je on dio toga. Zadovoljan je njime nakon što je uložio sav svoj napor kako bi ostvario boljitak.

**Zrak:** Budi sretna danas, a ne sutra.

*Školjka: Otjeraj zle misli, bit ćeš bolja i za sebe i za ljude oko tebe.*



*Bljesak: Mir neka je vama zato što ste trpjeli!*

### **Četvrta perla: Sladak li je teško stečeni uspjeh**

*Na mukama smo, pa dođe olakšanje;  
odu, pa se nikada ne vrate*

**Jedan uspješan čovjek kaže:**

Rodio sam se u siromašnoj porodici. Živio sam u oskudici otkako sam bio u kolijevci. Okusio sam gorčinu traženja parčeta hljeba od majke koja nije imala ništa da mi da, pa čak ni zalogaj suhog hljeba. Otišao sam od kuće sa deset godina, a u jedanaestoj sam postao sluga. Učio sam po mjesec dana u svakoj godini. Nakon jedanaest godina teškog rada stekao sam dva vola i šest ovaca koje sam prodao za osamdeset četiri dolara.

U životu nisam potrošio nijednu paru na svoje prohtjeve. Štedio sam svaki dinar koji bih zaradio otkako sam odrastao, pa do svoje dvadeset prve godine. Osjetio sam šta znači naprezanje i umor. Propješačio bih milje kako bih pitao svoju braću ljude da mi omoguće posao od kojeg ću živjeti. Prvog mjeseca nakon što sam napunio dvadeset i jednu godinu odlazio sam s volovskim kolima u šumu da siječem drva. Svakog jutra sam ustajao prije zore i teško radio sve dok se ne bi smrknulo, da bih zaradio šest dolara na kraju mjeseca. Svaki od tih šest dolara mi se činio kao mjesec u mrkloj noći!

**Zrak: Ako si napravila greške u prošlosti, uči iz njih.**

**Kada izvučeš iz njih pouku, pusti ih da idu.**

*Školjka: Vjera otklanja brige i briše jade.*





*Bljesak: Reci: "Allah vas iz njih i iz svake nevolje izbavlja"*

### **Peta perla: Prilagodit ćeš se svome stanju**

*Stranac, bez prijatelja u svakoj zemlji,  
kada se mnogo traži, malo ko može pomoći.*

Poznajem čovjeka kome su ljekari amputirali nogu. Otišao sam da ga utješim. Bio je to pametan i učen čovjek. Namjeravao sam mu reći: "Ummet ne očekuje od tebe da budeš vješt napadač, niti nepobjedivi borac – već da daš ispravno mišljenje, svijetlu misao, što i dalje imaš, hvala Allahu.

Kada sam ga posjetio, rekao mi je: "Hvala Allahu, noga me je desetljećima dobro služila. Srce je zadovoljno kada je vjera ispravna. Jedan mudrac kaže: 'Smirenost duha proističe samo iz prihvatanja najgore pretpostavke. Sa psihološke strane, to daje nesputanu vitalnost...'" Zatim reče: "Usprkos tome, hiljade i hiljade ljudi ruši svoje živote u naletu srdžbe, zato što se ne mire sa gorkom stvarnošću i ne žele spasiti ono što se spasiti može. I, umjesto da pokušaju još jednom obnoviti svoje nade, oni započinju gorku bitku s prošlošću i prepuštaju se brizi koja nema kraja.

Kajanje zbog neuspjeha u prošlosti, iscrpljujuće plakanje zbog teškoća i gubitaka koji su se tada desili je – sa aspekta islama – jedan vid nevjerovanja u Allaha i nezadovoljstva Njegovom odredbom.

**Zrak: Frustracija je tvoj najljući neprijatelj.  
On može uništiti tvoju smirenost.**

*Školjka: Odvoji dio svoje hrane za siromašne.*





*Bljesak: I tako smo od vas stvorili pravednu zajednicu*

### **Šesta perla: Pravi savjeti razborite majke**

*Koliko puta su zraci tuge  
donijeli sreću za sobom...*

Postoji jednostavan savjet jedne žene koja spada u klasične arapske mudrace. To je savjet koji je Umama bint Harisa uputila svojoj kćerki, Ummu Ijas bint Avf, na noć njene udaje. Rekla joj je:

“Kćerkice moja, ti odlaziš iz zraka koji si kao beba udahнула, napuštaš gnijezdo u kojem si odrasla. Kada nekoj ženi ne bi bio potreban muž i kada bi ona bila potrebnija svojim roditeljima, to bi bila ti. Međutim, žene su stvorene radi ljudi i ljudi radi žena.

**Prvi i drugi savjet:** Budi pokorna, zahvalna i poslušna svome mužu.

**Treći i četvrti:** Misli na njegov vid i njuh – ne daj da njegovu oko vidi nešto ružno i neka miriše samo najljepši miris.

**Peti i šesti:** Vodi računa o vremenu kada on treba jesti i spavati. Redovna ishrana je važna, a ometen san budi srdžbu.

**Sedmi i osmi:** Čuvaj njegov imetak i pazi na njegovu čast i porodicu. Kontrola trošenja znači odmjerjenost, a kontrolisano ponašanje sa porodicom znači organizovanost.

**Deveti i deseti:** Ne krši njegove naredbe i ne širi njegove tajne. Ako mu budeš neposlušna, otrovat ćeš mu dušu, a ako otkriješ njegovu tajnu, bit ćeš izložena njegovoj srdžbi. Osim toga, nipošto se ne raduj kada je on tužan i ne budi potištena kada je on veseo!”

**Zrak:** *Tvoja sreća ne zavisi od druge osobe.  
Ona zavisi samo od tebe.*

Školjka: *Ne čitaj bezbožničke knjige i nemoralne časopise!*



*Bljesak: Sutra će zasjati sunce i zablistati duša.*

## **Sedma perla: Žrtvovala se, pa je zadovoljila svoga Gospodara**

*Ne gubi nadu, jer je beznađe nevjerovanje  
Allah može i malim obogatiti*


Jesi li čula za ženu Džuhenišku, koja je posrnula i počnila blud. Zatim se sjetila Allaha, pokajala se i vratila. Došla je Božijem Poslaniku ﷺ sa željom da je očisti od zinaluka kamenovanjem. Nosila je dijete iz tog bludnog odnosa. Rekla je: "Božiji Poslaniče, prekršila sam Allahov zakon, pa ga primijeni na mene." Poslanik ﷺ pozva njenog staratelja i reče: "Lijepo je pazi. Kada se porodi, dođi kod mene." Tako je i bilo. Nakon što je rodila, Poslanik ﷺ naredi da je obuku, a zatim kamenuju. Potom joj je klanjao dženazu. Omer mu reče: "Božiji Poslaniče, klanjaš joj dženazu, a počinila je blud?!" On odgovori: "Doista je njeno pokajanje dovoljno za sedamdeset stanovnika Medine. Zar ima što veće od toga što se žrtvovala radi Allaha ﷻ?"

To je jak vjerski impuls koji ju je naveo na pročišćenje. Žrtvovala je prolazan život radi vječnog. Da nije imala jaku vjeru, ne bi pristala na smrt kamenovanjem. Neko može upitati: "Zašto je počinila blud? Zar to nije znak slabog vjervovanja?" Odgovor je: "Čovjek ima trenutke slabosti zato što je stvoren od slabosti. Sklon je grijehu zato što je po prirodi užurban. Skreće sa pravog puta zato što je nepotpun. Međutim, kada sjeme imana u njegovom srcu poraste u drvo široke krošnje, tada na vidjelo izlazi njegova prava priroda i čvrsto vjerovanje. Iz tog razloga je ova žena požurila da je Božiji Poslanik ﷺ očisti. Žrtvovala je svoj život kako bi stekla zadovoljstvo i oprost svoga Gospodara.

**Zrak: Ne dopuštaj da neprestano patiš!**

*Školjka: Uzrok svake brige je napuštanje Allaha. Vрати mu se.*





*Bljesak: Izgaraj, tugo, brzo ćeš proći!*

### **Osmu perla: Čuvala je povjerenja Allahovo, pa je On nju sačuvao**

*Nije sramota ako čovjek izgubi blagodat;  
sramota je ako izgubi vedrinu*

Pripovijeda se da je jedna lijepa, imućna žena ostala u svojoj kući zajedno sa služavkama kada je Aleksandrija bila napadnuta. Krstaši su upali u kuću isukanih sablji. Jedan od njih je upita: "Gdje je blago."

Ona, sva prestravljena, odgovori: "Blago je u sanducima, u ovoj kući", pokazujući na kuću u kojoj se nalazila. Drhtala je od straha. Jedan od pljačkaša reče: "Ne boj se, bit ćeš moja. Uživat ćeš u mojem blagu i imetku." Ona shvati da je on želi za sebe. Obrati mu se blago: "Želim otići u toalet."


On pomisli da ga ona želi i dozvoli joj da ode toalet i obavi svoju potrebu. Dok se ona sakrivala, krstaši su se bavili pljačkanjem blaga. Žena je izašla iz svoje kuće i sakrila se u hambar sa duhanom u susjednom sokaku. Iskopala je rupu u duhanu i tu se zatrpala. Krstaši su je tražili nakon što su opljačkali kuću, ali je nisu mogli naći. Zabavili su se nošenjem plijena i pošli su. Žena se spasila zahvaljujući svojoj prevari. I njene služavke su se spasile tako što su se ispele na krov kuće.

Žena je potom rekla: "Čistoća vjere i časti bolja je od blaga čija je svrha bila samo ovo. Siromaštvo je bolje od ropstva i nasilne promjene vjere."

**Zrak: Prihvati neminovnu istinu:  
Na ovom svijetu ćeš se neprestano susretati  
sa stvarima koje nećeš moći izmijeniti. S njima  
moraš postupati sa strpljenjem i vjerom.**

*Školjka: Sutnja je, sestro, kruna na tvojoj glavi.*





Bljesak: Majka uzgaja ljude i školuje junake

## Deveta perla: Voda pokajanja je najčistija

*Raduj se životu, jer je on lijep,  
učini ga svakim dobrom baršunastim.*


Allah voli one koji se kaju i koji se čiste. Štaviše, Allah se više obraduje pokajanju Svoga roba nego čovjek u pustinji svojoj devi koju ugleda nakon što ju je izgubio, a na njoj mu sva hrana i piće. Čovjek je, ne nadajući se da će naći svoju devu, zaspao. Pa, kada se probudio, vidio je pored sebe svoju devu, te je od silne radosti rekao: "Gospodaru moj, Ti si moj rob, a ja Tvoj gospodar!" Pogriješio je od silne radosti! Neka je hvaljen On – kako je samo Uzvišen i Milostiv. Raduje Ga pokajanje roba kako bi ga nagradio Džennetom i Svojim zadovoljstvom. On poziva Svoje vjerne robove:

*"I svi se Allahu pokajte, o vjernici, da biste postigli ono što želite."*

Pokajanje je čišćenje srca vodom suza i vrelinom kajanja. To je vrelina u srcu, plamen u duši, poraz savjesti, suza u oku... To je početak puta ka Allahu, glavница imetka spašenih, prva pobjeda sljedbenika i ključ ispravnosti zalutalih. Pokajnik postaje poslušan, jeca i plače... Kada se sve smiri, on drhti od straha. Dok se ljudi odmaraju, njegovo srce puno čežnje ne miruje. On stoji pred svojim Gospodarom tužnog srca, zabrinute duše, pognute glave, naježene kože... Sjeća se svojih teških grijeha i velikih pogreški. Tuga ga obuzima, srce mu gori i suze naviru. Dah mu je vreo, a uzdisaji bolni. Pretrnuo je zbog sutrašnjeg takmičenja i žuri sa ovog dunjaluka zato što će ubrzo prelaziti preko mosta na Džehennemu.

**Zrak: Razmišljaj pozitivno, optimistično. Ako stvari stoje loše u jednom danu, to je uvod u drugi, sretan i radostan dan.**

*Školjka: Šta će reći svome Gospodaru ona koja se otkrije na pozornici?!*



*Bljesak: ... koje za vrijeme muževljeva odsustva vode brigu o onome o čemu treba da brigu vode, jer i Allah njih štiti?*

### **Deseta perla: Prva žrtva**

*Čovjek može mrziti  
ono što je dobro za njega*

Živjela je u najvećem dvorcu svoga vremena. Gospodarila je mnogim služavkama i robovima. Život joj je bio luksuzan i lagodan.

To je Asija, kćerka Muzahima, Faraonova žena, neka je Allah njome zadovoljan... Žena nekog tijela, vjernica, smirena u svome dvorcu. Iman joj je zasjao u srcu i ona se usprotivila bezbožničkoj stvarnosti u kojoj je živjela.

Njen pogled je bio prodoran. Premašivao je dvore, udobne duške i luksuzan život. Premašivao je sluškinje, robove i sluge. Zato je zaslužila da je Allah spomene u Svojoj Knjizi, navodeći je kao primjer onima koji vjeruju:

*"A onima koji vjeruju – Allah kao pouku navodi ženu faraonovu, kad je rekla: 'Gospodaru moj, sagradi mi kod Sebe kuću u Džennetu i spasi me od faraona i mučenja njegova, i izbavi me od naroda nepravednog!'"*

Naučnici ovako tumače ovaj ajet: "Asija je odabrala komšiju prije useljenja u kuću. Zato je zaslužila da je Poslanik ﷺ uvrsti u idealne žene: 'Mnogi muškarci su bili idealni, a od žena su bile idealni samo Asija, Faraonova žena i Merjema, kćerka Imranova. Aiša je vrednija od ostalih žena kao zobena kaša (*serid*) od ostalih jela'"

To je Asija, vjernica – svjetiljka koja je obasjala tmine Faraonovog dvorca. Ko će nama biti svjetiljka koja će obasjavati, noseći sa sobom strpljivost, stamenost i pozivati Uzvišenom Allahu?

**Zrak: Obuzdaj svoje misli i bit ćeš sretna**

*Školjka: Kuća je tvoja najveća kraljevina. Oživi je zikrom.*





# *Akvamarini*

Koliko god se žena trudila da nabavi najskupocjeniji i najblještaviji nakit, ne može nadmašiti žene koje su prije nje nosile dragulje i ukrase koji vrijede gomile zlata i srebra: Še-džerud-durr /vladarica Egipta nakon halife Saliha Ejjuba/, Širin, Kleopatra, Kristina Onasis, Dijana i druge. Međutim, one su umrle namučene, slomljene i nesretne. Zato žena treba tražiti druge dragulje, u riznici časne Objave, u skladištu čistog šerijata.







**Bljesak:** Milost Allahova je doista blizu onih koji dobra djela čine

## **Prvi akvamarin: Uzdaj se u Allaha i spavaj**

*Allah može izliječiti bolove, On je  
darežljiv prema Svojim robovima.*


Onoj što je zaspala sretna zbog Allahovog zadovoljstva i određenja, glave oslonjene o uzburkali uragan, po-  
gađaju je strijele i ranjavaju koplja, tuga do njenog srca  
ne može doprijeti, suza u njenom oku ne traje...

Onaj koja je izgubila djecu, drage prijatelje i očeve...  
Svakom zabrinutom vjerniku i iskušanom robu:

Neka ti Allah uveliča nagradu, podigne stepen i za-  
liječi rane.

Uzvišeni kaže:

*"Pomozite sebi strpljenjem i molitvom, a to je, zaista, teško,  
osim poslušnima."*

Alija  kaže: "Strpljivost je u odnosu na iman kao  
glava u odnosu na tijelo." Raduj se nagradi na budućem  
svijetu, na najvišim stepenima Dženneta, u blizini Je-  
dnog i Jedinog, u Edenskim vrtovima, na mjestu u kome  
će biti zadovoljni, kao nagrada za ono što si činila, davala  
i ulagala. Neka ti je sa srećom taj iman, strpljivost i uvje-  
renost u nagradu. Znat ćeš da si svakako na dobitku: "I  
obraduj strpljive."

**Zrak: Samopouzdanje znači davanje većeg smisla  
tvome životu, koliko god imala godina  
i bolje iskorištavanje ovog života.**

*Školjka: Klanjaj namaz koji će te u kaburu pratiti.*



*Bljesak: Allah je blag prema robovima Svojim*

### **Drugi akvamarin: Sljepilo je samo u srcu**

*Vrijeme može biti samo mučenje koje završava  
brzo, ili tjeskoba koja se brzo širi.*

Jedan slijepi čovjek živio je sretno sa svojom voljenom, vjernom suprugom, poslušnim sinom i predanim drugom. Jedina stvar koja mu je narušavala sreću bila je tama u kojoj je živio. Želja mu je bila da vidi svjetlo, kako bi svojim očima vidio sreću u kojoj živi.

Poznati ljekar se doselio u mjesto ovog slijepca. On ode do njega i zatraži lijek kojim će povratiti vid. Liječnik mu propisa kapi i reče mu da ih redovno uzima. "Na taj način možeš ugledati svjetlo svakog časa" – reče mu.

Slijepac je uzimao kapi iako se niko oko njega nije nadao da će ozdraviti. Nekoliko dana kasnije ugledao je svjetlo dok je sjedio u dvorištu svoje kuće. Ustreptao je od radosti i pohita u kuću svojoj dragoj ženi da joj saopći radosnu vijest. Zatekao ju je u svojoj sobi kako ga vara s njegovim prijateljem. Nije vjerovao u ono što vidi. Otvorio je vrata druge sobe i zatekao sina kako krade novac iz kase.

Zato se vratio istog trenutka, uzvikujući: "To nije liječnik, to je prokleti čarobnjak!" Uzeo je klin i iskopao sebi oči! Nakon toga se uplašeno vratio sreći na koju je bio navikao.

**Zrak: Duševne boli su razornije od tjelesnih.**

*Školjka: Budi zadovoljna svojim izgledom i opskrbom, bit ćeš sretna.*





*Bljesak:* Neće, Gospodar moj je sa mnom, On će mi put pokazati.

### **Treći akvamarin: Ne otvaraj sudnicu osvete čija ćeš ti biti prva žrtva**

*Allah te je sačuvao onoga što se jučer desilo,  
sačuvat će te i onoga što će biti sutra*

Neki ljudi su toliko velikodušni da bi dali sve što imaju. Ignoriraju mnoge stvari i ponekad se prave glupi. Duša tih ljudi je široka i lahka. Ne zagledaju u sitnice, ne čitaju između redova i ne zamaraju se tim stvarima.

Drugi, naprotiv, ne znaju za velikodušnost i ne žele popustiti ni koliko trun. Neprestano su u sukobu s ljudima i stalno pokušavaju povratiti ono što je njihovo (ili što nije njihovo). Rijetko kada su zadovoljni.

Veći su izgledi da je velikodušan čovjek smiren i bezbrižan. Takav čovjek je drag i voljen od strane ljudi. Vrata uspjeha se pred njim otvaraju više nego onome koji je u stalnom sukobu sa Allahovim robovima, koji, povrhu svega, analizira tuđe riječi i postupke i u njima traži loše namjere. On na sve strane traga za brigom. Ljudi ga mrze, izbjegavaju i pred njime zatvaraju vrata uspjeha. Kada god je Božiji Poslanik ﷺ birao između dvije stvari, odabrao bi lakšu, ukoliko u tome nema grijeha. Ako bi se radilo o grijehu, izbjegavao bi to.

Božiji Poslanik ﷺ kaže: "Allah se smilovao čovjeku koji je tolerantan kada prodaje, kada kupuje i kada potražuje svoje pravo."

**Zrak: Trudi se u datom trenutku i ne brini  
o onome što će biti sutra.**

*Školjka: Ibadet je sreća, a namaz uspjeh.*



*Bljesak: Ne objavljujemo Kur'an da se mučiš*

### **Četvrti akvamarin: Posebnost je u rezultatima**

*Ako čovjeku Allahova pomoć ne pristigne,  
najbolje će mu pomoći ulaganje truda.*

Jedan bogataš kaže:

"Ne osjećam se nimalo posebno zbog toga što sam najbogatiji čovjek na svijetu. Živim običnim životom, u skromnom stanu sa svojom suprugom. Ne pušim i ne pijem. Ne marim za životom milijardera čijih su slika pune novine – za njihovim luksuznim kućama, njihovim dvorcima u prerijama i njihovim upadljivim životom. Supruge su im lijepe i mlade. Ti brakovi se uglavnom završavaju razvodima, koji koštaju milione dolara.

Volim rad i u tome nalazim zadovoljstvo. Najčešće nosim sa sobom ručak kako bih objedovao na radnom mjestu. Ne obuzima me radost ni veselje kada zamislim koliko milijardi posjedujem. Radostan sam kada pomislim da sam pomogao da se moj grad Tokio pretvorio iz grada skromnih ulica u metropolu koja je jedinstvena u svijetu po savremenim građevinama koje sam izgradio.

**Ukratko: moja sreća je u rezultatima.**

**Zrak: Žaljenje neće izvaditi brod sa dna mora!**

*Školjka: Kada čuješ grješnicu kako ogovara, reci joj da se boji Allaha.*



*Bljesak: Zar Allah sam nije dovoljan robu Svome?*

### **Peti akvamarin: Ateistički svijet je nesretan**

*Kada bi vječnost moguća bila, ti bi bio sam,  
ali na ovom dunjaluku vječnosti nema*

Dr. Haroldsin Habin, zaposlen u bolnici Majo, držao je predavanje u Asocijaciji američkih ljekara i hirurga koji rade u medicini rada. Rekao je kako je prostudirao starija 176 poslovnih ljudi približno iste starosti (44 godine). Ispostavilo se da više od trećine tih ljudi pati od bolesti koje proizlaze iz nervne napetosti: srčane bolesti, čir u želucu i povišeni krvni pritisak. Sve se to desilo prije nego što su napunili četrdeset pet godina! Ubraja li se u uspješne ljude onaj ko svoj uspjeh kupi za čir u želucu i slabo srce? Šta će mu koristiti bolest ako zaradi čitav svijet, a izgubi zdravlje? Kada bi neko bio vlasnik čitavog svijeta, mogao bi spavati samo na jednom krevetu i jesti do tri obroka dnevno. Kakva je razlika između njega i radnika koji kopa?! Vrlo je vjerovatno da radnik bolje spava i više uživa u hrani nego ugledan i autoritativan biznismen.

Dr. V. S. el-Fariz kaže: "Pokazalo se da četiri od pet bolesnika nemaju tjelesnih razloga za bolest, već su se razboljeli uslijed straha, neizvjesnosti, mržnje, sebičnosti i nemoći te osobe da uspostavi ravnotežu sa životom.

**Zrak: Mi ne možemo mijenjati prošlost, niti oblikovati budućnost kako želimo. Zašto se onda uništavamo od karanja za nečim što ne možemo promijeniti?**

*Školjka: Kako je jeftina ona žena koja svoje ukrase  
pokazuju pred nepoznatim ljudima.*



*Bljesak: Ne srđi se, ne srđi se, ne srđi se!*



## **Šesti akvamarin: Neki maniri životne saputnice**

*Teškoća može last donijet i  
pretvoriti se u blagodat*

Dobra vjernica ne opterećuje svoga supruga pretjeranim zahtjevima. Ona je zadovoljna onim što joj je Allah dodijelio. Njen uzor u ovakvom ponašanju su ukućani Božijeg Poslanika ﷺ. Urva prenosi da je njegova tetka po ocu, Aiša رضي الله عنها govorila: "Tako mi Allaha, bratancu moj, gledali smo u mlađak, potom mlađak, potom mlađak – tri mlađaka za dva mjeseca – a u kućama Božijeg Poslanika ﷺ nije se upalila vatra. Božiji Poslanik ﷺ je imao komšije ensarije. Držali su iznajmljene ovce, pa su Božijem Poslaniku ﷺ slali mlijeko."

**Zrak: Vrijednost života okusit će onaj ko bude  
proživio svaki njegov trenutak.**

*Školjka: Sretna žena nije ni grješnica, ni nevjernica, ni otkrivena.*



*Bljesak: Rad je gorivo nade i neprijatelj neuspjeha*

## **Sedmi akvamarin: Budi zadovoljna onim što ti Allah odabrao**

*Ne tumači loše postupke Gospodara,  
doista je Allah izvor svake ljepote*

Divne li su riječi hazreti Hadžere ﷺ, supruge Ibrahima i majke Ismaila, neka je mir s njima... Kada ju je muž ostavio sa djetetom u dolini gdje se ništa ne sije, ona je pošla za Ibrahimom عليه السلام i ponavljala: "Ibrahime, kamo ideš i zašto nas ostavljaš u dolini gdje nema nikoga i ničega?" On se nije osvrtao na njene riječi. Ona ga upita: "Je li ti Allah to naredio?" "Jeste" – odgovori on. "Onda nismo izgubljeni" – reče Hadžera. Da, Allah neće dozvoliti da propadnu Njegovi dobri robovi. Zar Allah nije zamijenio loše dijete dobrim? O tome se govori u suri el-Kehf:

*"Što se onoga dječaka tiče – roditelji njegovi su vjernici, pa smo se pobojali da ih on neće na nasilje i nevjerovanje navratiti"*

Zar Allah nije sačuvao djecu vlasnika blaga, dobrog čovjeka, kada je naredio Musaovom saputniku da obnovi porušeni zid. On ga je učvrstio kako bi skrivao blago dok djeca ne odrastu:

*"A što se onoga zida tiče – on je dvojice dječaka, siročadi iz grada, a pod njim je zakopano njihovo blago. Otac njihov je bio dobar čovjek i Gospodar tvoj želi, iz milosti Svoje, da oni odrastu i izvade blago svoje."*

**Zrak: Neću moći promijeniti prošlost. Ne mogu  
sada znati što će se desiti u budućnosti.  
Zašto se kajem i zbog čega brinem?**

*Školjka: Sačuvaj svoju djecu od loših TV programa!*



*Bljesak: Pobjeda je u strpljivosti*

## **Osmi akvamarin: Ne žalosti se zbog dunjaluka**

*Kako se Bogu može grijешiti  
i kako ga nevjernici mogu negirati?*

Poznato je da vijek na ovom svijetu kratko traje, da dunjaluk malo vrijedi i da je vezanost za njega štetna. Ko je svjestan toga, neće žaliti ni zbog čega na njemu i neće se žalostiti zbog onoga što propusti. Zato nemoj biti tužna i ne žalosti se zbog onoga što propustiš. Znaj da mi imamo drugo boravište – veće, trajnije, važnije i bolje od ovog svijeta. To je vječno boravište.

Zato budi zahvalna Allahu što vjeruješ u susret sa Njim – Jednim, Jedinim, a druge žene, nemuslimanke, negiraju taj obećani dan. Blago onome ko vjeruje u taj dan i priprema se za njega.

A teško čovjeku slabog imana koji zaboravi taj dan; koga okupira njegov dvorac, kuća, riznice i jeftina roba. Šta vrijedi dvorac, kuća ili nakit bez vjere? Šta vrijedi položaj i status bez bogobožnosti? Kada bi se za imetak, građevine i trgovinom mogla kupiti sreća, ne bi toliko kraljeva, vladara i trgovaca živjelo nesretno – u gorčini, patnji i nesreći.

**Zrak: Jučer je san koji je promakao i prošao. Sutra je lijepa nada. A danas je prisutna činjenica.**

*Školjka: Sjeti se da umrla neće odnijeti svoj nakit u mezar.*





Bljesak: Žena je podarila svijetu velikane.

## Deveti akvamarin: Zadivljujuća ljepota u stvaranju Uzvišenog

*Pusti dane neka svojim tokom idu  
i uspravno podnosi sudbinu*

Pogledaj kako su sazđani ljudi, različitih su rasa, mnogobrojnih jezika i govora. Allah je na predivan način oblikovao čovjeka i najljepši lik mu dao:

*"...i On vam obličje daje i likove vaše čini lijepim"*

*"O čovječe, zašto da te obmanjuje to što je tvoj Gospodar plemenit, Koji te je stvorio – pa učinio da si skladan i uspravan – i kakav je htio lik ti dao?"*

*"Mi čovjeka stvaramo u skladu najljepšem."*

Pogledaj kako je nebo postojano, zvijezde očaravajuće, sunce lijepo, planete divne, mjesec obasjan, kosmos prostran... Pogledaj kako je Uzvišeni Zemlju uobličio, iz nje vodu i pašnjake izveo, brda nepomičnim učinio. Razmisli o tim morima i rijekama, o ovoj noći, zori, svjetlu i tmini... Razmisli o oblacima, o tajnoj polifoniji i skladu u svemu što te okružuje. Pogledaj cvijet, ružu, sazrele plodove, ukusno mlijeko, rastopljeni med, palme, pčele, mrave, insekte, ribe, ptice koje cvrkuću i slavuju koji pjeva, gmizavce, životinje... To je neprolazna ljepota, beskrajna divota i nepresušna radost:

*"Pa, hvaljen neka je Allah kad god omrknete i kad god osvanete – Njemu neka je pohvala i na nebesima i na Zemlji – i predveče i u podne! On iz neživog stvara živo i živo pretvara u neživo. On oživljava zemlju nakon mrtvila njezina – isto tako ćete i vi biti oživljeni."*

**Zrak: Ne posmatraj negativne strane života,  
već iskoristi njegove divote.**

Školjka: *Obnovi svoj život i mijenjaj svoj način življenja.*



*Bljesak: U kućama svojim boravite.*

### **Deseti akvamarin: Vrhunac darežljivosti i krajnost časti**

*Koliko je olakšanja nakon beznađa došlo  
i koliko sreće nakon žalosti...*

Bizantinci su zarobili neke muslimanke. Za to je saznao Mensur ibn Ammar. Ljudi mu rekoše: "Približi se Vladaru pravovjernih i pripremi ljude za borbu." I, doista, omogućio mu da se približi halifi Harunu er-Rešidu u Rikki, u Šamu.

Dok je šejh Mensur pozivao ljude na borbu na Allahovom putu, pred njega neko baci smotuljak za kojeg je bilo zakačeno pismo. Mensur otvori pismo i pročita: "Ja sam jedna od arapskih žena koje borave u kućama. Čula sam šta su Bizantinci učinili sa muslimankama i da si ti odlučio da okupiš ljude za borbu radi toga. Uzela sam najvrednije što imam na svom tijelu – moje pletenice – i otkinula ih. Stavila sam ih u ovaj smotuljak. Zaklinjem te Uzvišenim Allahom da od njih napravite ular za borbenog konja. Možda će me Allah u tom slučaju pogledati i smilovati mi se radi toga."

Mensur se nije mogao kontrolisati pred tim dirljivim riječima. Zaplakao je, a za njim su i drugi zaplakali. Harun er-Rešid je naredio opštu mobilizaciju. Lično se uključio u borbu i Allah im je podario uspjeh.

**Zrak: Ne plači zbog onoga što je prošlo. Ne troši suze uzalud, jer ne možeš vratiti ono što se desilo.**

*Školjka: Želiš li nešto veće od objavljene Knjige?*



# Rubini

Rubini su bili razbacani pod nogama sluškinja Zubejde, žene Haruna er-Rešida. Umrle su sluškinje, umrla je Zubejda, a umro je i Harun er-Rešid. Šta je ostalo? Ostala su dobra djela, lijepi postupci i blagoslovi.







*Bljesak: A srca se, doista, kad se Allah spomene smiruju.*

## **Prvi rubin: Ništa ti ne može nadomjestiti Allaha**

*Navikao sam na zavijanje vukova toliko  
da me plaše glasovi ljudi*

Jedan čovjek je u džamiji ugledao nekog dječaka kako izvan namaskog vremena skrušeno obavlja namaz. Sačekao je dok završi, pa mu priđe, nazva selam i reče: "Sine, čiji si ti?" Dječak pognu glavu i suze mu potekoše niz obraze. Potom podiže glavu i reče: "Amidža, ja nemam ni oca, ni majke." Čovjek se raznježi i reče: "Želiš li biti moj sin?" Dječak reče: "Hoćeš li me nahraniti kada ogladnim?" – "Hoću", odgovori čovjek. "Kada budem neodjeven, hoćeš li me obući?" – "Hoću." – "Kada budem bolestan, hoćeš li me izliječiti" – upita dječak. "Ja to ne mogu, sine." – "Hoćeš li me, kada umrem, oživjeti?" Čovjek reče: "Ne mogu ni to."

Dječak na to reče: "Ostavi me, amidža, Onome koji me je stvorio i na pravi put uputio, i koji me hrani i poji, i koji me, kad se razbolim, liječi, i koji će mi život oduzeti, i koji će me poslije oživjeti, i koji će mi, nadam se, pogreške moje na Sudnjem danu oprostiti!"

Čovjek zašutje i oprostio se od dječaka, razmišljajući: "Vjerujem u Allaha. Ko se na Njega osloni, On će mu biti dovoljan."

**Zrak: Koliko god čupala kosu i prepuštala se  
tuzi i teškoći, nećeš moći vratiti ni jednu  
kap onoga što se već desilo.**

*Školjka: Redovno uči suru "Tebareke", jer ona spašava.*



*Bljesak: Moja milost obuhvaća sve*

## **Drugi rubin: Sreća postoji, ali ko je može otkriti?**

*Rekoh srcu: Ako te obuzme poriv  
tuge – raduj se, jer je većina strahova lažna.*

Čovjek sreću može naći samo u sebi, ali mora znati pravi način da je dostigne. To će postići ukoliko bude iskren, hrabar, ljubitelj rada i ljudi, ako stremlji saradnji i ne ponaša se sebično. Mora svjesno pristupati poslu. Sreća nije mit, ona je nepobitna činjenica. Mnogi uživaju u njoj, a i mi možemo biti sretni ukoliko budemo učili na svojem iskustvu i životnoj školi.

Ako budemo živjeli otvorenih očiju, moći ćemo u nama samima otkriti mnoge stvari i izliječiti se od mnogih tjelesnih i duševnih bolesti. Uz to, moramo se opremiti znanjem, voljom, strpljivošću i živjeti život koji nam je Allah podario, bez odbijanja, neposlušnosti i nesreće.

**Zrak: Nema ljućeg neprijatelja ženskoj ljepoti  
od brige koja je uvodi u starost.**

*Školjka: Ne unosi pesimizmom depresiju u svoju kuću.*





**Bljesak:** A Gospodar tvoj će tebi sigurno dati, pa ćeš zadovoljan biti!

### **Treći rubin: Lijep odgoj je štit srca**

*Liječim dušu nadama koje očekujem.*

*Kako bi život bez nade tijesan bio!*

Ponašanje čovjeka je ogledalo njegove ličnosti. Ako se lijepo ponaša prema drugima, i oni će biti dobri prema njemu. Nervi će mu biti smireni, a savjest čista. Osjećat će da živi u prijateljskom društvu.

A ako je loš i grub, drugi će prema njemu biti osorni i grubi. Ko ne poštuje druge, ni njega neće poštovati.

Lijepo odgojen čovjek je češće smiren, a rjeđe zabrinut, napet i izložen bolnim situacijama. Uz to, lijep odgoj je ibadet Uzvišenom Allahu, što islam jako preporučuje. Uzvišeni kaže:

*"Ti sa svakim – lijepo! I traži da se čine dobra djela, a neznalica se kloni!"*

O osobinama Svoga Poslanika ﷺ, Allah kaže:

*"Samo Allahovom milošću, ti si blag prema njima; a da si osoran i grub, razbjegli bi se iz tvoje blizine. Zato im praštaj i moli da im bude oprošteno i dogovaraj se s njima. A kada se odlučiš, onda se pouzdaj u Allaha, jer Allah zaista voli one koji se uzdaju u Njega."*

Božiji Poslanik ﷺ kaže: "Najdraži od vas su mi oni čiji je moral najljepši, koji su najblaži prema drugima, koji vole i koji su voljeni. Najmrži su mi oni koji prenose tuđe riječi, koji unose razdor među prijatelje i koji ljudima traže mahane."

**Zrak: Dvoumljenje, slabost i beznadno kruženje oko problema... sve to čovjeka dovodi do sloma nervnog sistema.**

Školjka: *Zagrijana za svoju vjeru lijepa je kao hurija.*



*Bljesak: Allah nikoga ne opterećuje preko mogućnosti njegovih*

### **Četvrti rubin: Deset pravila sreće**

*Budi strpljiv, Allah će radost donijeti –  
a ona će, doista, proći*

Američki psiholog dr. Diks kaže: "Sretan život je lije-  
pa umjetnost koja ima deset dimenzija:

- 1 – Bavljenje omiljenim poslom. Ako ti to nije omoguće-  
no, bavi se hobiem kojeg voliš u slobodno vrijeme.
- 2 – Briga o zdravlju je duh sreće. Budi umjeren u hrani i  
piću. Bavi se sportom i izbjegavaj loše navike.
- 3 – Postojanje cilja u životu čovjeka. To daje stimulaciju i  
povećava aktivnost.
- 4 – Čovjek treba prihvatiti život onakav kakav je, sa svim  
slastima i gorčinom.
- 5 – Čovjek treba živjeti u sadašnjosti. Ne treba se kajati zbog  
minule prošlosti i brinuti zbog sutrašnjice koja nije nastupila.
- 6 – Treba razmišljati o svakom poslu ili odluci. Ne treba dru-  
gog kriviti zbog svojih odluka i onoga što iz njih slijedi.
- 7 – Čovjek se treba ugledati na one koji stoje lošije od  
njega.
- 8 – Treba izgraditi naviku osmehivanja, vedrog duha i  
druženja s optimistima.
- 9 – Čovjek se treba truditi da usreći druge, da bi i sâm  
osjetio miris sreće.
- 10 – Iskorištavaj prilike da uživaš i smatraj to neopho-  
dnim stanicama sreće.

**Zrak: Uživaj u danu i čuvaj ga. Pokušaj  
otkloniti bol prije nego što se desi.**

*Školjka: Čitaj historiju i razmišljaj o njenim čudima.*



*Bljesak: Svakog časa On se zanima nečim*

## **Peti rubin: Traži zaštitu od Allaha od brige i tuge**

*Kada bi žene bile onakve kakve izgledaju,  
bile bi bolje od muškaraca!*

Mislim da pametan čovjek ne bi škrtario na radosti i da se vjernik ne bi prepuštao pesimizmu i beznađu. Može se desiti da čovjeka privremeno obuzmu takva osjećanja i on izgubi smirenost i zadovoljstvo. U tom slučaju mora se čvrsto držati Allaha i tražiti Njegov spas. Predavanje depresiji predstavlja opći slom volje, koji svaki posao osuđuje na nemoć i paralizu.

Zato je Božiji Poslanik ﷺ podučavao svoje ashabe da traže Allahovu pomoć u spašavanju od ovih nedaća. Ebu Seid el-Hudri kaže: "Jednog dana Božiji Poslanik ﷺ je ušao u džamiju. Ugledao je čovjeka po imenu Ebu Umama i reče: 'Ebu Umame, zašto boraviš u džamiji van namaskog vremena?' – 'Brige i dugovi su me obuzeli, Božiji Poslaniče.' 'Želiš li da te poučim riječima, pa ako ih izgovoriš, Allah će te osloboditi brige i olakšat će ti da vratiš dug?' – 'Svakako, Božiji Poslaniče' – odgovori. Božiji Poslanik ﷺ mu reče: 'Kada osvaneš i kada omrkneš reci:

Gospodaru naš, tražim zaštitu Tvoju od brige i žalosti, od slabosti i lijenosti, od straha i škrtosti. Tražim Tvoju zaštitu i da me dug ne savlada i da me ljudi ne nadvladaju.'

Ebu Umama nam je ispričao: 'Postupio sam onako kako me je posavjetovao Allahov Poslanik ﷺ pa je Allah ﷻ otklonio od mene brige i nevolje i omogućio mi da vratim dug.'

**Zrak: Čir u želucu ne nastaje od onoga što jedeš, već od onoga što tebe izjeda.**

*Školjka: Uskraćena je ona kojoj je uskraćen skrušen namaz i suzno oko.*



*Bljesak: Od Allaha je svaka blagodat koju uživate*



### **Šesti rubin: Žena koja pomaže u prebrođivanju teškoća**

*Postoje dvije okolnosti – oskudica i nevolja  
i dvije vrste dešavanja – blagodat i lagoda.*

Biografske knjige navode da je kćerka Božijeg Poslanika ﷺ Fatima danima patila od gladi. Kada je njen suprug Alija ﷺ vidio da je probljednula, upita je da li je bolesna.

Ona reče: "Već tri dana nemamo hrane u kući!" – "Zašto mi nisi rekla" – upita je hazreti Alija. "Moj otac, Božiji Poslanik ﷺ, mi je u svadbenoj noći rekao: 'Fatima, kada ti Alija nešto donese u kuću, jedi, a kada ne donese, šuti!'"

Međutim, većina današnjih žena je specijaliziralo pražnjenje muževih džepova. Nemaju mira sve dok u džepovima njihovih supruge ima novaca. Proglašavaju stanje uzbune i ne smiruju se dok ne otmu sve što ima.

Nema sumnje da će čovjek koji se jednom preda uvijek dizati bijelu zastavu. Razdor će se stvoriti prije ili kasnije. To se može pretvoriti u razvod. Tada će muž pjevušiti stihove ovog beduina koji se otarasio svoje supruge Umame, tako što se razveo od nje nakon dugog trpljenja i nesreće:

*Umama je ranjena razvodom, a ja  
sam spašen od robovskih okova*


*Zbog njenog odlaska srce me nije zaboljelo  
niti mi se obraz pokvasio*

*Lijek za ono što duša ne želi  
je ubrzani rastanak*

*Život dvoje ljudi u stalnom  
nesuglasju lijep nije*

**Zrak: Život je suviše kratak da bismo ga dodatno  
skraćivali! Ne pokušavaj to činiti!**

Školjka: *Nemoralni časopisi ostavljaju tminu u srcu zato što su beskorisni.*



*Bljesak: Uspješna si ako te svako spominje*

## **Sedmi rubin: Žena među džennetlijama**

*Doista će te Gospodar, koji te je zaštitio  
jučer, i sutra zaštititi!*

Ata ibn Ebu Rebah kaže: Ibn Abbas me je upitao: "Hoćeš li da ti pokažem ženu džennetliju?" – "Hoću" – rekoh. "Ova je crna žena došla Božijem Poslaniku ﷺ i rekla mu: 'Božiji Poslaniče, patim od padavice i otkrivam se a da nisam svjesna. Moli Allaha da me izliječi.' On reče: 'Ako hoćeš, budi strpljiva i zaslužit ćeš Džennet, a ako hoćeš, molit ću Allaha da te izliječi.' Ona reče: 'Bit ću strpljiva od padavice, a moli Allaha da se ne otkrivam.' Pa on prouči dovu za nju."

Ova bogobojazna vjernica se pomirila sa bolešću koja ju je pratila na prolaznom životu u zamjenu za nagradu u Džennetu. Njena trgovina će biti isplativa. Premda joj je obećan Džennet, nije pristala da se u napadu bolesti otkriva i pred ljudima izlaže ono što bogobojazna, stidna vjernica ne bi trebala pokazivati. Šta možemo reći o ženama koje više otkrivaju nego što pokrivaju, koje su postale stručnjaci za isticanje ljepote, uklanjanje stida i razgolićavanja?

**Zrak: Ostavi se brige, budi izdržljiva i hrabro se suoči sa činjenicama. Napravi sebi prostor za život.**

*Školjka: Problem grijeha rješava se pokajanjem, a teškoću otklanja dova.*



*Bljesak: Koliko truda, toliko uspjeha*

### **Osmi rubin: Milostinja otklanja nesreću**

*Svemu što postoji  
svjedoči da je On Jedan*

Milostinja je jedan od načina ispoljavanja velikodušnosti i širokih obzorja. Čovjeku koji čini dobro Allah daje širokogrudnost, radost, veselje, svjetlo, miran um i lagodan život. Udjeljuj, makar to bilo malo. Ne podcjenjuj bilo šta od onoga što daješ – hurmu, zalogaj, čašu vode ili mlijeka. Udjeljuj siromašnima, daj ubogom, nahrani gladnog, posjeti bolesnog. Tako će ti Allah olakšati brige, tuge i nevolje. Milostinja je lijek koji se nalazi samo u islamskoj apoteci.

Neki čovjek je pitao Abdullaha ibn Mubareka: "Oče Abdurrahmanov, imam gnojne rane na koljenima već sedam godina. Obilazio sam liječnike i koristio razne lijekove, ali mi ništa nije pomoglo?"

Ibn Mubarek odgovori: "Idi i potraži mjesto gdje ljudi oskudijevaju s vodom. Iskopaj tamo bunar, iz koga će poteći voda i izliječiti svoje rane." Čovjek to uradi i izliječi se.

To nije čudno, plemenita sestro. Božiji Poslanik ﷺ kaže: "Liječite svoje bolesnike sadakom" Zatim kaže: "Sadaka gasi srdžbu Gospodarevu i sprečava zlu smrt."

**Zrak: Briga je miljenik besposilce.**

*Školjka: Zikrovi su lađe spasa u moru života.*





Bljesak: Hurije u šatorima skrivene

## Deveti rubin: Budi lijepe duše, jer je kosmos lijep

*Nemoj brinuti zbog nesreća koje dani nose,  
jer ovosvjetske nesreće nisu vječne*

Prizor zvijezda na nebu je, bez imalo dvojbe, lijep. Od te ljepote zastaje dah, ljepote koja je raznovrsna i raznobojna. Nebo je različito ujutro i navečer, prilikom izlaska i zalaska sunca, u vedroj i oblačnoj noći, u vedrom i maglovitom danu. Štaviše, ljepota neba se mijenja iz sata u sat, od opservatorija do opservatorija, od ugla do ugla... U svim tim periodima nebo je predivno i impresivno.

Ona zvijezda te promatra sa neba kao lijepo oko, poziva te svojim lijepim izgledom! One druge dvije zvijezde su izašle iz gužve da razgovaraju.

A one skupine razasute tu i tamo, kao da su na skupu nebeskog festivala. A mjesec je jedne noći uspavan i nemaran, druge sjajan i obasjan, treće okrnjen i tanak; četvrte otvoren i za život spreman, a pete iščezao i nevidljiv.

Kosmos je toliko prostran, da ga se oko ne može na gledati, niti pogledom obuhvatiti.

To je ljepota koju čovjek ne može svojim osjetilima upiti i na pravi način doživjeti. On je ne može opisati riječima i izrazima kojima raspolaže.

Zrak: **Mora se prihvatiti stvarnost onakva kakva je. Ako si zabrinuta, šta time dobijaš?**


Školjka: *Živi za jedan dan – jučer je prošla, a sutra još nije došla.*



*Bljesak: ...iljepotu svoju, kao u davno pagansko doba, ne pokazujte!*

### **Deseti rubin: Žena iz herojske priče**

*Zar kod ruže samo trn vidiš, a slijep si  
pred krunom rose koja je krasi?*

Vladar pravovjernih Osman ibn Affan  poslao je jedne prilike armiju, pod komandom Habiba ibn Mesleme el-Fihrija, da obuzda Bizantince koji su provocirali muslimane. U sklopu te vojske bila je Habibova žena. Prije početka bitke Habib je izvršio smotru vojske. Tada mu je žena postavila pitanje: "Gdje ću te susresti kada se bitka uskovitla i sablje se podignu?"

On odgovori: "Naći ćeš me u šatoru komandanta Bizantinaca ili u Džennetu!" Bitka je započela. Habib i njegovi saborci su pokazali neviđenu hrabrost. Allah ih je pomogao protiv Bizantinaca. Habib pojuri prema šatoru bizantinskog komandanta, ali tamo ugleda veliko iznenađenje. Njegova žena ga je pretekla i ušla u šator komandanta Bizantinaca prije njega!

*Kada bi sve žene bile poput ove,  
žene bi od muškaraca bolje bile*

**Zrak: U životu nema ništa teško ili nemoguće  
sve dok čovjek može raditi i djelovati.**

*Školjka: Ne nanosi zlo bezazlenim vjernicima.*



# *Dijademe*

Historičari navode da je Šagab, majka halife Kahira, imala gomilu dijadema. Potom su njenog sina svrgnuli i iskopali mu oči. Nju su uhapsili, skinuli joj odjeću, stavili je u okove i dobro je izbičevali. Oplakivao ju je svako ko je u srcu imao i mrvicu milosti.

Molim te, okiti se dijademama koje su van domašaja ljudi i nasilnika. Budi u Allahovoj zaštiti – kroz namaz, suznih očiju, primljenu sadaku i učenje Kur'ana s razmišljanjem.







*Bljesak: Sjećajte se vi Mene, i Ja ću se vas sjetiti.*

## **Prva dijadema: Ne troši svoje vrijeme uzalud**

*Sve više brinemo što smo bogatiji,  
sva tuga potiče sa gomilanjem*

Tvoj Poslanik ﷺ kaže Aiši ؓ: "Ako si pomislila na grijeh, traži oprost od Allaha i pokaj se. Jer, kada čovjek prizna grijeh i pokaje se, Allah će mu pokajanje primiti."

Zamisli da su ti se ostvarile sve želje, svi snovi i da si postigla sve zamisli – ali da si sve to ubrzo nepovratno izgubila. Ti bi plakala, болоvala, jadikovala, grizla nokte zbog tog gubitka... Šta bi, tek, uradila kada bi izgubila čitav život a da to i ne osjetiš?

Tvoj život je vrijedan dragi kamen, koji se ne može mjeriti nikakvim materijalnim vrijednostima. Ovaj život se sadrži od dahova. Nijedan dah ti se neće vratiti. Ti dahovi su tvoj kapital na ovom svijetu. Za njih možeš kupiti kakva god želiš džennetska uživanja. Zar ćeš dopustiti da ti promakne taj vijek bez iskrene teobe?

**Zrak: Jednim putem se može stići do sreće – to je da ne strepimo od stvari nad kojima nemamo kontrolu.**

*Skoljka: Podigni dlanove i uči dovu, dobrom ćeš ih napuniti.*



*Bljesak: Allah će te sigurno od njih zaštititi*

### **Druga dijadema: Sreća se ne može kupiti novcem**

*Duša je željna kada joj se želje ispunjavaju,  
a ako je osuđena na malo, skromna je.*

Mnogi su potrošili svoju mladost i zdravlje da bi stekli imetak. Potom su cijelog života trošili ono što su zaradili da bi stekli sreću. Međutim, samo ih je nesreća pratila. Željeli bi vratiti mladost, ali ih starost sputava; tražili su zdravlje, ali ih jaka bolest poražava!

Jedan poznati glumac pripovijeda kako mu je životna želja bila da postane bogat. Zamišljao je da može stotinu godina biti najsretniji čovjek na svijetu! Bio je uvjeren da novcem može ostvariti sve što želi, da se želje i snovi prezreno klanjaju pred njime. Dvadeset godina kasnije Allah mu je podario puno više imetka nego što je zamišljao. Međutim, uzeo mu je zdravlje, mladost i snove! Ljudi su ga vidjeli kako plače i govori: "Eh, da nisam tražio od Allaha da budem bogat... Trebao sam tražiti da živim stotinu godina kao siromah, da jedem pasulj i kačim se za vrata tramvaja kako ne bih plaćao kartu!" Ovaj glumac nije bio svjestan vrijednosti zdravlja dok ga je gubio. Nije otkrio da novcem ne može kupiti ništa vrijedno, sve dok nije postao najbogatiji umjetnik u Egiptu. Tada je shvatio da mu njegov novac ne može produžiti život ni za jedan dan!

**Zrak: Čovjek ne treba trošiti pola života na svađe.**

*Školjka: Nemoj se podsmijevati vjeri, jer se tu radi o imanu i kufru!*





*Bljesak: Pomozite sebi strpljenjem i molitvom.*

### **Treća dijadema: Brzopletost i naglost su gorivo nesreće**

*Ako se obistine, nade su najljepše,  
u suprotnom, živjet ćemo ugodno s njima.*

Blagost je junaštvo visokog stepena, u kojem čovjek svladava svoju srdžbu i porive. Staloženost je sigurnost, smirenost i razumno i mudro postupanje. Te dvije osobine su propast za brigu. Ko ih ne posjeduje, lišen je velikog dobra i neprestano će se družiti sa brigama. Čovjek se svojom blagošću može boriti protiv mnogih zala, dok kratkouman i srdit čovjek uveličava zlo i ojačava uznemirenost. Staloženi čovjek rijetko se koleba i ulazi u sumnjive poslove. Isto tako, čovjek koji ima milosti prema sebi i drugima, imat će uspjeha, bit će savjestan i nervno staložen.

Naša čista islamska vjera podstiče na blagost, staloženost i promišljenost. Božiji Poslanik ﷺ kaže: "Gdje god se blagost nađe, ukrašava to. Stvar u kojoj blagosti nema, manjkava je."

**Zrak: Mi gubimo trenutke sreće na stvari  
koje nemaju vrijednosti.**

*Školjka: Zubejda je sprovela izvor do Mekke, a škrtice ni su oka sklopile!*

Bljesak: ...i u vjeri vam nije ništa teško propisao

### **Četvrta dijadema: Igra gomilanja imetka nema kraja**

*Uzmite sav vaš dunjaluk, a ostavite  
moje srce slobodno, nesputano i usamljeno.*

Befer Brok kaže: "Zaradio sam mnogo novca, ali sam kroz iskustvo zaključio da je ta igra, igra gomilanja novca, veoma opasna i da nema kraja. Može progutati život i sreću. Zato sam promijenio posao i struku. Posvetio sam se izdavaštvu, kojeg volim i koje ne donosi mnogo novca, ali u kojem nalazim zadovoljstvo zato što koristim društvu. Savjetujem svakom poslovnom čovjeku da sakupi onoliko koliko mu je dovoljno i da se ne upušta u igru s novcem. Neka se penzionirano rano, kako bi uživao u onome što je sakupio. Neka se bavi omiljenim poslom kojim će služiti društvu i korisno trošiti vrijeme.

Bogataš koji je iskusio čari imetka ne priželjkuje da svojim nasljednicima ostavi mnogo novca. Svjestan je da će oni biti bolji ljudi ako su upuste u život bez velikog bogatstva, opremljeni samo znanjem i moralom. Lahko stečeno bogatstvo donosi prokletstvo prije nego blagostanje i nesreću prije nego sreću. Takvi ljudi zasićuju svoja tijela luksuzom i neradom. Duša im je prezasićena i bezosjećajna. Uništavaju svoju mladost sve do smrti.

**Zrak: Budi čvrsto uvjerena da ništa u  
životu nije nemoguće.**

*Školjka: Posveti svu svoju ljubav Allahu i Njegovom  
Poslaniku kako bi postala Allahu bliska.*






**Bljesak:** O vatro, postani hladna, i spas Ibrahimu.

### **Peta dijadema: U besposlici se rađaju poroci**

*Čovjek ne može dostići sve što poželi,  
ne puše vjetar onako kako lađama odgovara*

Pod okriljem nerada rađa se hiljadu poroka i uzgaja bakterije iščezavanja i nestanka. Ako je rad misija živih, onda su besposleni mrtvi.

Ako je ovaj naš svijet sadnica za bolji i dublji život, onda neradnici imaju najviše šansi da budu proživljeni bez igdje ičega, nesretni i propali.

Poslanik  upozorava na nemar hiljada ljudi koji uživaju u blagodatima zdravlja i vremena: "Mnogi su ljudi obmanuti u dvjema blagodatima: zdravlju i besposlenosti."

Da... Koliko zdravih ljudi boravi na ovom svijetu bez nade koja ih vodi, posla koji ih zabavlja, ili misije kojoj streme i koju tokom svog života žele ostvariti.

Jesu li zbog toga ljudi stvoreni? Nikako!

Uzvišeni kaže:

*"Zar ste mislili da smo vas uzalud stvorili i da Nam se nećete povratiti? I neka je uzvišen Allah, Vladar istiniti."*

Život je stvoren sa svrhom, kao i nebo, zemlja i ono što je između njih. Čovjek na ovom svijetu mora shvatiti tu svrhu i živjeti sa njom.

A onaj ko se izolira u svoje uske strasti i njima se posveti, zaboravljajući sve drugo, taj će teško patiti zbog onoga što je izabrao za svoju sadašnjost i budućnost!

**Zrak:** Uvijek zamišljaj sliku uspjeha i neka ti uvijek bude zacrtana u svijesti.

*Školjka: Tvoja kuća je tvoja kraljevina, zato je ispuni imanom.*





Bljesak: ...i opskrbit će ga odakle se i ne nada

### Šesta dijadema: Kuća bez srdžbe, vike i umora

*Kada odlučnog i razboritog mladića  
izda strpljenje, ne izdaje ga utjeha*

Rekla je svome ocu plačući: "Oče, posvađala sam se jučer sa svojim mužem. Naljutio se zbog riječi koju sam izgovorila. Kada sam vidjela koliko je srdit, pokajala sam se zbog onoga što sam rekla i ispričala sam se. On je odbio sa mnom razgovarati i okrenuo se od mene. Kružila sam oko njega sve dok se nije nasmijao i prihvatio moje izvinjenje. Bojim se da će me Gospodar kazniti zbog trenutaka koje je proveo u srdžbi zbog mene." Otac joj reče: "Kćeri moja, tako mi Onoga u čijoj je ruci moja duša, da si umrla prije nego što ti je on oprostio, ni ja ti ne bih oprostio. Znaš li da ženu na koju je suprug ljut proklinju Tevrat, Indžil, Zebur i Kur'an? Samrtne muke će joj biti teške, a kabur tijesan. Blago ženi s kojom je muž zadovoljan."

Dobra žena se trudi da bude draga svome mužu i ne čini ono što će joj zagorčati život. Jedan pjesnik je savjetovao svoju ženu:

*Budi lijepo sa mnom, uvijek ću te voljeti  
nemoj mi protivrječiti kada sam srdit.*

*Ne dobuj po meni kao po dobošu,  
ne možeš znati kakav će odjek biti.*

*Ne žali se mnogo i ne predaj prohtjevima,  
moje srce će te prezreti.*

*Kada se ljubav i zlo u srcu sastanu  
ljubav je ta koja odlazi.*



**Zrak: Otjeraj sliku neuspjeha i ne daj joj da ti se prikrade.**

Školjka: *Ti si zbog svoje vjere ljepša od dragog kamena, zato što imaš nešto najljepše.*



*Bljesak: Nije siguran onaj ko vjere nema*

### **Sedma dijadema: Čednost i stid povećavaju ljepotu žene**

*Onda kada mi se srce steglo i vizije nestale,  
nadu sam pretvorio u stepenice koje vode do oprosta Tvoga*  
Jesi li čula priču o Ummi Seleme , supruzi Poslani-  
ka ? Kada je čula kako on govori: "Allah neće pogledati  
onoga ko bude vukao iz oholosti svoju odjeću po zemlji",  
upita: "Šta ćemo mi žene raditi sa svojim ogrtačima?" "No-  
site jedan pedalj duže (od polovine listova, prim. prev.)"  
odgovori. "Tako će im se vidjeti noge" – reče ona. "Neka,  
onda, puste dvostruko toliko, i ne duže."

Kakva divna žena, majka pravovjernih! Kakva divna  
Ummu Seleme! Ona nije ohola ni arogantna. Ona je vjer-  
nica, stidna i čedna, čista i časna. Takvim ženama se ne  
smiju vidjeti stopala. One nose ogrtače koje vuku za so-  
bom po zemlji. Muškarci ne mogu vidjeti nijedan dio ti-  
jela majki vjernika. A žene u našem vremenu – osim onih  
kojima se Gospodar tvoj smiluje – one "vuku ogrtače" što  
višojice mogu, kako ih ne bi pokvasile ili isprljale. Kada  
bi mogle, skinule bi ih poput bestidnih nevjernica, uz hi-  
ljadu opravdanja za skidanje i razgradnju – neka je Allah  
na pomoći. Njihovi muževi su muškarci samo po imenu.  
Hodaju uz njih bez ikakve brige. Stida je nestalo:

*Čovjek živi u dobru , dok se stidi,  
i drvo je zdravo dok ima koru.*

*Ne, Allaha mi, nema dobra u životu  
niti u ovom svijetu, ako stida nema.*

**Zrak: Tijelu je lagodnije kad je manje hrane; duši je  
lagodnije kad je manje grijeha; srcu je lagodnije kad  
je manje briga, a jeziku je lagodnije kad manje priča.**

*Školjka: Nauči slabe kako da u sebe ugrade ljubav.*



**Bljesak:** Strpljivom će pripasti najbolje stvari.

### **Osma dijadema: Allah može vratiti izgubljeno**

*Gospodaru, prvo što je rekao bila je besmrtnost  
ja Te spominjem u osami i pred drugima.*

Nakon razdvojenosti koja je trajala više od dvadeset godina, Allah je odredio da se, pod veoma čudnim okolnostima, sastanu majka i kćerka od 25 godina. Život ih je bio razdvojio. Susrele su se tokom kćerkinog medenog mjeseca u Crnim Brdima pored Ebhe, u Saudijskoj Arabiji.

Mladina majka se preudala nakon rastave od prvog muža, u vrijeme kada je njena kćerka imala tri godine. Prvi muž je mnogo putovao i često boravio u inostranstvu, tako da ona nije bila u mogućnosti vidati se sa kćerkom koja je bila pod očevim skrbništvom.

Jednog ljetnog dana, u Crnim Brdima pokraj Ebhe, kćerka se susrela s jednom starijom gospođom na mjestu gdje se nalazi odmaralište. Započele su razgovor ne znajući ništa jedna o drugoj. Majka je ostavila kćerku sa tri godine. Tokom razgovora, majka primijeti da je jedan prst djevojke otkinut. Pitala ju je za majku. Ona joj ispriča svoju priču. Majka se iznenada našla licem u lice sa kćerkom koju je izgubila prije dvadeset godina. Zagrlila ju je i počela ljubiti s velikom pažnjom i ljubavlju. Izrazila joj je svu ljubav i žalost koju je dugo vremena u sebi potiskivala.

**Zrak: Razmišljanje o sreću neminovno vodi razmišljanju o onome što je bilo ranije i onome što se još nije dogodilo. To samo po sebi narušava sreću.**

*Školjka: Učenje jednog harfa Kur'ana desetostruko se nagrađuje. Teško nemarnome!*





*Bljesak: ...bit će kao rubin i biser.*

### **Deveta dijadema: Riječ koja zrači u vremenu i prostoru**

*O Ti, kome se žalimo i kod koga utočište tražimo,  
ti pripremaš sve ono što će se desiti.*

Musa ﷺ je rekao: "Gospodaru, poduči me dovi koju ću Ti upućivati i kojom ću Te dozivati." Uzvišeni mu reče: "Reci: 'Nema boga osim Allaha (la ilahe illallah).'" Musa reče: "Ali svi ljudi izgovaraju tu dovu..." – "O Musa, kada bi sedam nebesa i sve zemlje bile na jednom tasu, a riječi *la ilahe illallah* na drugom, pretegnule bi riječi *la ilahe illallah*. (la ilahe illallah)."

Nema boga osim Allaha... Te riječi odašilju jaku svjetlost i prodorne zrake. Rastjeruju tmine i oblake grijeha onoliko koliko se snage u njima krije. Te riječi imaju svjetlost čija snaga ovisi o snazi onih koji ih izgovaraju, a to može procijeniti samo Uzvišeni Allah.

Nekim ljudima ove riječi sijaju u srcu poput sunca, nekima poput sjajne zvijezde, nekima poput velike baklje, nekima poput sjajne svjetiljke, a nekima poput slabe lampe...

Što je svjetlost tih riječi snažnija i jača, sagorjet će više sumnji i strasti.

**Zrak: Vjernik je sretan zbog ljubavi prema Allahu; ljubav radi Allaha je dublja od svake druge. Njenu slast poznaju iskreni vjernici i nizašto je ne bi zamijenili.**

*Školjka: Ono što te se tiče odvratit će te od onoga što te se ne tiče.*



*Bljesak: Žena je dragocjenija od riznica i vrednija od bogatstva*

## **Deseta dijadema: Srca koja žude za Džennetom**

*Raduj se životu prije nego što smrt dođe  
i uberi ruže prije nego što miris izgube.*

Jesi li čula priču o ženi Saliha ibn Hajja? Ona je izgubila muža i ostala sama sa dvoje djece. Kada su odrasli, prvo ih je učila ibadetu, pokornosti Allahu i klanjanju noćnog namaza.

Rekla je svojim sinovima: "Nijedan trenutak noći u našoj kući ne smije proteći a da neko ne klanja ili spomigne Uzvišenog Allaha." Oni rekoše: "Kako ćemo to postići, majko?" – "Podijelit ćemo noć na tri dijela. Svako od nas će u ibadetu provoditi po jednu trećinu. Ja ću obavljati zadnju trećinu i budit ću vas na sabah-namaz."

Oni rekoše: "Slušamo te i pokoravamo se, majko." Kada je majka umrla, oni su nastavili klanjati noćni namaz, zato što je ljubav prema ibadetu ispunila njihova srca. Najdraži momenti su im bili oni koje provedu u noćnom namazu. Podijelili su noć na dva dijela. Kada bi se jedan od njih teže razbolio, onaj drugi bi provodio cijelu noć u namazu.

**Zrak: Harmoničan i drag život oko nas  
Je pravi poziv za sreću.**

*Školjka: Popravi ogledalo svoje kuće prije ogledala drugih ljudi.*



# Prsteni

O ti, koja želiš prsten staviti na svoju ruku i kititi se njime... Jesu li prsten i ruka vječni?

Nestalo je mnogo ruku koje su nosile najljepše prstene na svijetu. Stavi prsten prave čednosti, imanskog stida – kako bi bila najljepša djevojka na svijetu.







**Bljesak:** Ako biste Allahove blagodati brojali, ne biste ih nabrojali.

## **Prvi prsten: Vjerovanje u Božije određenje**

*Riznici zadovoljstva niko ne može nauditi;  
ne trebaju joj stražari, niti čuvari.*

Uzvišeni kaže:

*“Nema nevolje koja zadesi Zemlju i vas, a koja nije, prije nego što je damo, zapisana u Knjizi – to je Allahu, uistinu, lahko – da ne biste tugovali za onim što vam je promaklo, a i da se ne biste previše radovali onome što vam On daje. Allah ne voli nikakve razmetljivce, hvalisavce”; “Ne volite nešto, a ono može biti dobro za vas; nešto volite, a ono ispadne zlo po vas. – A Allah zna, a vi ne znate.”*


Vjerovanje u Allahovo određenje ima veliki utjecaj na naše ponašanje u teškim situacijama – naročito ako čovjek zna da je Uzvišeni Allah blag prema Svojim robovima i da želi da im olakša, ako zna da je On mudar, o svemu obaviješten i da im priprema nagradu na Ahiretu. Strpljivima će pripasti obilna nagrada bez obračuna. Ako se o tome razmisli i ako to čovjek primijeni u životu, žalost i gorčina nesreće mogu se pretvoriti u sreću i radost. Međutim, nisu svi kadri to učiniti.

**Na koji način možemo smanjiti i olakšati svoje stresove?**

- 1 – Zamisli da je nesreća mogla biti još gora i razornija;
- 2 – Pomisli na one koji više trpe i koji su u gorjoj situaciji;
- 3 – Pogledaj blagodati i prednosti koje ti imaš, a koje drugi nemaju;
- 4 – Ne prepuštaj se depresiji koja može pratiti nesreću, jer:  
*“zaista, s mukom je i last, zaista, s mukom je i last.”*

**Zrak: Najbrža poruka sreće upućena drugima  
Jeste Iskren i srdačan osmijeh.**

Školjka: *Oprosti onoj koja te ogovara, jer ti je poklonila svoja dobra djela.*



*Bljesak: Allah će ga jedini otkriti!*

## **Drugi prsten: Sredina je najbolja**

*Svaka situacija će se promijeniti,  
i nezgoda može dobru posljedicu imati.*

Mustafa Mahmud kaže: "Osjećam se sretnim zato što sam umjeren čovjek. Primanja su mi osrednja, zdravlje osrednje, život osrednji. Od svega imam pomalo. To znači da imam mnogo motiva, a motivi su život. Motivi u našim srcima su istinski pokretači u našim životima. Oni su mjerilo naše sreće."

Molim Allaha da čitaocu ovih redova podari osrednji život i da mu da od svega pomalo... To je, tako mi Allaha velikoga, lijepa dova!

Moja majka nije poznavala filozofiju, ali je imala prirodnu nadarenost da razumije sav taj govor bez čitanja. Tu svoju mudrost je nazivala jednostavnim imenom: pokrivanje. A **pokrivanje** se može definirati kao *mala količina nečega uz mnogo duha*.

**Zrak: Lažni osmijeh je nemaskirana slika dvoličnjaštva**

*Školjka: Tvoj nakit je kratkotrajan, ali je dobrota tvoja vječna.*





*Bljesak: Moja radost je u namazu*

### **Treći prsten: Pesimista priziva nevolje**

*Neka situacija može imati dobar svršetak  
iako je početak obećavao loše*

Društvo utječe na ponašanje i odgoj čovjeka. Ako je drug – prijatelj, životni drug, kolega ili kompanjon – mirna osoba, vedrog lica, vesele duše, pozitivnog stava prema životu, te dobre osobine će se prenijeti i na njegovog druga.

A ukoliko je drug namrštenog lica, mračnih crta, umoran od života, neprestano zabrinut, vječiti pesimista – klice nemira preći će na njegovog druga.

Družiti se ne mora samo s ljudima. Družiti se može sa radio i televizijskim programima. I oni mogu biti pozitivni i negativni; uznemirujući ili smirujući. Posebno se knjige mogu posmatrati kao godišnja doba – među njima imamo i proljeće i jesen. Ako čovjek uspješno odabere optimistične, pregalačke knjige koje podstiču na rad, borbu, uspjeh i samopouzdanje, na taj način je samom sebi učinio dobro i otvorio je svijetle prozore kroz koje će u njegov život prodrijeti lahor mirisa i radosti. A ako se odluči za depresivne knjige, koje podstiču sumnju u ljude i vrijednosti i koje su pesimistične prema životu i narodu – može se zaraziti kao od kuge i zagorčati sebi život.

**Zrak: Put sreće je pred tobom... Traži ga u znanju, dobročinstvu i visokim vrijednostima. Budi umjerena u svemu, bit ćeš sretna.**

*Školjka: Gubitak je kada se izostavi farz (vjerska obaveza) ili počini grijeh.*



Bljesak: ...pa je spustio smirenost na njih

### **Četvrti prsten: Ne budi mračna i smrknuta**

*Ko se boji po brdima penjati,  
vječno će se u rupama kriti*

Jedan čovjek kaže:

“U dvadesetim i tridesetim godinama svoga života bio sam srdit, užurban i nezadovoljan, premda sam uživao. Međutim, nisam bio svjestan svoje sreće. Nisam bio svjestan da živim istinski sretnim životom. Sada, dok “gazim” šestim desetljećem, sasvim sigurno znam koliko sam bio sretan u svojim dvadesetim i tridesetim godinama. Ipak, to saznanje je došlo kasno. Sada imam samo uspomene, gorke uspomene... Da sam ovoga bio svjestan tada, živio bih s velikom radošću i ne bih u svom momačkom životu ustupao mjesto ljutnji i nezadovoljstvu. Ne bih zaklanjao procvali cvijet svoje sreće i postao ga svjestan tek sada, kada se osušio.

Tebi, dragi čitaooče, kažem: Ili ćeš svjesno i blaženo proživljavati svoju sreću – uživajući svojim vidom, mirisom i svim osjetilima u procvaloj ruži pred sobom – ili ćeš biti nesvjestan toga, gledati na drugu stranu, prema onome što ti nedostaje i postati plijen nezadovoljstva i srdžbe. U tom slučaju, sačekaj dok ta stvarnost postane prošlost. Tada ćeš je suzama oplakivati i sjećati se kako si nekada sretan bio. Dok je to trajalo, nisi ništa vidio, ni osjećao. Sada ti ostaje samo bol i засушени ostaci!”

**Zrak: Žena može pretvoriti kuću u raj, kao i što  
je može pretvoriti u nesnosni pakao!**

*Školjka: Kada se sastaneš sa ženama, podsjeti ih na Gospodara Zemlje i nebesa.*



**Bljesak:** Allah je njima zadovoljan, a i oni će biti zadovoljni Njime.

### **Peti prsten: Većina problema počinje od sitnica!**

*Vidiš li da, kadgod njenu kuću posjetim,  
miris, i kada ga nema, osjetim.*

Žalosno je kako mnoge sitnice pustoše razboritost hiljadama ljudi, ruše njihove domove, uništavaju prijateljstva i ostavljaju ih izgubljene i zalutale na ovom svijetu. Dejl Karnegi objašnjava posljedice plahovitog reagiranja na sitnice: "Male stvari u bračnom životu mogu pomračiti um muževa i žena i uzrokovati polovinu duševnih boli na ovom svijetu."

To potvrđuju i stručnjaci. Čikaški sudac Džozef Sabat vodio je preko četrdeset hiljada brakorazvodnih parnica. On kaže da sitnice uvijek stoje iza nesporazuma koji se javljaju u braku.

Frank Hogan, javni tužilac Njujorka, kaže da polovina parnica koje sud razmatra potiču iz beznačajnih stvari, poput porodičnih nesporazuma, male uvrede, uvrjedljive riječi ili neukusnog gesta.

Tako male stvari dovode do ubistva i zločina.

Malo ljudi je po prirodi svirepo, ali, unatoč tome, stalne uvrede ličnosti, sujete i časti uzrokuju polovinu problema koji muče svijet.

**Zrak: Blagodat koju najviše trebamo čuvati jeste dobro koje nam ispunjuje dušu i uljepša trenutak.**

*Školjka: Ne razmišljaj o osveti, jer ćeš na taj način postati vječna žrtva.*





*Bljesak: I kada ste od Gospodara svoga  
pomoć zatražili, On vam se odazvao.*

### **Šesti prsten: Umijeće čuvanja jezika**

*Ako me zadesi nepogoda, ja sam  
u nesrećama i nepogodama čvrsta stijena.*


Historičari prenose da je Halid ibn Jezid ibn Muavija jedne prilike klevetao Abdullaha ibn Zubejra, ljutog neprijatelja porodice Emevija. Govorio je za njega da je škrtica. Njegova supruga Remla ibn Zubejr, Abdullahova sestra, bila je prisutna. Držala je glavu spuštenu i nije progovarala. Halid je upita: "Zašto ne kažeš nešto? Slažeš li se s ovim što govorim ili ne želiš da mi se usprotiviš?" Ona odgovori: "Ni jedno ni drugo... Mi žene nismo stvorene da se prepiremo s ljudima. Mi smo bašče koje treba mirisati i grliti. Zašto da se miješamo u vaše stvari?" Te riječi su ga zadivile i on je poljubi u čelo.

Božiji Poslanik ﷺ strogo zabranjuje širenje tajni supružnika. Ahmed ibn Hanbel prenosi da je Esma bintu Jezid bila prisutna kod Poslanika ﷺ, a i drugi ljudi i žene su, također, sjedili u njegovom prisustvu, kada je on rekao: "Čovjek nekada nesmotreno kaže šta se desilo između njega i njegove žene, a nekada i žena kaže šta je radila sa svojim mužem!" U tom trenutku nastade tajac među ljudima. Esma reče: "Tačno je, Božiji Poslaniče! Oni to rade, a i one to rade, tako mi Allaha. Ta, nemojte to raditi. To je kao kada šejtan susretne šejtanku i počne općiti sa njome pred svim ljudima."

Neki mufessiri su ajet *"Zbog toga su čestite žene poslušne i za vrijeme muževljeva odsustva vode brigu o onome o čemu treba da brigu vode, jer i Allah njih štiti"* protumačili na slijedeći način: "Žene koje vode brigu su one koje čuvaju tajne intimnog odnosa sa svojim muževima."

**Zrak: NabrajaJ blagodati koje ti Je Allah podario,  
umjesto što nabrajaš teškoće.**

*Školjka: Traži oprost od Allaha sve dok šejtan ne poželi da ga nema.*



Bljesak: **Život je kratak i ne skraćuj ga brigama**






## **Sedmi prsten: Bori se protiv depresije namazom**

*Grijeh mi se učinio velikim, ali ga usporedih  
s Tvojim oprostom, i oprost bješe veći.*

Prve muslimanke su znale da je namaz veza između čovjeka i njegovog Gospodara i da su skrušeni spašeni: "Ono što žele – vjernici će postići, oni koji namaz svoj ponizno obavljaju."

One su smjerno i skrušeno klanjale noćni namaz. Znale su da je to najbolja oprema za Ahiret. Ljudima se uz pomoć namaza može najbolje prenijeti poruka islama. Namaz daje čovjeku snagu i odlučnost u suočavanju s teškoćama i prevazilaženju problema. Noćni namaz je najbolji vid približavanja Uzvišenom Allahu. Obraćajući se prvom pozivatelju u islam, On kaže: "I probdi dio noći u molitvi – to je samo tvoja dužnost; Gospodar tvoje će ti na onom svijetu hvale dostojno mjesto darovati."

On hvali onoga ko noću klanja: "...noću su malo spavali."

Enes  prenosi da je Poslanik  jedne prilike ušao u džamiju. Ugledao je svezan konopac između dva džamijska stuba. "Kakav je ovo konopac" – upita. Rekoše mu da je to konopac za koji se Zejneba hvatala kada bi se umorila u namazu. Božiji Poslanik  reče: "Odvežite taj konopac. Neka svako klanja onoliko koliko može. Kada se umori, neka sjedne." Na osnovu ovog predanja zaključujemo da su žene s velikom predanošću pristupale namazu, kako bi stekle Allahovo zadovoljstvo. Poslanik  im je naredio da imaju obzira prema svojim mogućnostima. Najbolji je redovan ibadet, makar bio mali. Svjedoci smo da današnje žene sve svoje vrijeme ispunjavaju ovosvjetskim stvarima. Zar ne mogu klanjati makar dva rekjata u dubini noći, i savladavši tako šejtana? Treba se držati sredine u svemu. Poslanik  je tri puta ponovio: "Propali su oni koji pretjeruju."

**Zrak: Uzdaš se u Allaha kada si iskrena i raduj se sutrašnjem danu ako si pokajnica.**

Školjka: *O Šedžeretud-durr su ispjevali slavopojke, a zatim  
su te slavopojke umrle, zajedno sa njom!*





*Bljesak: Strpljivost je ključ spasa.*

### **Osmi prsten: Savjeti uspješne žene**

*Gospodaru, jedino si Ti hvale dostojan,  
Tebi će se sva stvorenja vratiti*

Jedna moderna žena je svojoj kćerki suznih očiju i sa blagim osmijehom na licu uputila slijedeći savjet: "Kćeri moja, ti stupaš u novi život... Život u kojem nema mjesta za majku i oca, braću i sestre. Postaješ družbenica svome mužu, koju on ne želi podijeliti ni sa kima, pa ni sa tvojim najbližima..."

Budi mu supruga i majka. Učini da osjeća da si mu sve u životu. Imaj uvijek na umu da je svaki čovjek veliko dijete i da ga najmanja slatka riječ čini sretnim. Ne dozvoli da osjeti da si zbog stupanja u brak sa njim lišena svoje porodice. Taj osjećaj se može javiti i kod njega, jer je i on ostavio svoju porodicu i roditelje radi tebe. Razlika između tebe i njega je razlika između čovjeka i žene. Žena uvijek čezne za porodicom i kućom gdje se rodila i odrasla. Međutim, mora se naviknuti na novi život. Mora se prilagoditi na život sa čovjekom koji joj je postao suprug, staratelj i otac njene djece. To je tvoj novi svijet.

Kćeri moja, to je tvoja sadašnjost i budućnost. To je porodica koju ste ti i tvoj suprug zajedno izgradili. Ja ne tražim od tebe da zaboraviš svoje roditelje i braću, zato što te oni nikada neće zaboraviti, draga moja. Kako majka može zaboraviti dio svog tijela? Ja samo želim da voliš svoga supruga, da živiš za njega i da budeš sretna sa njim."

**Zrak: Uzmi od Asije strpljivost, od Hatidže odanost, od Aiše Iskrenost i od Fatime ustrajnost.**

*Školjka: Ostavi malo luksuza za gladne stomake.*





*Bljesak: ...one koje, prije njih, ni čovjek ni džin nije dodirnuo*

## **Deveti prsten: Ko nije blizak s Allahom, nije blizak ni sa kim**

*To su dani prevrtljivi,  
a Allahova odredba čeka.*

Allah je prijatelj vjerniku, utjeha pokornom, miljenik robu. Ko je blizak s Allahom, blizak je sa životom i sretan je što postoji. Dani su mu svijetli, srce smireno, duša vedra i grudi raširene. Ljubav prema Allahu usađena mu je u srce. Allahova svojstva su ugrađena u njegova osjećanja. Allahova imena mu stoje pred očima. U njegovom srcu prisutan je Milostivi, Samilosni, Hvale vrijedan, Blagi, Dobročinitelj, Dobri, Koji voli, Plemeniti, Uzvišeni... Trepti od prisnosti sa Stvoriteljem, od ljubavi prema Uzvišenom i bliskosti sa Sveznajućim.

Svijest o Allahovoj blizini stvara osjećaj bliskosti sa Njim, radost zbog Njegove brige i pažnje:

﴿وَإِذَا سَأَلَكَ عِبَادِي عَنِّي فَإِنِّي قَرِيبٌ أُجِيبُ دَعْوَةَ الدَّاعِ﴾

*"Akada te robovi Moji za Mene upitaju, Ja sam, sigurno, blizu: odazivam se molbi molitelja kad Me zamoli."*

Bliskost s Allahom ne dolazi ni iz čega i ne može se postići bez napora. To je plod pokornosti i rezultat ljubavi. Ko bude Allahu pokoran i Njegovim naredbama poslušan, ko se bude pridržavao Njegovih naredbi i iskreno Ga volio, osjećat će slast te bliskosti, užitak blizine i sreću komunikacije s Uzvišenim.

**Zrak: Ljepota je u lijepom odgoju, divota je u divnim manirima, a krasota je u krasoti uma.**

*Školjka: Ne prestaj činiti dovu, jer to je konopac spasa.*



*Bljesak: Oporučujem vam da lijepo postupate prema ženama*

### **Deseti prsten: Vlasnica dva pojasa živi dva života**

*Ko nema osjećaja za ljepotu,  
ništa mu u životu lijepo nije.*

Esma, kćerka Ebu Bekra, vlasnica dva pojasa, predstavlja živi primjer izdržljivosti u teškim uvjetima i oskudici, u pokornosti i udovoljavanju suprugu. U vjerodostojnom predanju se navodi: "Udala sam se za Zubejru. On je imao samo konja kojeg sam njegovala i hranila. Mrvila sam zrnjevlje za njega. Vadila sam vodu iz bunara i mijesila tijesto. Prenosila sam sjeme sa njive koju je Božiji Poslanik ﷺ dodijelio Zubejru. Božiji Poslanik ﷺ je jednog dana tuda prolazio sa ljudima i pozva da uzjašem iza njega. Ja se postidjeh, spomenuh mu Zubejrovu ljubomoru i on produži. Kada sam to ispričala Zubejru, on reče: 'Tako mi Allaha, teže mi pada to što si nosila sjeme, nego da si sa njim jahala!' Nakon toga mi je Ebu Bekr poslao slugu. Osjećala sam se oslobođenom zato što nisam morala voditi konja."

Nakon svog tog odricanja, za nju i njenog muža nastupilo je vrijeme blagostanja. Međutim, nju bogatstvo nije promijenilo. Bila je darežljiva i plemenita. Ništa nije ostavljala za sutra. Kada bi se razboljela, sačekala bi da ozdravi i tada bi oslobodila sve svoje robove. Govorila je svojim kćerima i sinovima: "Udjeljujte milostinju i ne čekajte da vam nešto ostane."

**Zrak: Život je lijep kod vjernika, Ahiret je drag pobožnima. Samo su oni sretni.**

*Školjka: Sjeti se da tvoje riječi zapisuju meleki.*



# Unikati

Sjeti se unikata na putu tevhide i pokornosti Allahovim naredbama; unikatnosti stepena savršenstva i lijepe pobožnosti; jedinstvenosti na ljestvici časti i plemenitih svojstava. Nema vrednijih, ni divnijih unikata od onih koje je Džibril donio Muhammedu ﷺ – to su očigledni dokazi, jasni i sjajni argumenti.







*Bljesak: ...i neka ti nije teško zbog spletkarenja njihova*

### **Prvi unikat: Ko ti je najdraži?**

*Duša je onakva kako je čovjek odgaja –  
što je više hraniš, sve je više gladna.*

#### **Volim ga više od svega**

Jesi li pitala sebe koliko voliš Božijeg Poslanika ﷺ? Znaš li da se ta ljubav potvrđuje kroz slijeđenje naredbi Poslanika koga voliš i izbjegavanje svega što ti on zabranjuje? Prekontroliraj svoje emocije i usmjeri ljubav – prije svega – Uzvišenom Allahu, zatim prema onome ko nas je izbavio iz zablude... Ne zaboravi, kada poželiš zauzeti visoko mjesto u Džennetu, hadis Poslanika ﷺ: "Čovjek će biti s onim koga voli." Prvi znak i pokazatelj ljubavi jeste izvršavanje onoga što je Alejhisselam naredio. Kako može neko tvrditi da ga voli, a ne izvršava ono što je naredio, ne slijedi njegov sunnet i ne drži se njegovog puta? Čitaj njegovu biografiju i pogledaj kako su uzvišene bile njegove osobine, kako je bio lijep njegov govor, kako je bio tolerantan, bogobožan i skroman. Izmijeni one osobine koje se ne slažu sa osobinama Božijeg Poslanika ﷺ.

**Zrak: Nuhova i Lutova žena su licemjerne  
bile, pa su propale; a Asija i Merjem su  
vjernice bile, pa su se spasile.**

*Školjka: Namaz, učenje Kur'ana i zikr su skupocjene ogrlice oko tvog vrata.*



*Bljesak: Ja sam, sigurno, blizu: odazivam  
se molbi molitelja kad Me zamoli.*

### **Drugi unikat: Sreća ne zavisi od bogatstva ili siromaštva**

*Selma me plaši problemima vremena,  
ljudi se većinom bez razloga plaše*

Bernard Šo kaže: "Ne mogu kazati da sam osjetio pravo siromaštvo. Prije nego što sam počeo zarađivati svojim perom, imao sam veliku biblioteku, to je javna biblioteka u britanskom muzeju. Imao sam najpotpuniju kolekciju umjetničkih slika blizu Trafalgar skvera. Šta sam mogao uraditi s novcem? Pušiti cigarete? Ja ne pušim. Piti šampanjac? Ja ne pijem. Kupiti trideset odijela po posljednjoj modi? Tada će me ljudi pozivati na večeru u svoje dvorce i morat ću se viđati s onima koje izbjegavam koliko mogu. A da kupim konje? Opasni su. Auta? Smetaju mi. Sada imam novca toliko da mogu kupiti sve te stvari, ali ja i dalje kupujem samo ono što sam kupovao dok sam bio siromašan. Radujem se stvarima kojima sam se radovao dok sam bio siromašan – knjizi koju čitam, slici koju pažljivo posmatram, misli koju zapisujem... S druge strane, imam bogatu maštu. Ne sjećam se da mi je išta bilo potrebnije nego da legnem, zatvorim oči i zamišlim ono što želim. U mašti bih radio se što želim. Stoga, što bi mi bio potreban nesretni, luksuz koji bi krasio ulicu Bond?

**Zrak: Pretvori svoju kuću u mirni raj, a ne u bučnu utakmicu. Doista je tišina blagodat.**

*Školjka: Izvrši svoje obaveze prema drugima kao što želiš da  
oni izvršavaju svoje obaveze prema tebi.*





*Bljesak:* Gospodaru moj, sagradi mi kod Sebe kuću u Džennetu

### **Treći unikat: Zar Allahu ne trebamo najviše zahvaljivati**

*Misterija svake brige će se riješiti,  
a od svake muke postoji veća.*

Zahvalnost Allahu je najljepši i najlakši recept za sreću i duševni mir. Jer, kada zahvaljuješ svom Uzvišenom Gospodaru, predočavaš blagodati kojima te je obasuo i osjećaš veličinu darova kojima se gizdaš. Jedan musliman iz prvih generacija je govorio:

“Ako želiš spoznati blagodati kojima te je Allah obasuo, sklopi oči.”

Allah ti je pružio sluh, vid, razum, vjeru, potomstvo, opskrbu i lijep imetak. Neke žene podcjenjuju blagodati koje imaju. Međutim, kada bi se ugledale na siromašne, uboge, jadne, bolesne, prognane i zaražene, bile bi zahvalne Allahu na onome što im je podario – makar živjele u kolibi od slame, gline, ili pod drvetom u pustinji... Zahvaljuj Allahu na tim blagodatima. Usporedi se sa ženama koje imaju tjelesne ili mentalne nedostatke, koje imaju narušen sluh ili bolesnu djecu?

**Zrak: Ublaži bol paćenica lijepom riječju i obriši  
suze ubogih Iskrenom sadakom.**

*Školjka: Kada pocijepaš list kalendara, izgubila si dan svog života.*



*Bljesak: Nemoguće je ostati na istom*

### **Četvrti unikat: Sretnica usrećuje sve oko sebe**

*Ženo, ti si doista sretnica –  
uzdignuta si i tokom života i nakon smrti.*

Orezon Svit kaže:

"Napoleon je imao sreću što se oženio Žozefinom prije nego što je preuzeo vrhovnu komandu i susreo se sa izazovima osvajanja. Njena blaga narav i draga ličnost djelovali su jače od desetina odanih vojnika u pridobijanju lojalnosti sljedbenika. Zračila je sve oko sebe. Nikada nije izdavala direktne naredbe, čak ni slugama. To je lijepo objasnila jednoj svojoj prijateljici: "Samo bih u jednoj situaciji koristili riječ 'želim', i to kada bih govorila: 'Želim da svi oko mene budu sretni.'"

Engleski pjesnik je na nju mislio kada je rekao: "Išla je putem vedrog, sretnog i sjajnog jutra, pa se veličanstvo tog jutra prenijelo na cijeli dan." Istina je, prijatelju, da blagost širi sreću na nas, na sve oko nas, pa čak i na predmete. Blagost je bezgranična duhovna ljepota. Ona je za čovjeka isto što i ljepota za ženu, dok kod žene ona mnogostruko povećava ljepotu.

**Zrak: Da li je sretna ona koja izloži svoju ljepotu psima i  
prospe svoju divotu vukovima u ljudskom obliku?**

*Školjka: Ti brišeš suze svome djetetu, a ko će obrisati suze siročetu?*



**Bljesak:** *Sjeti se Allaha u blagostanju, pa  
će se On sjetiti tebe u oskudici*

**Peti unikat: Budi smirena, jer se  
sve prema određenju odvija**

*Ne možeš radošću zadržati dobro,  
niti tugom povratiti izgubljeno.*

Dejl Karnegi predlaže alternativu vjerovanju u sud i određenje, koja se sastoji iz toga da od oboljelog čovjeka tražimo da se u katastrofama ponaša otupljeno poput teleta ili mladice drveta! Možemo opravdati ovo njegovo mišljenje, zato što on ne poznaje lijek o kojem mi govorimo. Evo šta on kaže: "Jednom sam odbio da prihvatim jednu neminovnost sa kojom sam se susreo. Bio sam glup. Protestovao sam, bio revoltiran i srdit. Noći su mi postale pakao zbog nesanice. Nakon godinu dana duševne patnje, predao sam se, iako sam od početka znao da to ne mogu promijeniti. Zaslužio sam da izrecitiram stihove pjesnika Valta Huitmana:

'Ima li šta ljepše od suprotstavljanja tami, katastrofama i gladi,  
nesrećama, tragedijama, poniženju i grdnji,  
kao što to čine životinje, i mladice drveća!'

Proveo sam dvanaest godina života sa stokom. Nisam vidio da se krava nervira zato što je trava izgorjela, što se osušila zbog rijetkih kiša ili što je njen prijatelj bik otišao kod druge krave. Životinje se sa mrakom, olujama i glađu suočavaju mirno i tiho. Zato se vrlo rijetko dešava da obole od nervnih bolesti ili čireva u želucu!"

**Zrak:** *Sjeti se uspjeha i radosti, a zaboravi  
neprijatnosti i nesreće.*

*Školjka: Kako možeš gomilati zlato, a siročadi plaču zbog gladi?!*



*Bljesak: Allah je dovoljan zaštitnik!*



### **Šesti unikat: Ummu Umara govori!**

*Znaj da svako dobro i zlo  
imaju svoje trajanje, rok i nestanak*

Nesiba bint Ka'b (Ummu Umara) govori o Bici na Uhudu:

"Izašla sam početkom dana i ponijela posudu s vodom. Stigla sam do Božijeg Poslanika ﷺ koji se nalazio među ashabima. Ratna sreća i vjetar bili su im naklonjeni. Kada su muslimani počeli gubiti, došla sam do Božijeg Poslanika ﷺ i uključila se u borbu. Borila sam se sabljom i odapinjala strijele sve dok me nisu ranili. Kada su ljudi pobjegli od Božijeg Poslanika ﷺ, Ibn Kumia je dojurio vičući: 'Pokažite mi Muhammeda, ne smije preživjeti!' Ja i Mus'ab ibn Umejr smo mu stali na put. Udario me je ovdje, po ramenu. Ja sam mu zadala nekoliko udaraca, ali je taj Allahov neprijatelj imao dva pancira."

Ovo je Ummu Umara o kojoj Božiji Poslanik ﷺ kaže: "Na koju god stranu bih se okrenuo na danu Uhuda, vidio bih je kako se bori da me odbrani."

**Zrak: Nemoj vrištati, jer te to iscrpljuje i zamara,  
i nemoj psovati, jer je to patnja.**

*Školjka: Ko bude imao na umu vrelinu Vatre, trpet će želju za grijehom.*



*Bljesak: Devet desetina lijepe čudi je u previđanju grešaka.*

### **Sedmi unikat: Dobročinstvo prema čovjeku otklanja tugu**

*Zamisli da vladaš cijelim svijetom i  
da su ti svi ljudi podređeni – šta bi bilo?*

Mnogo je hadisa Božijeg Poslanika ﷺ koji govore o plemenitosti žene – ili se radi o podsticanju na darežljivost i milostinju, ili o pohvali i veličanju, ili o odricanju i radovanju zato što je ugostila drage prijatelje... Majka vjernika Aiša رضي الله عنها prenosi kako su jedne prilike pripremili ovcu. Božiji Poslanik ﷺ upita: "Šta je ostalo od nje?" – "Ostala je samo plečka" – odgovori hazreti Aiša. "Ostalo je sve osim plečke" – reče Poslanik ﷺ.

Alejhissellam objašnjava svojim ukućanima da će ono što su podijelili drugima trajati do Sudnjeg dana, a da od onoga što je ostalo na ovom svijetu i što su pojeli neće imati koristi na Ahiretu. Ovo je lijep primjer nenametljivog podsticanja na milostinju iz ljubavi prema Uzvišenom Allahu.

Poslanik ﷺ savjetuje Esmu, sestru Aiše رضي الله عنها da udjeljuje kako bi je Allah obasuo većim blagodatima. Ona prenosi: "Rekao mi je Božiji Poslanik ﷺ: 'Nemoj zavezivati vreću, pa da ti Allah zaveže (nafaku).'"

U drugom predanju se navodi: "Dijeli i nemoj brojati, da Allah ne počne tebi brojati, i nemoj biti škrt, da Allah prema tebi ne bude škrt."

**Zrak: Sve dok noć iščezava, i bol će nestati,  
kriza proći i oskudica otići.**

*Školjka: Ostavi se "rekla-kazala" Imaš djela koliko brda.*





*Bljesak: Blagodat je nevjesta, čiji je vjenčani dar zahvalnost.*

### **Osmi unikat: Pretvori poraze u pobjede**

*Duše naše, Allahu, na plećima nosimo  
molimo za Tvoju nagradu i blizinu*

#### **Dobar savjet:**

Ne gubi nadu ako se spotakneš i padneš u široku rupu – izići ćeš iz nje čvršća i jača. A Allah je sa strpljivima.

Ne žalosti se ako te pogodi oštra strijela osobe koja ti je najdraža srcu. Naći će se neko ko će ti izvaditi strijelu, zaliječiti ranu i vratiti ti život i osmjech.


Ne oplakuj ruševine, naročito ako su ih šišmiši naselili i sjenke zaposjele. Tragaj za cvrkutom vrapca koji veselim letom najavljuje novo jutro.

Ne gledaj požutjele listove iskrzanih slova i pokidanih redova. Uvjerit ćeš se da ti redovi nisu najljepše što je napisano i da ti papiri nisu zadnje što je sastavljeno. Moraš razlikovati onoga ko tvoje redove u očima drži i onoga ko ih niz vjetar baca. Ti redovi nisu samo lijepe, prolazne riječi. To su osjećaji srca koje doživljava svako slovo, impuls čovjekovog sna i njegov bol i žar... Nemoj biti kao čaplja koja umire pjevajući najljepšu pjesmu. Ništa na ovom svijetu ne zasluđuje ni jednu kap tvoje krvi.

**Zrak: Ko poslje vjetar, požnjet će oluju!**

*Školjka: Jezičara je omražena, a klevetnica nesretna.*





*Bljesak: Kao da su one jaja pokrivena*

## **Deveti unikat: Odanost je vrijedna, pa gdje su odani?**

*Od čovjeka ostaju samo riječi,  
pa ostavi lijep glas onima što slušaju*

Neko od ljudi koji je najbolje poznao Allaha i bio najpredaniji Njegovom određenju i najzadovoljniji Njegovim sudom jeste Allahov vjerovjesnik Ejjub عليه السلام. Bio je stavljen na kušnju nesrećama koje su pogodile njegovo tijelo, imetak i porod. Toliko je patio da na tijelu nije imao ni koliko vrh igle zdrave površine, osim srca. Nije posjedovao materijalne mogućnosti da se bori protiv bolesti i stanja u kojem se nalazio. Jedino ga je supruga, koja je vjerovala u Allaha i Njegovog poslanika, i dalje voljela. Osamnaest godina je radila kao najamnica, kako bi osigurala hranu i druge potrepštine svome mužu. Odvajala se od njega samo kada bi išla da radi. Kada se to stanje oduljilo i postalo nesnosno, Ejjub se obratio Gospodaru svjetova i najmilostivijem milosniku:

*"Mene je nevolja snašla, a Ti si od milostivih najmilostiviji!"*

Allah je prihvatio njegov poziv i uslišao mu dovu. Naredio je da ustane sa postelje i udari stopalom o pod. Ejjub to učini, i na mjestu gdje je udario nogom pojavi se izvor. Uzvišeni mu naredi da se tu okupa, nakon čega mu nestadoše sve rane s tijela. Zatim mu naredi da udari nogom na drugo mjesto i tu poteče izvor sa kojeg se Ejjub napio i izliječio svoje unutrašnje bolesti. Na taj način postao je potpuno zdrav, i spolja i iznutra. Sve to bio je plod strpljivosti, rezultat očekivanja nagrade i korist od zadovoljstva.

**Zrak: Čovjek se može kajati zbog nečega što je rekao, ali se nikada ne može kajati ukoliko je šutio!**

*Školjka: Ukloni šminku grijeha suzama pokajanja.*

*Bljesak: Žena je izvor radosti i oduševljenja.*



### **Deseti unikat: Ozbiljnost u svemu**

*Uhvati osmijeh jutra i pozdravi  
ga, željno ga gledajući*

Budi ozbiljna u svemu – odgajanju djece, bavljenju korisnim stvarima, čitanju svrsishodne literature, skrušenom učenju Kur'ana, pokajničkom namazu, srdačnom zikru, sadaki, pospremanju kuće, organiziranju biblioteke... Ta pozitivna aktivnost lišit će te tjeskobe i briga.

Pogledaj neke nevjernice kako one ozbiljno pristupaju svom životu i pored toga što ne vjeruju i što su na stranputici. Bivša izraelska premijerka Golda Majer je napisala memoare o svojoj ozbiljnosti u organiziranju vojske u borbi protiv Arapa. Takvu odlučnost je pokazao samo mali broj muškaraca iz njenog naroda... A ona je nevjernica, Allahov neprijatelj.

**Zrak: Sreća nije vrsta maglje. Kada bi to  
bila, ne bi imala vrijednosti.**

*Skoljka: Vjernica je ljepša od sunca, zato što je obasjana ibadetom.*




# Merdžani

Merdžani se vade sa dna da bi ih žene nosile oko vrata. Ipak, merdžani koji su objavljeni sa Sidretul-munteha razumnim ljudima korisniji su i vredniji. Jer, ovosvjetske merdžane mogu nositi nevjernice i grješnice, a nebeske merdžane mogu nositi samo bogobojazne, čiste i zadovoljne.







**Bljesak:** Allah je zaista na strani onih koji se Allaha  
boje i grijeha klone i koji dobra djela čine.

### **Prvi merdžan: Hrabro se postavi prema ljudima**

*Glad se može utoliti suhim hljebom,  
pa čemu, onda, muke i kolebanja?*

**Odgovori na ova pitanja staloženo i razborito:**

– Znaš li da ćeš ubrzo krenuti na put bez povratka?  
Jesi li se spremila za taj put?

– Jesi li se na ovom prolaznom svijetu opremila do-  
brim djelima kako bi ublažila osamu u kaburu?

– Koliko imaš godina? Koliko ćeš još živjeti? Znaš li da  
svaki početak ima svoj kraj i da ćeš završiti u Džennetu ili  
Džehennemu?

– Razmišljaš li o mogućnosti da ti melek dođe po  
dušu koja je nemarna i nepažljiva?

– Jesi li zamislila svoj posljednji dan i posljednji čas?  
Čas kada ćeš ostaviti svoju porodicu i djecu, prijatelje i  
drugove? Čeka te smrti hropac, čupanje duše i patnja...  
**To je smrt... Smrt!**

Kada ti duša napusti tijelo, ono će biti okupano i  
umotano u ćefine. Zatim će ga dopremiti u džamiju, gdje  
će ti klanjati dženazu. Potom će te ljudi na ramenima  
odnijeti... **Kamo?**

U kabur – prvo stanište Ahireta – u džennetski vrt ili  
džehennemski ponor.

**Zrak: Neka ti neuspjeh bude pouka.**

*Školjka: Dvije su kuće – kuća zikra i Kur'ana, i kuća muzike i soprana.*



*Bljesak: On šalje kišu kada oni izgube svaku nadu*

### **Drugi merdžan: Čuvaj se!**

*Problem za mene ne postoji dok se ne desi  
i nije mi teško duši kada me zadesi*

Čuvaj se oponašanja nevjernica, grješnica ili muškaraca. U hadisu stoji: "Allah je prokleo one žene koje oponašaju muškarce i one muškarce koje oponašaju žene." Čuvaj se svega što Uzvišeni Gospodar ne voli i što je hadisima zabranjeno: oponašanje muškaraca, osamljivanje s muškarcem, putovanje bez mahrema, bestidno ponašanje, razgolićivanje, zaboravljanje Gospodara...

Od tih sramnih postupaka srce postaje nemilosrdno, grudi tijesne i nespokojne na ovom i budućem svijetu. Međutim, to su veoma raširene i rasprostranjene osobine među ženama, osim kome se Allah smiluje.

**Zrak: Da bi bila lijepa, moraš lijepo razmišljati.**

*Školjka: Piši najbolju biografiju dobrim djelima i lijepim ponašanjem.*





*Bljesak: Gospodaru naš, oprosti nam krivice naše  
i neumjerjenost našu u postupcima našim.*

### **Treći merdžan: Zahvalnost dobročinitelju je obavezna**

*Laži svoju dušu kada joj se obraćaš;  
iskrenost prema duši uništava nadu.*

El-Hajzeran je bila ropkinja koju je halifa Mehdi kupio od trgovca robljem. Nakon što ju je kupio, oslobodio je, izmirio sve njene obaveze i uzeo je za ženu. Njene roditelje je proglasio za prestolonasljednike. Kada bi se naljutila na njega, govorila bi mu u lice: "Nisam od tebe nikakvog dobra vidjela."

Bermekija je također bila sluškinja koju su više puta prodavali. Kada je došla u vlasništvo El-Mu'temida ibn Abbada, kralja Maroka, on ju je oslobodio i proglasio kraljicom. Kada je kasnije ugledala djevojčice kako se igraju u blatu, poželjela je da se i ona poigra u blatu kao nekada. Kralj joj ispuni želju tako što je naredio da pripreme smjesu mirisa u obliku blata, gdje se Bermekija igrala. Kada se naljutila na njega, rekla mu je: "Nisam od tebe nikakvog dobra vidjela." On je upita: "Čak ni blato", na što se ona postidje.

Žene po prirodi zaboravljaju svako dobro koje im se učini nakon male muževe greške ili propusta. U vjerodostojnom hadisu se kaže:

"Ženska skupino, dijelite sadaku! Predočeno mi je da ste većinom vi u Džehennemu!" "Zašto, Allahov Poslaniče" – upitaše. "Mnogo proklinjete, mužu ste nezahvalne!"

Alejhisselam, također, kaže: "Pogledao sam u Džehennem i vidjeh da su većina u njemu žene. Zato što poriču dobra svoga muža i poriču dobročinstva! Kada bi nekoj od njih cijeli život dobročinstvo činio, a onda joj se nešto kod muža ne sviđa, rekla bi: 'Nikada od tebe i nisam nekog dobra vidjela!'" Ali, čovjek treba razumjeti prirodu žene i ne ljutiti se, brinuti ili nervirati kada mu žena iskaže nezahvalnost i zanijeće bilo kakvo dobro, premda joj je on mnogo toga učinio.

**Zrak: Za uspješnu ženu ljudi čine dovu; muž joj je  
zahvalan, komšinice je vole, a prijateljice poštuju.**

*Školjka: U svakom trenu traži oprost i nakon svake riječi izgovaraj tesbih.*

*Blijesak: Svojom milošću savladavam srdžbu Svoju*



**Četvrti merdžan: Dušu treba  
više njegovati nego tijelo**

*Dolazi proljeće, vedro i gordo,  
od ljepote nasmijano*


Omer ibn Abdulaziz je za vrijeme svoje vladavine poslao jednog pomoćnika da mu kupi odijelo za osam dirhema. Kada ga donese, Omer ga pomilova i reče: "Kako je mehko i lijepo!" Pomoćnik se nasmija. "Zašto se smiješ" – upita ga Omer. "Vladaru pravovjernih, kada sam ti, prije nego što si preuzeo hilafet, donio svileni prekrivač koji košta hiljadu dirhema, ti si rekao: 'Kako je grub!' Kako ti je sada mehko odijelo od osam dirhema?"

Omer odgovori: "Mislim da čovjek koji kupi odijelo za hiljadu dirhema nema straha od Boga." Zatim nastavi: "O čovječe, moja duša strema visinama. Kad god dostignem jedan stepen, počnem stremiti ka onom višem. Bio sam namjesnik, pa sam težio ka hilafetu. Sada, kada sam postao halifa, težim ka onome što je veće od toga – Džennetu."

**Zrak: Donošenje suda o ljudima nije naša obaveza. Naša razmišljanja ne smiju se baviti kažnjavanjem drugih.**

*Školjka: Stavi nakit s kojim ćeš ući u kabur – bogobojaznost.*





*Bljesak: Čuvaj Allaha, pa će On tebe čuvati!*

### **Peti merdžan: Neka te sadašnjost zabavi od razmišljanja o prošlosti i budućnosti**

*Razići će se tama, pa se nećeš bojati  
nastupit će zora u veličanstvenom sjaju*

Zašto čupati kosu i derati odjeću zbog dobra koje je promaklo ili štete koja je nastupila? Čemu povodenje za mislima i osjećanjima vezanim za događaj koji je prošao. To može samo povećati izgaranje duše i srca.

Kada bi naše ruke mogle doseći u prošlost, uhvatiti se ukoštac sa događajima i izmijeniti ono što nam je mrsko u ono što nam je drago – taj povratak bi bio obavezan i svi bismo tamo pohrlili. Izbrisali bismo ono zbog čega se kajemo i uvećali ono čega nam nedostaje. A pošto je to nemoguće, onda je za nas bolje da svoje napore ustremimo ka vremenu koje je pred nama, jer samo tako možemo nadoknaditi izgubljeno.

O ovome govore ajeti objavljeni nakon Bitke na Uhudu. O onima koji su oplakivali ubijene i kajali se zbog izlaska na bojno polje kaže se:

﴿قُلْ لَوْ كُنْتُمْ فِي بُيُوتِكُمْ لَبَرَزَ الَّذِينَ كُتِبَ عَلَيْهِمُ الْقَتْلُ إِلَى مَضَاجِعِهِمْ﴾

*"Reci: 'I da ste u kućama svojim bili, opet bi oni kojima je suđeno da poginu na mjesta pogibije svoje izašli'"*

**Zrak: Budi uvjerena da Je sreća poput posađene ruže koja  
još nije procvjetala, ali koja će se sigurno pojaviti.**

*Školjka: Nemoj stalno misliti na nakite i festivale, već na dobra djela.*





*Bljesak: A onaj ko okrene glavu od Knjige  
Moje, taj će teškim životom živjeti!*



### **Šesti merdžan: Nevolje su riznice želja**

*Pogledaj rascvjetanu bujnu bašću  
koja je i ptice raspjevala*

Ummu Ala  kaže: "Obišao me je Božiji Poslanik  dok sam bila bolesna i rekao mi: 'Raduj se, Ummu Ala, Allah daje da bolest muslimanu otkloni grijeha kao što vatra otklanja hrđu sa srebra.'"

To ne znači da trebamo u našim tijelima gajiti klice bolesti i odreći se liječenja kako bi nam bolest uklonila greške i grijehove. Vjernik je dužan liječiti se i tragati za medikamentima. Uz to, treba trpiti bolest i očekivati nagradu od Allaha za pretrpljene bolove. To će biti kapital dobrih djela pohranjenih u knjizi. Ovome nas je podučila plemenita žena Ummu Ala.

Žena mora biti strpljiva kod gubitka dragih osoba, muža ili djeteta. U hadisu se kaže: "Allah će čovjeka kojem je dijete uzeo i koji je strpljivo očekivao Njegovu nagradu – nagraditi Džennetom."

Kada žena izgubi muža, to znači da je Allah uzeo na-trag Svog roba, jer On ima više prava na njega. Kada žena kaže: "Mužu moj", ili "dijete moje", Stvoritelj kaže: "To je Moj rob i Ja imam više prava na njega od bilo koga drugog." Muž je (od Allaha) pozajmljen, dijete je pozajmljeno, brat je pozajmljen, otac je pozajmljen i žena je pozajmljena.

*Imetak i djeca su samo pozajmice,  
koje se jednog dana vratiti moraju.*

**Zrak: Bježi od psovki kao što bježiš od kuge!**

*Školjka: Formiraj za sebe malu biblioteku. To je duša tvojeg doma.*



*Bljesak: Milostivima će se smilovati Milostivi.*

**Sedmi merdžan: Budi milostiva prema onima koji su na zemlji, smilovat će ti se Onaj koji je na nebesima**

*Znaš li da teškoću slijedi last,  
kao što je strpljivost vezana za olakšanje.*

Hadisi Božijeg Poslanika ﷺ jasno oslikavaju milost majke prema djetetu. To je primjer ljubavi i topline, izvor blagosti i nježnosti. Tu milost je Allah stvorio kao izvor koji djeci pruža ljubav, požrtvovanje i podršku. Poslanik ﷺ nam predočava živu sliku iz koje možemo nazrijeti Allahovu ﷻ milost prema ljudima. Vladar pravovjernih Omer ibn Hattab ؓ govori: "Prispjeli su Poslaniku ﷺ zarobljenici. Ženi koja je bila među zarobljenicima teklo je mlijeko iz prsa i ona je, žureći, tražila svoje odojče. Našla ga je među zarobljenima, uzela ga u naručje, prilijepila uza se i podojila ga. Poslanik ﷺ na to reče: 'Mislite li da bi ona bacila svoje dijete u vatru?' Odgovorili smo: 'Ne, ne bi ga bacila dok bi bila u stanju čuvati ga i štiti.' Poslanik ﷺ reče: 'Allah je zasigurno milostiviji prema svojim robovima nego ona prema svom djetetu.'"

Ta žena je pala u zarobljeništvo. Bila je tužna i slomljena. Bila je gospodarica u svom domu i svojoj porodici. Uživala je u slobodi koju su osigurali muškarci iz njenog plemena i bila poštovana u kući svoga muža. Zarobljeništvo ju je pretvorilo u ropkinju i sluškinju. U takvom psihičkom stanju čovjek zaboravlja sve oko sebe od boli koja mu razjeda srce. Međutim, sve to je nije odvratilo od brige za zjenicu oka svoga. Uporno je tragala i trudila se sve dok ga nije ugledala. Pružila mu je topao zagrljaj i savila ga na majčinske grudi. Takva žena ne bi dozvolila da i najmanje zlo naudi njenom djetetu i bez razmišljanja bi se žrtvovala za njega.

**Zrak: Ružan jezik više šteti svom vlasniku nego drugim ljudima.**

*Školjka: Prije spavanja zatraži oprost za sebe i druge muslimane.*



*Bljesak: Zahvalnost je štit od srdžbe*

**Osmi merdžan: Svijet je lijep, a tu  
ljepotu vide samo optimisti**

*Allah te blagoslovio, svjetiljko upute,  
sve što postoji tvojem dolasku se raduje.*

Kada te zima zatvori u kuću i led te opkoli sa svih strana, očekuj dolazak proljeća i otvori prozore svježem zraku. Pogledaj u daljinu i vidjet ćeš jata ptica koje su se vratile da pjevaju. Vidjet ćeš sunce kako svojim zlatnim zracima obasipa grane drveća kako bi ti izgradilo novi život, novi san i novo srce.

Nemoj putovati u pustinju u potrazi za lijepim drvećem. Tamo ćeš pronaći samo zvijeri. Pogledaj stotine stabala pod čijim se hladom nalaziš. Uživaj u njihovim plodovima i oslušuj šum listova.

Ne pokušavaj vratiti jučerašnji račun i ono što si izgubila. Kada listovi života otpadnu, ne mogu se više vratiti. Novi listovi će porasti s novim proljećem. Zato gledaj u lišće koje zaklanja nebo, a ne ono koje je palo na zemlju, jer je ono već postalo dio nje.

Ako je jučerašnji dan izgubljen, pred tobom se nalazi današnji. A ako su današnji listovi otpali, pred tobom je sutra. Ne tuguj za jučerašnjim danom, zato što se neće vratiti. Ne žali za današnjim, jer on već ide. Sanjaj o sjajnom suncu u sutrašnjem, lijepom danu.

**Zrak: Ne može se izmjeriti opasnost bolesti  
koje uzrokuju uvrjednjlive riječi.**

*Školjka: Pretvori svoju kuću u mihrab zikra i naučnu dvoranu.*





Bljesak: *Žene su sestre ljudima.*

## **Deveti merdžan: Sjeti se Allaha kad si u obilju, Allah će te se sjetiti kad si u oskudici**

*Čovječe bez nade, umri prije smrti.*

*Ako želiš živjeti, nadaj se.*

Junus je osjetio tjeskobu u utrobi kita – u toj mrkloj tmini, u morskoj dubini, u tami utrobe kita i tami noći. Grudi su mu se stegnule, brige uskovitlale i muke pojačale. Obratio se Allahu Uzvišenom, spasitelju nesretnih, utočištu mučenih, Milostivom, koji pokajanja prima... Uputio Mu je riječi poput rubina i bisera:

﴿فَنَادَى فِي الظُّلُمَاتِ أَن لَّا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ﴾

*"...u tminama zavapi: 'Nema boga, osim Tebe, hvaljen neka si! a ja sam se zaista ogriješio prema sebi!'"*

Odgovor je uslijedio brzo. Uzvišeni kaže:

﴿فَاسْتَجَبْنَا لَهُ وَنَجَّيْنَاهُ مِنَ الْغَمِّ وَكَذَلِكَ نُنْجِي الْمُؤْمِنِينَ﴾

*"Odazvasmo (se) i tegobe ga spasismo. Eto, tako Mi spašavamo vjernike."*

Uzvišeni je nadahnuo kita da ga, ionako bolnog, izbaci na jedno pusto mjesto. Junus se zateturao bolestan, iscrpljen i slab. Tu je naišao na Allahovu pažnju i milost. Allah je učinio da iznad njega iznikne vriježa tikve, koja mu je povratila snagu. Život mu se ponovo vratio. Ovo dokazuje da onaj ko se sjeti Allaha u obilju, On će se njega sjetiti u oskudici.

**Zrak: Nećeš uspješno upravljati sobom sve dok ne budeš uspješno upravljala svojim životom.**

*Školjka: Vlastiti grijesi neka te okupiraju, a ne grijesi tvoje susjede.*

*Bljesak: Siromah je čovjek bez žene.*

## **Deseti merdžan: Najveći vjenčani dar na svijetu**

*Budi nježnija od povjetarca  
i veličanstvenija od nebeskih sazviježda.*

Ebu Talha je tražio ruku Ummu Sulejme, Milhanove kćerke. Ponudio joj je veoma visok mehr. Međutim, njen odgovor ga je zaprepastio i zanijemio – ona je svo ponuđeno blago kategorično odbila i rekla: "Ne želim se udati za idolopoklonika. Znaš li, Ebu Talha, da vašeg boga izrađuje rob te i te porodice. Kada biste im prinijeli vatru, oni bi se zapalili!"

Ebu Talha osjeti veliku tjeskobu i vrati se s osjećajem nevjerice zbog onoga što je čuo i vidio. Međutim, zbog svoje iskrene ljubavi, vratio se narednog dana, nudeći joj još viši mehr i luksuzan život. Nadao se da će je to oraspoložiti i smekšati. Međutim, ona mu krajnje uljudno reče: "Čovjek kao ti se ne odbija, Ebu Talha. Ali ti si nevjernik, a ja sam muslimanka i ne mogu se udati za tebe." On reče: "Ti ne trebaš brinuti o tome." – "O čemu ću brinuti" – upita ga ona. "O zlatu i srebru." – "Ja ne želim zlato i srebro. Želim da prihvatiš islam." – "Ko mi u tome može pomoći" – upita Talha. "Obrati se Božijem Poslaniku ﷺ" On krenu i zateče Poslanika ﷺ kako sjedi s ashabima. Kada ga Alejhisselam vidje, kaza: "Dolazi vam Ebu Talha sa islamom u očima." On priđe, ispriča šta mu je Ummu Sulejm tražila i Poslanik ﷺ ih vjenča na tome.

Ova žena je simbol svih onih koje streme ka idealima i visokim vrlinama. Pogledaj kako je svojim lijepim ponašanjem ispisala redove časti i vjerovanja. I pogledaj kakvu će ona imati nagradu kod Uzvišenog Suca. Odbila je lijepe i slatke komplimente i zaslužila veliku i blagoslovljenu nagradu. Bila je iskrena sa svojim Gospodarom, prema samom sebi i sa drugim ljudima. A: "Ovo je Dan u kojem će iskrenima od koristi iskrenost njihova biti." Neka im bude ugodno u Džennetu, neka im je prijatna vječnost i neka uživaju u blagodatima.

**Zrak: Moraš se osmjehivati ako želiš da se drugi tebi osmjejuju.**

*Školjka: Kada si srdita, šuti, jer ljutnja opija.*








# *Dijamanti*

Kada bi se žena od glave do pete okitila dijamantima, to ne bi ništa značilo ako nije obukla odjeću bogobojznosti. Jer, lijep nakit ne može uljepšati lošu dušu, okititi unakažen duh ili uzdići niske porive. Zato vodi računa o ukrasima vjere, čestitosti i staloženosti. Oni su vredniji od ovosvjetskih ukrasa i nakita.







**Bljesak:** Strpljivo podnesi ono što te zadesi!

### **Prvi dijamant: Ključevi pobjede**

*Svijet na kome se čas smijemo,  
a čas plaćemo – kako ružan svijet!*

- Ključ slave: pokornost Allahu i Njegovom Poslaniku ﷺ.
- Ključ opskrbe: zalaganje, uz traženje oprosta i bogobojaznost.
- Ključ Dženneta: jedinstvo Allaha.
- Ključ imana: razmišljanje o Allahovim znamenjima i stvorenjima.
- Ključ duhovnog srca: razmišljanje o Kur'anu, pokornost u praskozorja i napuštanje grijeha.
- Ključ znanja: umijeće pitanja i umijeće slušanja.
- Ključ pobjede i trijumfa: strpljenje.
- Ključ spasa: bogobojaznost.
- Ključ uvećanja: zahvalnost.
- Ključ želje za Ahiretom: odricanje na ovom svijetu.
- Ključ uslišenja: dova.

**Zrak: Čovjekov osmi Jeh je zrak sunca**

*Školjka: Čuvaj se bestidnosti, kako bi izbjegla nevolje.*

*Bljesak: Gospodaru naš, daruj nam Svoju milost*

## **Drugi dijamant: Napor povećava ukus pobjede**

*Tješi se u brigama, jer ništa vječno  
nije, a ni tvoje brige vječno ne traju*

Nakon provedenog medenog mjeseca, jedna mlada je pisala majci: "Majko, danas, nakon medenog mjeseca, vratila sam se kući, malom gnijezdu koje je moj muž pripremio... Željela sam da budeš blizu mene, majko, da ti ispričam sva svoja iskustva u novom životu sa suprugom. On je dobar čovjek i voli me. I ja njega, također, volim. Radim sve kako bih ga odobrovoljila. Budi uvjerena, majko, da ja pamtim sve tvoje savjete i primjenjujem sve tvoje preporuke. Sjećam se svake riječi... Svakog slova koje si mi rekla i šapnula u uho dok si me grlila i mazila u svadbenoj večeri.

Posmatram život iz tvojeg ugla, ti si moj ideal. Jedini moj cilj je da postupam kao što si ti postupala s mojim dobrim ocem i s nama, djecom. Pružila si nam svu ljubav i toplinu. Podučila si nas smislu života i kako da živimo. Posijala si ljubav u našim srcima.

Čujem ključ u vratima. Sigurno je moj muž. On želi pročitati pismo koje ti šaljem i želi znati šta pišem tebi – svojoj majci. Želi se uključiti u sretne trenutke koje provodim s tobom u duši i mislima. On traži da mu prepustim olovku da ti napiše nekoliko riječi. Ljubim te, majko i ljubim baba i braću. Allahemanet."

**Zrak: Osmijeh ništa ne košta, ali mnogo daje.**

*Školjka: Sjedenje sa besposličarkama je ubijanje najboljeg vremena.*





*Bljesak: Gospodaru naš, primi od nas, jer  
Ti, uistinu, sve čuješ i sve znaš*

### **Treći dijamant: Briga mrcvari um i tijelo**

*Reče: – Život je naporan – i natmuri se;  
rekoh mu: – Dovoljno je što je nebo tmurno.*

Najgora specifičnost brige (anksioznosti) je to što u tom stanju čovjek gubi moć koncentracije. Kada smo zabrinuti, misli su nam rastrojene. Međutim, ako primamo sebe na suočavanje sa najgorom situacijom, bit ćemo u mogućnosti da se fokusiramo na srž problema.

Nije moguće revnosno pristupiti nekom poslu i istovremeno biti zabrinut, zato što jedan osjećaj isključuje drugi.

Ako osjetiš da će te obuzeti zabrinutost, prisjeti se najteže situacije kojoj si bila izložena u prošlosti. Na taj način ćeš doživjeti dva potresa umjesto jednog. Prevladat će onaj teži, koji se desio u prošlosti nad tim trenu-tnim. Tada će čovjek reći: "Ništa ne može biti gore od krize koja se desila u prošlosti, a koju sam, ipak, uspješno prebrodilo." A ako si ti prebrodila i prevazišla tu prijašnju krizu, sadašnji problem će biti minoran.

Briga će te najlakše zaposjednuti kada nisi aktivna i kada si slobodna. Tada mašta sakuplja i kombinira sve mogućnosti. Zato brige možeš izbjeći ozbiljnim radom.

**Zrak: Beznačajne stvari mogu najmudrije  
ljude dovesti na ivicu ludila!**

*Školjka: Otvori vrata nade i slijedi put rada.*



*Bljesak: Život se sastoji od minuta i sekundi*

**Četvrti dijamant: Tvoj omiljeni  
posao tajna je tvoje sreće**

*Istrajan budi u teškim danima,  
proći će, a strpljivost je čast.*

Genija nezadrživo privlači posao za koji ga je Allah stvorio i za koji je talentiran. Poriv da se njime bavi je ne-savladiv. I onda kada mu taj posao ne donosi pravu dobit, on jedino u njemu nalazi sreću i zadovoljstvo.

Koliko god prepreke u tom poslu bile velike, i nade u zaradu i uspjeh male; koliko se god okretao za sobom i pomišljao da se posveti nekom drugom, unosnijem zanimanju; koliko god se žalio na siromaštvo – na drugoj strani, taj posao mu pruža zadovoljstvo i omogućava mu da na pravi način iskaže svoje sposobnosti.

**Zrak: Čovjekova sreća je u "riječi" koja izlazi iz ženinih usta.**

*Školjka: Koliko lijepih žena je živjelo do sada? Ljepota je prošla, a djela se pamte!*



*Bljesak: I koji me, kada se razbolim, liječi*

### **Peti dijamant: Snaga je u srcu, ne u tijelu**

*Za svaku priliku ja sam pripremljen;  
ako je loša – trpim, a ako je dobra – zahvaljujem*

Jedna kršćanka je znala samo za siromaštvo, glad i bolest. Ubrzo nakon udaje umro joj je muž. Ponovo se udala, ali je drugi muž pobjegao s ljubavnicom. Ubrzo su ga pronašli mrtvog u nekom bijednom stanu. Imala je jedno dijete, ali je bila primorana odreći ga se u njegovoj četvrtoj godini zbog siromaštva i bolesti.

Prijeloman trenutak u njenom životu desio se kada se, hodajući gradom, okliznula o led i pala onesvijestivši se. Kičma joj je bila teško povrijeđena. Ljekari su predviđali da će ili umrijeti brzo ili doživotno ostati stopostotni invalid.

Dok je ležala u bolesničkoj postelji, otvorila je Sveto pismo i Bog ju je uputio – prema njenim riječima – na Matejevo Evanđelje: "Reče tada (Isa عليه السلام – prim. a.) uzetome: ustani, podigni svoju postelju i idi kući svojoj. I ustaviši, ode kući svojoj."

Te riječi su joj ulile jaku vjeru i unutrašnji polet, tako da je ustala sa postelje i počela hodati po sobi! Ovo iskustvo je paraliziranoj ženi omogućilo da izliječi sebe i prenese zdravlje i na druge.

Dejl Karnegi kaže: "Zahvaljujući tom iskustvu, Marija Bejker postala je propagator nove vjere, vjerovatno jedine čiji je osnivač žena!"

**A ti, muslimanko, kako se ponašaš?**

**Zrak: Najsigurnija tvrdava je dobra žena.**

Školjka: *Stanovnice dvorca, sjeti se siromašnih u kolibama!*










Bljesak: **Zadovoljstvo je neiscrpna riznica.**



### **Šesti dijamant: Velika žena paklene muke pretvara u raj**


*Posljedice nejadanja su lijepe;  
dostojanstvo je najbolja osobina ljudi.*

Plemenita sahabijka Ummu Sulejm, žena Ebu Talhe , predstavlja divan primjer strpljivosti kod gubitka djeteta. Allah ju je dobro nagradio za tu strpljivost.

Enes ibn Malik  pripovijeda: "Sin Ebu Talhe bio je bolestan i preseli na Ahiret dok je Ebu Talha bio izvan kuće. Kada je to njegova žena vidjela, našla je neku tkaniću, pokrila dijete i smjestila ga u jedan kraj kuće. Nakon određenog vremena, Ebu Talha dođe i upita kako je dijete. Ummu Sulejm, oličenje strpljivosti, reče: 'Umirio se. Nadam se da se odmorio.' Ebu Talha shvati iz ovoga da mu je sin živ. Spavao je sa suprugom i ujutro se okupao. Kada je htio izaći, ona ga obavijesti da mu je sin umro. Kasnije, nakon klanjanja dženaze, rekao je Poslaniku  šta se desilo između njih dvoje. Božiji Poslanik  mu reče: 'Allah će vam dati berićeta u toj noći.' Kada je Sulejm ponovo rodila sina, Ebu Talha reče: 'Ondesi ga Poslaniku ', te mu posla nekoliko hurmi. Poslanik  upita: "Imate li što?" – "Imamo hurme" – odgovori Sulejm. "Poslanik  uze jednu hurmu, sažvaka je i stavi djetetu u usta. Protrljao mu je hurmom nepce i dao mu ime Abdullah."

**Zrak: Ženu ništa ne čini vrijednom kao čednost.**

Školjka: *Nema beznađa i straha ako se Allah moli.*



*Bljesak: Obraduj noć pravom zorom.*

### **Sedmi dijamant: Strpljiva budi da bi pobijedila**

*Strpljivo podnosi slast i gorčinu vremena,  
jer navika strpljivosti rađa razboritost*

Prenosi se da je Ummu Rebi, Beraova kćerka, inače majka Harise ibn Surake, koji je poginuo na Bedru, došla kod Poslanika ﷺ i zatražila da joj o njenom sinu ispriča nešto što će je usrećiti. "Allahov Poslaniče, kaži mi nešto o Harisi. Ako je u Džennetu, bit ću strpljiva, a ako nije, žestoko ću ga oplakivati." Alejhisselam joj reče: "Ummu Harisa, u Džennetu postoje nivoi, a tvoj sin je na najvišem – Firdevsu."

Gubitak djeteta je razorno bolan. Kida utrobu i razjeda džigericu. Ova žena je pitala Poslanika ﷺ hoće li joj sin biti u Džennetu, da bi ga susrela, uz Božiju volju. Ta strpljivost će i njemu i njoj donijeti viši stepen u Džennetu. A da nije zaslužio Džennet, ona bi ga oplakivala kao dragu osobu koju zauvijek gubi. Ipak, odlazak svog sina u Džennet može podnijeti. Ona je uciviljena majka, milostiva, sažaljiva, strpljiva i u nagradu uvjerena.

**Zrak: Ako je lijepa žena dragulj, idealna žena je riznica.**

*Školjka: Čitaj svojoj porodici svakoga dana po jedan hadis iz Rijadus-salihina.*



Bljesak: **Žena je sunce koje ne zalazi.**

**Osmi dijamant: U teškoćama imamo  
jedino Uzvišenog Allaha**

*Budi vedar, iako je život gorak,  
i budi zadovoljan, pa makar svi bili ljuti.*

Kada nastupi briga, zavlada jad, pooštiri se nesreća i nezgoda, kada izlaza nema i kada ništa ne pomaže, diže se glas: "Allahu, Allahu..."

**"Nema boga osim Allaha, Velikog, Blagog. Nema boga osim Allaha, Gospodara Arša, Velikog. Nema boga osim Allaha, Gospodara nebesa, Gospodara Zemlje, Gospodara Arša, Plemenitog."** Briga nestaje, jad se ublažava i teškoće prestaju:

*"Odazvasmo i tegobe ga spasismo; eto, tako Mi spašavamo vjernike"*

*"Od Allaha je svaka blagodät koju uživate, a čim vas nevolja kakva zadesi, opet od njega glasno pomoć tražite"*

A kada bolest obori čovjeka, iscrpi mu tijelo, oduzme boju lica, umanji nadu u izlječenje, zbuni liječnike, odbije lijekove, oteža dah, kada počnu drhtati ruke i srce lupati, bolesnik se baca i počne dozivati Uzvišenog: "Al-lahu, Allahu..." Tada se bolest povlači i zdravlje dovlači. Čuje se dova: "I Ejjubu se, kada je Gospodaru svome zavapio: 'Mene je nevolja snašla, a Ti si od milostivih najmilostiviji!'"

**Zrak: Najbolje što čovjek može imati jeste vjerna žena.**

Školjka: *Klanjaj skrušeno. Sve što te čeka manje je važno od namaza.*





Bljesak: **Nježno sa staklenkama**

**Deveti dijamant: Onaj koji se nevoljniku,  
kad mu se obrati, odaziva**

*Ne budi uznemiren u krizi.*

*Što je jača, nek' i tvoja nada bude jača!*

Zbog neizmjerne velikodušnosti, Allah neće iznevjeriti onoga ko Ga moli, neće zanemariti onoga ko Mu dovu čini. Kakva bude čovjekova potreba, poniznost i traženje utočišta kod Allaha, takvo će biti uslišenje i olakšanje i tako će dova biti primljena. Štaviše, Njegova velikodušnost ide dotle da uslišava molitve nemuslimana koji Mu se ponizno obrate, zatraže utočište kod Njega i predaju Mu se, uvjereni u Njegovu blagost i velikodušnost. On njihovim molitvama udovoljava; otklanja im tegobe kako bi postali vjernici. Međutim, mnogi ljudi kada sve to prođe zaboravljaju učinjeno dobro, negiraju lijepo i izražavaju nezahvalnost. Uzvišeni kaže:

*"Kad se u lađe ukrcaju, iskreno se mole Allahu, a kad ih On do kopna dovede, odjednom druge Njemu ravnim smatraju."*

Činjenica da Allah iz nevolje izbavlja i teškoće uklanja govori o Njegovoj božanskoj prirodi i dokazuje Njegovu jedinstvo. Međutim, malo ljudi je toga svjesno:

*"Onaj koji se nevoljniku, kad mu se obrati, odaziva, i koji zlo otklanja i koji vas na Zemlji namjesnicima postavlja. – Zar pored Allaha postoji drugi bog? Kako nikako pouku vi da primite!"*

**Zrak: Žena treba što više boraviti u kući,  
zato što je nježna i lomljiva.**

*Školjka: Kur'an je uvijek ječao neke žene zbog lijepog ponašanja  
i obilježio druge zbog pokvarene duše.*



Bljesak: **Nemoj zlostavljati druge, jer je to dokaz razočarenja.**

**Deseti dijamant: A ko škrtari,  
na svoju štetu škrtari**

*Budi sjajna poput zvijezde i ne  
plaši se briga niti tmina*

Postoji izuzetna priča o Umme el-Benin bint Abdulaziz, sestri Omera ibn Abdulaziza. Bila je velikodušna i zvala je druge žene u svoju kuću. Poklanjala im je lijepu odjeću i davala im novac. Govorila je: "Odjeća je za vas, a novac podijelite vašim siromasima." Na taj način htjela ih je navići na dobročinstvo i darežljivost. Prenosi se da je govorila: "Grozna je škrtost. Tako mi Allaha, da je to određena odjeća – ne bih je oblačila, i da je određeni put – ne bih njime išla."

Ostala je upamćena i njena izreka o velikodušnosti: "Svako žudi za nečim, a ja žudim za darovanjem i davanjem. Tako mi Allaha, pokloni i solidarnost draži su mi nego dobro jelo kada sam gladna i hladno piće kada sam žedna."

Jako je voljela pomagati drugima i pravilno raspoređivati novac. Govorila je, Allah joj se smilovao: "Zavidjela sam samo onome ko čini dobro i poželjela bih da mu se pridružim u tome."

To je Umme el-Benin, njene riječi i postupci. Gdje su danas ovakve žene?

**Zrak: U Iskorjenjivanju sebičnosti krije se Istinska sreća.**

Školjka: *Posveti svakoga dana četvrt sata razmišljanju o sudbini i posljednjem danu.*



# *Brilijanti*

Ovaj svijet je toliko banalan, da su ropkinje koje su kupljene na tržnici u dobu luksuza i rasipanja dobile gomile briljanata. S druge strane, dobre sahabijke su živjele u zemljanim sobama, na ležajima od palminog lišća. Imale su samo kore hljeba i suhe hurme! Bezvrijedan je dunjaluk koji ne poštuje vrijednosti i ne razlikuje skupocjeno od jeftinog... Teško duši koja ne razlikuje istinu od neistine.







*Bljesak: Samo oni koji budu strpljivi bit će bez računa nagrađeni*

## **Prvi brilijant: Ti si muslimanka, ne Istočnjakinja ili Zapadnjakinja**

*Možda će doći olakšanje, možda,  
sebe tješimo sa "možda"*

Ovo su savjeti Njemice muslimanke:

"Nemoj se zavaravati ideologijom i modom Zapada. To je sve varka kojom nas oni žele postepeno udaljiti od naše vjere, kako bi uzurpirali naše imetke.

Islam i njegov porodični sistem je ono što odgovara ženi, zato što je njoj u prirodi da boravi u kući. Vi ćete pitati: 'A zašto?'

Zato što je Allah stvorio čovjeka da bude jači, izdržljiviji, inteligentniji i snažniji. Žena je, s druge strane, osjećajna. Ne posjeduje tjelesnu snagu poput čovjeka. Ona je nestabilne prirode i zato je kuća za nju bolja. Žena koja voli svojeg supruga i djecu ne napušta kuću bez potrebe i nikako se ne miješa s muškarcima. 99% žena na Zapadu se ovako srozalo tek kada su se prodale i prestale bojati Boga.

Ovolika masovna zaposlenost žene na Zapadu primorala je muškarca da zauzme ženino mjesto. Tako on sada sjedi u kući, pere sudove, čuva djecu i pije alkohol. Ja znam da islam ne zabranjuje muškarcu da pomogne ženi u kući. Štaviše, islam podstiče na to. Međutim, to pomaganje se ne smije pretvoriti u promjenu uloga.

**Zrak: Budi lijep i sve će ti biti lijepo.**

*Skoljka: Blago onoj koja spušta pogled i čuva čast.*



*Bljesak: I sve što je dobro Mi ćemo tebi dostupnim učiniti*

## **Drugi brilijant: Zaboravi brige i posveti se poslu**

*Uzdamo se u Milostivog, jer je u  
uzdanju u Njega spas.*

Nakon što preduzmeš sve kako bi riješila neki problem, zanimaj se nekim hobiem, čitanjem ili poslom. To "zanimanje", u ovom slučaju, zauzima mjesto briga. Allah nijednom čovjeku dva srca u njedrima njegovim nije dao. Uzmimo, na primjer, da je problem djetetova bolest. Roditelj (otac ili majka) će učiniti sve neophodno oko liječenja djeteta, a nakon toga će se posvetiti onome što će ga zanimati i koristiti mu.

Poželjno je da čovjek, dok je u vrtlogu problema, razmišlja o teškim problemima koje je doživio u prošlosti, naročito o onim koji su bili teži. Allah mu je tada pomogao da ih riješi i pomisao na njih mu sada samo može izmamiti osmeh na licu i osjećaj samopouzdanja. Kada se sjeti toga, čovjek će postati svjestan da će aktuelni problem također proći, Allahovom voljom i postati prošlost.

Treba tražiti pozitivne strane problema i biti svjestan da je situacija mogla biti mnogo lošija i negativnija. Ibn Dževzi o ovoj temi kaže: "Koga zadesi neka nesreća, neka zamisli najgoru moguću soluciju, bit će mu lakše. Ne treba zaboraviti nagradu koja ga čeka zbog strpljivosti u toj nesreći. Kada zamisli da mu se moglo desiti nešto mnogo gore, osjetit će da je na dobiti u svojoj nesreći. Teškoća će ubrzo proći, a da nije nesreća, čovjek ne bi znao šta je rahatluk."

**Zrak: Jedan mudrac kaže: "Nikada se nisam kajao ako nešto nisam rekao, a mnogo puta sam se kajao za nešto što sam rekao."**

*Školjka: Nije sramota pogriješiti, pa se pokajati. Sramota je ustrajavati u griješenju.*





*Bljesak: Gospodaru naš, ne dopusti srcima našim da skrenu, kada si nam već na pravi put ukazao*

### **Treći brilijant: Stvari koje te čine sretnom**

*Kada ti uputim lošu kritiku,  
time tvrdim da sam savršen*

Pohlepa i gramzivost su pogubni. Mogu se liječiti na slijedeći način:

1 – Umjereni život i oprezno trošenje. Ko puno troši, neće biti zadovoljan onim što ima, već će biti pohlepan i gramziv. Odmjereno trošenje je osnova zadovoljstva – kao što se navodi u jednom predanju: "Planiranje je pola života."

2 – Nemoj puno brinuti o budućnosti. Ne očekuj puno od života i budi uvjerena da će opskrba koja ti je određena neminovno stići.

3 – Bogobojaznost. Uzvišeni Allah kaže: "...a onome koji se Allaha boji, On će izlaz naći i opskrbiti čega odakle se i ne nada"

4 – Spoznaja da zadovoljstvo vodi neovisnosti od ljudi, a da pohlepa vodi u poniženje.

5 – Što više razmišljaj o poslanicima i vjerovjesnicima – njihovom zadovoljstvu, skromnom životu i težnjom ka dobrim djelima koja vječno ostaju. Neka ti oni budu uzor.

6 – Ugledaj se na one koji su lošijeg materijalnog stanja od tebe.

**Zrak: Pametan čovjek se uzda u pamet; ne gubi nadu ni u kojem stanju i ne prestaje razmišljati i truditi se.**

*Školjka: Budi ozbiljna prema Allahu, pa će On biti ozbiljan prema tebi.*

*Slijedi svog Poslanika ﷺ, kako bi se on zauzimao za tebe.*



*Bljesak: Allah, doista, štiti vjernike*

### **Četvrti brilijant: Veži se za Allaha onda kada se sve veze pokidaju**

*Da nije teškoća, svi bi gospoda bili;  
darežljivost košta, a hrabrost ubija.*

Dobročinstvo i vjera donose lijep život na Zemlji. Taj život ne mora biti luksuzan, ugodan i bogat, jer od toga ne zavisi sreća.

Međutim, postoji mnogo stvari pored novca koje mogu uljepšati život, ukoliko im se na adekvatan način pristupi:

- povezanost s Allahom, povjerenje u Njega, Njegovu zaštitu i zadovoljstvo;
- zdrav život, smirenost, zadovoljstvo, berićet, život u kući i ljubav prema drugima;
- radovanje dobrim djelima, u kojima nalaziš zadovoljstvo.

Imetak je samo jedan od elemenata čiji je segment dovoljan da srce dosegne do onoga što je vrednije i dugotrajnije kod Allaha.

**Zrak: Potvrđeno Je pravilo da veliki ljudi svoju veličinu nasljeđuju od svojih majki.**

*Školjka: Stavi mushaf pored glave, jer je bolje proučiti  
jedan ajet nego imati čitav svijet.*



Bljesak: Nema boga osim Allaha

## Peti brilijant: Niko nije sretniji od vjernika

*Olakšaj sebi probleme  
i budi strpljiv u gorčini*

Čitao sam biografije mnogih bogataša i velikana kojima je nedostajala vjera u Uzvišenog Boga. Njihovi životi su nesretno završavali. Budućnost im je bila prokleta, a sjaj se pretvorio u poniženje. Gdje su oni sada? Gdje je imetak koji su sakupili i bogatstvo koje su nagomilali? Gdje su im dvori i vile? **Sve je nestalo!** Neki od njih su izvršili samoubojstvo, neki su poginuli, neki zatvoreni, a neki su dovedeni pred sud kako bi odgovarali za grijehe, zločine i manipulaciju drugima. Završili su kao najnesretniji ljudi, misleći da novcem mogu kupiti sve – sreću, ljubav, zdravlje, mladost... Potom su shvatili da se prava sreća, ljubav, zdravlje i mladost ne mogu kupiti novcem! Da, mogu kupiti imaginarnu sreću, lažnu ljubav, prividno zdravlje. Međutim, sav novac ovog svijeta ne može kupiti srce, posijati ljubav ili stvoriti blaženstvo.

**Niko nije sretniji od onih koji vjeruju u Boga** – zato što oni slijede svjetlo Gospodara svoga; rade ono što je Allah naredio i izbjegavaju ono što je zabranio. Poslušaj kako ih Kur'an opisuje:

*"Onome ko čini dobro, bio muškarac ili žena, a vjernik je, Mi ćemo dati da proživi lijep život i, doista, ćemo ih nagraditi boljom nagradom nego što su zaslužili."*

**Zrak: Nije sretan onaj koji ne želi biti sretan.**

*Školjka: U teškim situacijama uz tebe je samo Allah i samo te On izbavlja iz nevolja.*









*Bljesak: Sve se odvija po sudu i odredbi*

### **Šesti brilijant: Živi bez rasipanja i traćenja**


*Prijatelju moj, tako mi Allaha, nijedna teškoća  
vječna nije, ma koliko velika bila.*

Muslimanka priprema trpezu prema potrebi. Ona ne rasipa, već pažljivo planira. Uzor joj je majka vjernikā Aiša  koja kaže: "Na trpezi Božijeg Poslanika  nije ostajalo ni malo niti puno ječmenog hljeba."

U drugom predanju se kaže: "Nikada pred Božijim Poslanikom  nije podignuta sofa a da je na njoj ostalo nešto hrane."

Islam zabranjuje i u rasipanje ubraja upotrebu zlatnog i srebrnog posuđa i čaša. Ummu Seleme prenosi da je Božiji Poslanik  rekao: "Onaj ko pije iz srebrene posude u svoj stomak stavlja džehennemsku vatru."

U Muslimovoj verziji stoji: "Onaj ko jede ili pije iz zlatnih ili srebrnih posuda u svoj stomak stavlja džehennemsku vatru."

Islam je mudro propisao ovo pravilo. To je pretjerivanje i luksuz. Islam traži od svojih sljedbenika da budu umjereni i da ne pretjeruju. Božiji Poslanik  je Muazu ibn Džebelu na polasku u Jemen rekao: "Čuvaj se pretjeranoga uživanja, jer pravi Allahovi robovi nisu oni koji pretjerano uživaju."

**Zrak: Kada prestaneš gledati u svoj unutrašnji  
jad, postat ćeš bogata.**

*Školjka: Uskladi svoj odnos s Allahom tako što ćeš izvršavati  
Njegove naredbe i kloniti se Njegovih zabrana.*



*Bljesak: Budi daleko od kritika*

## **Sedmi brilijant: Dobročinstvo čini prostranim prsa**

*Kada nemamo izlaza, niti vrata,  
Allah nam otvara puteve.*

Aiša ﷺ prenosi:

"Došla mi je neka žena s dvije kćerke tražeći da joj nešto dam. Nisam imala ništa drugo do jedne hurme. Dala sam joj hurmu, pa ju je ona raspolovila kćerkama, a sebi ništa nije ostavila. Potom je ustala i otišla. Zatim je ušao Poslanik ﷺ pa sam mu to ispričala. Rekao je: 'Ko bude iskušan ženskom djecom, pa se lijepo bude ophodio prema njima, bit će mu brana od vatre.'"

Ummu Seleme ﷺ pitala je Božijeg Poslanika ﷺ da li treba hraniti svoje sinove: "Imam li nagradu zato što trošim na sinove Ebu Seleme. Ja ih ne mogu ostaviti tek tako... Oni su moja djeca."

Ona potvrđuje da ih neće ostaviti i prije nego što joj je Božiji Poslanik ﷺ odgovorio. Priroda je brže dala odgovor.

Islam je faktor koji podstiče na dobročinstvo, milosrđe i uvezivanje sa bližnjima. Naša vjera usađuje milost i ljubav u društvo, kako bi mladi bili dobri.

**Zrak: Osjećaj se sretnom... Tu je prava sreća.**

*Skoljka: Život je lijep, a tisi, sa svojom vjerom, ponašanjem i stidom ljepša od života.*

*Bljesak: Žena je mirisni cvijet i cvrkutavi slavuj.*



## **Osmi brilijant: Allah nas iz svake nevolje izbavlja**

*Bože, neka most među nama izgrađen bude,  
makar bio porušen sa svima drugima*

Kada avionu koji visoko leti komande otkažu i pojavi se kvar, putnike hvata panika, diže se galama, muškarci viču, žene plaču, djeca su prestravljena, javlja se užas, zavlada očaj i strah... Svi se mole i viču: "Bože, Bože, Bože..." Tada Njegova milost dolazi i blagost se spušta. Srca se smiruju, duše umiruju i avion se sigurno spušta.


Kada se iskomplikuje porođaj, pojavi se opasnost po dijete, dovede se život majke u pitanje i smrt postane izvjesna, žena se obraća Onome ko tegobe olakšava i želje ispunjava: "Bože, Bože..." Njene muke prestaju i dijete se zdravo rađa.

Kada se naučniku pojavi problem, iskrсне mu nerješivo pitanje. Kada ne zna šta je ispravno i kako da dā odgovor, spušta čelo na zemlju i zajeca: "Bože, Bože..." Učitelju Ibrahimov, poduči me; Ti, koji si Sulejmanu pronicljivost dao, daj je i meni: "Allahu moj, Gospodaru Džibrila, Mikaila i Israfila, Oblikovatelju nebesa i Zemlje, Poznavocu tajnog i javnog, Ti presuđuješ Svojim robovima o onome u čemu su se podvajali, uputi me, Tvojom dozvolom, na Istinu u onome oko čega su se (drugi) podvajali. Ti upućuješ koga hoćeš na Pravi put." Tada rješenje dolazi i problemi nestaju. Kako je Allah milostiv!

**Zrak: NaJsretniji čovjek je onaj koji donosi  
sreću najvećem broju ljudi.**

*Školjka: Suzbijaj prohtjeve pokornošću i besposlicu poslom.*





Bljesak: Allahu, smiluj se ženama

## Deveti brilijant: Čuvaj se nemarnosti!

*Ne gubi nadu u nesreći,  
jer će radost otjerati teškoću*

Čuvaj se nemarnosti. Ona se manifestuje kroz rasijanost od zikra, ostavljanje namaza, zapostavljanje Kur'a-na, napuštanje predavanja i korisnih lekcija. Zatim, srce postane nemilosrdno i zapečaćeno, tako da gubi osjećaj za lijepim i ružnim, ne razumije ništa od Allahove vjere. Čovjek postaje bezosjećajan, potišten, tmuran, jadan... To su posljedice nemarnosti na ovom svijetu, a šta tek predstoji na Ahiretu?!

Zato se čuvaj ovih simptoma nemarnosti. Tako ti Allaha, neka ti jezik bude vlažan od spominjanja Allaha – zikra, izgovaranja riječi *subhanallah, la ilahe illallah, Allahu ekber, elhamdu lillah, estagfirullah...* Zatim od blagosiljanja (donošenja salavata) na Njegovog Poslanika ﷺ. Čini to u svako vrijeme – dok stojiš, sjediš ili na boku ležiš. Tada će te sreća obasuti, jer je ona posljedica zikra: "...a srca se, doista, kad se Allah spomene, smiruju!"

**Zrak: Ne čekaj sreću da bi se osmjeivala, već se osmijehuj kako bi bila sretna!**

*Školjka: Ko poštuje druge – i njega će poštovati, ko nanosi štetu drugima – ponizit će ga.*



*Bljesak: Očekuj sreću, a ne nesreću*

## **Deseti brilijant: Osmjehni se životu**

*Sagradi od kolibe dvorac i nastani se  
u glinenoj kući, a ne u mermernom dvorcu.*

Kada se osmjehuješ dok ti je srce ispunjeno brigom, tako ćeš olakšati patnju i otvoriti sebi put ka izlazu... Nemoj se kolebati oko osmjehivanja. Tu se krije velika energija, koju ne smiješ potiskivati. Ako budeš krila osmijeh, bit ćeš zatočena u kavezu patnje i bola. Osmijeh ti ne može škoditi. Govori iz dubine duše, ima li šta ljepše od usana koje uz osmijeh govore?

Stevan Gzal kaže: "Osmijeh je društvena obaveza" – i u pravu je. Jer, ako se želiš uključiti u društveni život, moraš lijepo komunicirati s drugima. Znaj da društveni život zahtijeva poznavanje određenih sposobnosti. Umiće osmjehivanja mora biti zastupljeno kod svih. Tako, kada se osmjehuješ, ti prenosiš drugima ljepotu života, duh optimizma i daješ im najbolje nade. Međutim, ukoliko ljudima pokazuješ lice bez milosti, ti ih kažnjavaš i život zagorčavaš. I zašto da ti budeš razlog nečijeg neraspoloženja?!

**Zrak: Slava dolazi samo onima koji su uvijek o njoj sanjali.**

*Školjka: Trudi se da dospiješ u kuću u kojoj nema napora,  
neugodnosti – kod Vladara Svemoćnoga.*




# Epilog

## A sada...

Nakon što si pročitala ovu knjigu – odagnaj tugu, napusti brigu, iseli se iz kuće depresije i izađi iz šatora beznađa i frustracija. Dođi u hram imana, Kabu Allahove blizine, mjesto zadovoljstva Njegovim sudom i određenjem i započni novi – ali sretan život, nove – ali lijepe dane; život bez oklijevanja, brige i konfuzije; dane bez dosade, zamora i sičila... Kada te pozove glas vjere sa brda nade u dolinu zadovoljstva da te obrađuje, **Znaj da si ti najsretnija žena na svijetu!**







## Sadržaj

<i>Posveta</i> .....	4
<i>Predgovor</i> .....	5

## Dragulji

<i>Majko</i> .....	11
<i>Vjernica, a ne ateistkinja</i> .....	13
<i>Zlatne grane</i> .....	14
<i>Dobrodošla</i> .....	15
<i>Da</i> .....	16
<i>Ne</i> .....	17
<i>Ruže</i> .....	18
<i>Cvijeće</i> .....	19

## Medaljoni

<i>Prvi medaljon: Žena koja se usprotivila tiraniji</i> .....	23
<i>Drugi medaljon: Posjeduješ veliko bogatstvo blagodat</i> .....	24
<i>Treći medaljon: Dovoljna ti je čast to što si muslimanka</i> .....	25
<i>Četvrti medaljon: Nisu iste vjernica i nevjernica</i> .....	26
<i>Peti medaljon: Ljenost je drug neuspjeha</i> .....	27
<i>Šesti medaljon: Zbog toga što imaš, vrednija si od miliona žena</i> .....	28
<i>Sedmi medaljon: Sagradi sebi dvorac u Džennetu</i> .....	29
<i>Osmi medaljon: Ne cijepaj srce svojim rukama</i> .....	30
<i>Deveti medaljon: Ti sarađuješ sa Plemenitim, Darežljivim Gospodarem</i> .....	31
<i>Deseti medaljon: Ti si na dobiti u svakom slučaju</i> .....	32



## Ogrlice

<i>Prva ogrlica: Nabroj Allahove darove koje imaš</i>	35
<i>Druga ogrlica: Malo veselja, a ne puno tuge</i>	36
<i>Treća ogrlica: Gledaj u oblak, a ne u zemlju</i>	37
<i>Četvrta ogrlica: Koliba u vjeri, a ne dvorac u nevjeri</i>	38
<i>Peta ogrlica: Rasporedi vrijeme prema obavezama</i>	39
<i>Šesta ogrlica: Nas ne usrećuje ono što usrećuje vas</i>	40
<i>Sedma ogrlica: Ukrcaj se na lađu spasa</i>	41
<i>Osma ogrlica: Sedžda je ključ sreće</i>	42
<i>Deveta ogrlica: Starica koja daje primjer</i>	43
<i>Deseta ogrlica: Budi najdivnije stvorenje u kosmosu</i>	44


## Smaragdi

<i>Prvi smaragd: O postojana i uzvišena</i>	47
<i>Drugi smaragd: Prihvati blagodat i iskoristi ga</i>	48
<i>Treći smaragd: Sa traženjem oprostaj obilna opskrba</i>	49
<i>Četvrti smaragd: Dova otklanja nedaću</i>	50
<i>Peti smaragd: Izbjegavaj beznade i frustracije</i>	51
<i>Šesti smaragd: Tvoja kuća je kraljevstvo dragosti i ljubavi</i>	52
<i>Sedmi smaragd: Ti nemaš vremena za brbljanje!</i>	53
<i>Osmi smaragd: Budi čile duše, pa će te sve postojeće pozdravljati</i>	54
<i>Deveti smaragd: Niko nije dostigao sve što želi i doživio potpunu sreću</i>	55
<i>Deseti smaragd: Uđi u bašču spoznaje</i>	56

## Biseri

<i>Prvi biser: Sjeti se prolivenih suza i ranjenih srca</i>	59
<i>Drugi biser: Oni nisu sretni!</i>	60
<i>Treći biser: Put ka Allahu najbolji je put</i>	61
<i>Četvrti biser: Kada se putevi zatvore, obrati se Onome ko skriveno zna</i>	62





<i>Peti biser: Neka ti svaki dan bude novi život</i> .....	63
<i>Šesti biser: Žene su zvijezde na nebu i svjetlice u tmini</i> .....	64
<i>Sedmi biser: Smrt, a ne haram</i> .....	65
<i>Osmi biser: Ajeti i iluminacije</i> .....	66
<i>Deveti biser: Spoznaja Milostivog otklanja brige</i> .....	67
<i>Deseti biser: Beričetan dan</i> .....	68

## *Perle*

<i>Prva perla: Razborita žena znači sretan život</i> .....	71
<i>Druga perla: Živi samo za ovaj dan</i> .....	72
<i>Treća perla: Otjeraj osjećaj ugroženosti</i> .....	73
<i>Četvrta perla: Sladak li je teško stečeni uspjeh</i> .....	74
<i>Peta perla: Prilagodit ćeš se svome stanju</i> .....	75
<i>Šesta perla: Pravi savjeti razborite majke</i> .....	76
<i>Sedma perla: Žrtvovala se, pa je zadovoljila svoga Gospodara</i> .....	77
<i>Osma perla: Čuvala je povjerenja Allahovo, pa je On nju sačuvao</i> .....	78
<i>Deveta perla: Voda pokajanja je najčistija</i> .....	79
<i>Deseta perla: Prva žrtva</i> .....	80

## *Akvamarini*

<i>Prvi akvamarin: Uzdaš se u Allaha i spavaj</i> .....	83
<i>Drugi akvamarin: Sljepilo je samo u srcu</i> .....	84
<i>Treći akvamarin: Ne otvaraj sudnicu osвете čija ćeš ti biti prva žrtva</i> .....	85
<i>Četvrti akvamarin: Posebnost je u rezultatima</i> .....	86
<i>Peti akvamarin: Ateistički svijet je nesretan</i> .....	87
<i>Šesti akvamarin: Neki maniri životne saputnice</i> .....	88
<i>Sedmi akvamarin: Budi zadovoljna onim što ti Allah odabrao</i> .....	89
<i>Osmi akvamarin: Ne žalosti se zbog dunjaluka</i> .....	90
<i>Deveti akvamarin: Zadivljujuća ljepota u stvaranju Uzvišenog</i> .....	91
<i>Deseti akvamarin: Vrhunac darežljivosti i krajnost časti</i> .....	92



## Rubini

<i>Prvi rubin: Ništa ti ne može nadomjestiti Allaha</i> .....	95
<i>Drugi rubin: Sreća postoji, ali ko je može otkriti?</i> .....	96
<i>Treći rubin: Lijep odgoj je štit srca</i> .....	97
<i>Četvrti rubin: Deset pravila sreće</i> .....	98
<i>Peti rubin: Traži zaštitu od Allaha od brige i tuge</i> .....	99
<i>Šesti rubin: Žena koja pomaže u prebrođivanju teškoća</i> .....	100
<i>Sedmi rubin: Žena među džennetlijama</i> .....	101
<i>Osmi rubin: Milostinja otklanja nesreću</i> .....	102
<i>Deveti rubin: Budi lijepe duše, jer je kosmos lijep</i> .....	103
<i>Deseti rubin: Žena iz herojske priče</i> .....	104

## Dijademe

<i>Prva dijadema: Ne troši svoje vrijeme uzalud</i> .....	107
<i>Druga dijadema: Sreća se ne može kupiti novcem</i> .....	108
<i>Treća dijadema: Brzopletost i naglost su gorivo nesreće</i> .....	109
<i>Četvrta dijadema: Igra gomilanja imetka nema kraja</i> .....	110
<i>Peta dijadema: U besposlici se radaju poroci</i> .....	111
<i>Šesta dijadema: Kuća bez srdžbe, vike i umora</i> .....	112
<i>Sedma dijadema: Čednost i stid povećavaju ljepotu žene</i> .....	113
<i>Osma dijadema: Allah može vratiti izgubljeno</i> .....	114
<i>Deveta dijadema: Riječ koja zrači u vremenu i prostoru</i> .....	115
<i>Deseta dijadema: Srca koja žude za Džennetom</i> .....	116

## Prsteni

<i>Prvi prsten: Vjerovanje u Božije određenje</i> .....	119
<i>Drugi prsten: Sredina je najbolja</i> .....	120
<i>Treći prsten: Pesmista priziva nevolje</i> .....	121
<i>Četvrti prsten: Ne budi mračna i smrknuta</i> .....	122



<i>Peti prsten: Većina problema počinje od sitnica!</i> .....	123
<i>Šesti prsten: Umijeće čuvanja jezika</i> .....	124
<i>Sedmi prsten: Bori se protiv depresije namazom</i> .....	125
<i>Osmi prsten: Savjeti uspješne žene</i> .....	126
<i>Deveti prsten: Ko nije blizak s Allahom, nije blizak ni s kim</i> .....	127
<i>Deseti prsten: Vlasnica dva pojasa živi dva života</i> .....	128

## Unikati

<i>Prvi unikat: Ko ti je najdraži?</i> .....	131
<i>Drugi unikat: Sreća ne zavisi od bogatstva ili siromaštva</i> .....	132
<i>Treći unikat: Zar Allahu ne trebamo najviše zahvaljivati</i> .....	133
<i>Četvrti unikat: Sretnica usređuje sve oko sebe</i> .....	134
<i>Peti unikat: Budi smirena, jer se sve prema određenju odvija</i> .....	135
<i>Šesti unikat: Ummu Umara govori!</i> .....	136
<i>Sedmi unikat: Dobročinstvo prema čovjeku otklanja tugu</i> .....	137
<i>Osmi unikat: Pretvori poraze u pobjede</i> .....	138
<i>Deveti unikat: Odanost je vrijedna, pa gdje su odani?</i> .....	139
<i>Deseti unikat: Ozbiljnost u svemu</i> .....	140

## Merdžani

<i>Prvi merdžan: Hrabro se postavi prema ljudima</i> .....	143
<i>Drugi merdžan: Čuvaj se!</i> .....	144
<i>Treći merdžan: Zahvalnost dobročinitelju je obavezna</i> .....	145
<i>Četvrti merdžan: Dušu treba više negovati nego tijelo</i> .....	146
<i>Peti merdžan: Neka te sadašnjost zabavi od razmišljanja o prošlosti i budućnosti</i> .....	147
<i>Šesti merdžan: Nevolje su riznice želja</i> .....	148
<i>Sedmi merdžan: Budi milostiva prema onima koji su na zemlji, smilovat će ti se Onaj koji je na nebesima</i> .....	149
<i>Osmi merdžan: Svijet je lijep, a tu ljepotu vidi samo optimisti</i> .....	150



<i>Deveti merdžan: Sjeti se Allaha kad si u obilju, Allah će te se sjetiti kad si u oskudici .....</i>	151
<i>Deseti merdžan: Najveći vjenčani dar na svijetu .....</i>	152

## *Dijamanti*

<i>Prvi dijamant: Ključevi pobjede .....</i>	155
<i>Drugi dijamant: Napor povećava ukus pobjede .....</i>	156
<i>Treći dijamant: Briga mrcvari um i tijelo .....</i>	157
<i>Četvrti dijamant: Tvoj omiljeni posao tajna je tvoje sreće .....</i>	158
<i>Peti dijamant: Snaga je u srcu, ne u tijelu .....</i>	159
<i>Šesti dijamant: Velika žena paklene muke pretvara u raj .....</i>	160
<i>Sedmi dijamant: Strpljiva budi da bi pobijedila .....</i>	161
<i>Osmi dijamant: U teškoćama imamo jedino Uzvišenog Allaha .....</i>	162
<i>Deveti dijamant: Onaj koji se nevoljniku, kad mu se obrati, odaziva ...</i>	163
<i>Deseti dijamant: A ko škrtari, na svoju štetu škrtari .....</i>	164

## *Brilijanti*

<i>Prvi brilijant: Ti si muslimanka, ne Istočnjakinja ili Zapadnjakinja .....</i>	167
<i>Drugi brilijant: Zaboravi brige i posveti se poslu .....</i>	168
<i>Treći brilijant: Stvari koje te čine sretnom .....</i>	169
<i>Četvrti brilijant: Veži se za Allaha onda kada se sve veze pokidaju .....</i>	170
<i>Peti brilijant: Niko nije sretniji od vjernika .....</i>	171
<i>Šesti brilijant: Živi bez rasipanja i traćenja .....</i>	172
<i>Sedmi brilijant: Dobročinstvo čini prostranim prsa .....</i>	173
<i>Osmi brilijant: Allah nas iz svake nevolje izbavlja .....</i>	174
<i>Deveti brilijant: Čuvaj se nemarnosti! .....</i>	175
<i>Deseti brilijant: Osmjehni se životu .....</i>	176